

4390

Petrus Schueder.
a. 1662.

272177

Drexel

82 110697

Indian Sn.

Lab. 293994.

3 Tey. dentids. Raths H.
8.14.

157/14.

Petrus Schuster. a. 1624.



ZODIACVS CHRISTIANVS

das ist

Christelicher
Himmelsirckel

oder

Zwölff zeichen, bey welehen
ein ieder Christ erkennē
vnd schliessen kan, ob er
von Gott zum ewigen
leben für sehen, vnd erwölet
oder nicht.

Gantz XII schönē Figuren,
durch welche bemelte zeichē
für augen gestellt werden.

von

Hieremia Drexelio
lateinisch beschriben;

Nachmals

von Thoma Kern verteutsetzt;
beeden der Societät IESV
Priestern.

München,

bey Raphaël Sadeler.

A. 1624.



Zum Scepter vnd




Zur Cron.

Zum Schwerdt vnd



Zur Flammen.



Dem Wol-
gebornen Herren / Her-
ren Christophen Paraden-
ser Freyherren auff Newhaus / vnd
Gradisch / Erblandt Jägermeister inn
Kärndten. Röm: Kayf: Majest: auch
Hochfürstl: Durchl: Leopoldi Erzherzogen
inn Oesterreich; vnd Churfürstl: Durchl:
Maximiliani Herzogen in Obern vnd Nidern
Bayrn /c. Rath / Cammerer / vnd
Pfleger zu Eronspurg.

Auch

Ihrer Gn. geliebten Tochter/
der Wolgebornen Freyfräwlin /
Fräwlin Anna Maximiliana Paraden-
serin /c. des Königlichen Schiffes bey
vnsrer lieben Fräwen Haimsuch-
ung zu Hall im Inthal /
einuerleibten.

Gottes Gnad vnd Segen.

DEDICATIO.

In Ze Historien vnd
Geschichtē der Al-
ten/Wolgebornen/
Gnediger Herr / bezeugen/
wie König/Fürsten/vnd an-
dere grosse Herzen / mit lesen
Geistlicher Bücher / nicht
weniger wunderliche / als
löbliche Exempel/vns haben
vorgetragen/vñ hinderlassen.

Bekandt ist Kayser Theo-
dofij des Jüngern wachbare
Umpel / die er ihme mit so
kunstreicher Arbeit hat lassen
zurichten/das sie sich selbstem
bewögte / vnd wann es die
noch

DEDICATIO.

noth erfordert / Del zugosset
damit das Liecht nit erlösch-
te / sonder / so wol ohne hin-
derstellung deß wachtsamen
lesens hochbemeelte Kaysers /
als abbrechung deß natürli-
chen Schlags seiner Camer-
diener / stets leuchtete. Dann
der embsig Herz wegen seiner
wachtbarkeit / keinem seiner
Diener den Schlaf hat wö-
len schmälern / welcher ihn
doch ihme selbst oft biß in
die tieffe Nacht hinein / mit
stetem lesen entzogen hat.

Alphonfus König zu Ara-

A 3 gonia,

DEDICATIO.

gonia, ist im lesen der heiligen
Schrift so vnersätlich gewes-
sen/ daß er beide Testament/
Altes vnnnd Neues / zu vier-
zehn malen/ vnd das nit nur
oben hin / vnd auff der Post/
sonder wolbedächtlich / zu-
gleich mit einem Commenta-
rio vnnnd außlegung außgeles-
sen hat.

In der ApostelGeschichten
wirdt gerühmt der embsig
fleiß vnnnd eyfer / den im lesen
heiliger Schrift erzaiht / ein
ansehlicher Cammerer vnnnd
Pfenningmeister der Königs-
gin

DEDICATIO.

gin Candaces In Moherland.
 Diser/ vermelden angezogne Ge-
 schicht / war kommen gen Jeru-
 salem anzubetten / vnd zo-
 ge widerumb haim / vnnnd saß
 auff seinem Wagen / vnd laß
 den Propheten Isalam / 2c.
 Es verwunderen sich die heil-
 ligen Lehrer Chrysoftomus
 vnnnd Hieronymus, ab so an-
 dächtigem vñ embsigen fleiß
 zu lesen: Sehet zu / sagen sie/
 ein Barbarischer Mensch/
 voller sorgen / mit vilen ge-
 schäften beladen / in vnzahl-
 baren Gedancken verwicklet/

A 4 der

DEDICATIO.

der ligt dannoch ob den Büchern: Ob er schon nicht verstande was er laß / so laß er dannoch / vñnd das auff dem weeg / im Wagen. Wann er so embßig ist auff der Reiß gewesen / wie wirdt er sich an haimbs inn der ruhe verhalten haben? Vnder dise zähl deren / die mit so großem fleiß / vñnd so begirig dem Geistlichen lesen sich ergeben / kan ich Ewer Gn. mit gutem sueg vñnd recht auch zehlen.

Dann ob wol E. Gn. mit wichtigen Geschäften vñnd
Sorz

DEDICATIO:

Sorgen beladen / nichts des
 stowweniger einen so grossen
 eyser / fleiß vnd ernst im lesen
 Geistlicher Bücher erzaigen
 vnd sehen lassen / daß es von
 obgemelten heiligen Vätern
 Chrysofomo vnd Hierony-
 mo auch wol künde ge-
 rühmt vnd gelobt werden.
 Diser des Herrn Vatters tus-
 gent / vnd sonderlich desselben
 embsigem fleiß im lesen Geists-
 licher Bücher / schlägt trews-
 lich nach die Wolgeborne
 Fräwlin Anna Maximilian-
 na / welche sich auch darums
 A 5 ben

DEDICATIO.

ben in ein solchen stand bege-
 ben/dessen maiſte arbeit war/
 leſen / betten / betrachten.
 Es ſagt der H. Auguſtinus:“
 Wann wir betten / ſo reden
 wir mit Gott: wann wir aber
 leſen / redet Gott mit uns.
 Was iſt zuuermuten daß
 Gott der Herr/ mit vn̄ zu der
 andächtigē Fräwlin/mittels
 deß Geiſtlichen leſens geredet
 habe? Diſes gewißlich auß
 dem 44. Psalmen Davids:
 Höre Tochter / vnd ſihe / naige
 deine Ohren / vergiß deines
 Volcks / vnd deines Vatters
 Hauß / ſo wirdt der König
 laſt

DEDICATIO.

laßt an deiner schöne gewinnen.
 Solche ansprach des Herz
 rens/hat ihr Herz dermassen
 entzündet / daß sie der Welt
 gern vrlaub geben / Weltli-
 cher ding vergessen / die Oh-
 ren ihres Herzens zu Christo
 dem Herzen genaigt/ihre Aus-
 gen/ vnnnd ganze begirbt auff
 ihne allein geworffen / einen
 von der Welt yppigkeiten ab-
 gesünderten Standt / solche
 manier vnd weiß zu leben erz-
 wöhlet/darinn sie dem Him-
 lischen König gefallen / auch
 sein Wesponß vnd Geisliche
 A 6 Braut

DEDICATIO.

Braut werden köndte. An
 welchem Gottseligen fürnem-
 men E. Gn. sein gleichwol
 ainige herzkliebste Tochter/so
 gar nit verhindernen wollen/
 daß sie ihr vilmehr darzu bes-
 förderlich gewesen/vnd aller-
 dings / wie der Patriarch
 Abraham^a mit seinem einges-
 bornen Sohn Isaac den er
 lieb hette/auff Gottes befelch/
 ein dreytägige Raß in ein an-
 der Land / auff einen Berg
 verricht/denselben allda Gott
 zum BrandtOpffer auff zu
 opfferen: Also E. Gn. mit
 seiner

^a Gen. 22:

DEDICATIO.

seiner ainigen Herkliebsten
Tochter ein drehtägige Raiß
in ein ander Land gethon/im
Gebürg dieselbe Gott/der sie
beruefen/selbst Persönlich/zu
einem lebendigen Brandt-
Opffer/auffzuopfferen.

Wann nun dem also / has-
be ich nicht lang nachsinnen
sollen / was ich gegenwertis-
gem Büchlein (welches ich
auff bitt vnd anhalten des
Auctoris, auß Lateinischer/
in unser Teutsche Sprach
vbersetzt) für Patronen solle
erwöhlen / vnder deren Nas-
men

DEDICATIO.

men vnd Schutz es in öffent-
 lichen Truck außgefertiget
 wurde : Sonder / weil ichs
 für ein nutzliches / vnd zu vñ-
 ler Seelen hant gantz dienst-
 liches Büchlein sein erkennt/
 E. Gn. sambt dero geliebsten
 Tochter Fräwlin Anna Mar-
 ximiliana / als welche beide
 dem nutzlichen lesen / so geflis-
 sen / gleich ersten anblicks
 darzu erküsen : Denen ichs
 deswegen demütig vñ dienst-
 lich hiemit dediciere vñnd zus-
 schreibe / gantzlicher hoff-
 nung / sie werden beiderseits/
 ein

DEDICATIO.

ein innerliche vnnnd herkhliche
frewd / in ablesung / vnnnd erz
wögun g deßselben / schöpfen:
Vnd solches vmb so vil desto
mehr / je mehrer sie inn disem
Christlichen Zodiaco oder
Himel Circel / zeichen ihrer
prædestination vnnnd außers
wöhlung zur Seligkeit vnnnd
Himlischen Vatterlandt zu
finden / darinnen sie sich durch
Göttliche gnad vnnnd hülf in
der zeit ihrer Pilgerfahrt
bisher o embsig geübet: Des
sen sie sich dann mit guter zu
uersicht gegen Gott / zuge
trösten /

DEDICATIO.

trösten/ vnd in so Christlicher
übung / biß an das ende / be-
harlich fortzuschreiten / an-
sultung haben. E. E. Gn.
Gn. sambt dero hochgeehr-
ten Namen vnd Stammen/
hiemit inn die allernedigste
protection vñ schirm Gottes
herzlich befehlend. Mün-
chen / im Jahr / nach Christi
vnseres Erlösers Gnadenrei-
chen Geburt 1623.

E. E. Gn. Gn.

unwürdiger Caplan
vnd Diener.

Thomas Kern der So-
cietet Iesv Pilester,



Der Göttlichen Erwählung 12. Satzen/
durch 12. Figuren entworfen.

Diuinæ PRÆDESTINATIONIS signa XII.
totidem symbolis adumbrata.

ARTQVOS PRÆSCIVIT ET PRÆDESTINAVIT
CONFORMES FIERI IMAGINIS
FILII SVI. AD ROM. 8.



1. Internā se dūc orōibz. 2. mortem semper cogitat. 3. confessionis et
communione sacramenta frequentat. 4. omniū fortune bonis renū-
ciat. 5. aduersa cuncta patienter tolerat. 6. ad Dei verūm properat.
7. Egenos benignē iuuat. 8. sibi seipsum aestimat. 9. inimicos serūo
amat. 10. commissā innoxat non relapsurus deplorat. 11. suā omnem diuinā
volūntati conformat. 12. cunctis finis cum ratione concordiam imperat.

Welcher zum ewigen Leben erwöhlet vnd ver- ordnet ist.

1. Der erlustiget sich mit dem innerlichen
Liecht.
2. Gedenckt allezeit an Todt.
3. Beicht/ vnd Communicirt offte.
4. Sage allem zeitlichen Glück vud Güt-
tern ab.
5. Leide alle Widerwertigkeit mit gedult.
6. Ist embsig Gottes Wort zuhören.
7. Erzaigt den Armen gürtige hülf.
8. Achtet sich selber für gering vñ schlechter.
9. Liebet seine Feind hergklich.
10. Bewaint seine Sünden / mit fürsach
nit mehr zusündigen.
11. Richt all sein Willen nach dem Gött-
lichen.
12. Geheut seinen Anmutungen / daß sie
mit der Vernunft vbereinstimmen.

Dann welche er fürschen hat / die hat er
auch verordnet / daß sie gleichförmig sein sol-
len dem Ebenbild seines Sohns / Rom. 8.

Vorred

Vorred an den Leser.

DA hast du andächtiger Leser / XII. Zeichen der Göttlichen Fürscheidung vñ Wahl zum Leben / welche nach vñ nach / auß der heiligen Schrifte vnd heiligen Vätern mit fleiß zusammen getragen / vnd vmb besserer Gedächtnus willen / mit gleich so vilen vnderschiedlichen Symbolis, Figuren / vñnd Kennzeichen die seind fürgestellt vñnd fürgebildet worden. Will die also hiemit diesen Spiegel / dich alle Tag darinn zubesichtigen / oberliefert haben. Allda du dich zuerholen hast / wie vil diser Zeichen der Göttlichen Wahl vñnd Fürscheidung du in dir findest : Alle? deren keines? eins? oder etliche? Auß deme der vberschlag leicht zumachen / ob dein
Nam

Vorred an den Leser.

Nam in dem Buch des Lebens/
oder des Todts eingeschriben. An
dem letzten tag der Welt / am
schröcklichen Gerichtstag werden
dise Bücher / so noch verschlossen/
eröffnet werden. Vnd wer sich in
dem Buch des Lebens eingeschri-
ben nicht finden wirdt / der wirdt in
den fewrigen Teich geworffen
werden; ^a Die aber / deren Namen
in den Himmeln geschriben / ^b wer-
den sich vnermesslich erfreuen / vnd
das in alle Ewigkeit.

^a Apoc. c. 20. ^b Luc. 10.

Das

Das innerliche Licht.

Lucerna pedibus meis, verbum tuum,
et lumen semitis meis. Psal. 118.



*Ora brevissimè ac perfectissimè quantum potes:
DEVS semper idem; NOVERIM ME, NOVERIM TE.*

S. Aug. L. 2. soliloq. cap. 1.

Ein Lucern meinen Füßen
 ist dein Wort / vnd ein Liecht
 meiner Fußpfaten.
 Psalm, 118.

Bette auff's aller kürzest/
 vnd volkom̃nest als dir mög-
 lich; Gott ist allzeit/der Er ist.
 Ach daß ich mich / vnd
 daß ich dich erkennte. S.
 Aug. l. 2. Soliloq. cap. 1.

Das

Das Erste Zeichen der Göttlichen Erwö- lung.

Die Erste Figur.



Es ein brinnende Wachs-
kerzen oder Liecht: Das
mit bedeutet wirdt das in-
nerliche Liecht / wel-
ches die gutthaten Gottes/
der Welt entsetzt / des Lebens kurze zith/
der Sünden wuest / vnd aller Wollüsten
verschwindelichen vnd zergenglichen
schatten dermassen für Augen stellt / daß/
welcher solche ding anfangt zusehen / von
stundan nach dem Himmel seuffhet / vnd
mit dem Königlichem Propheten auff-
schreyet: Mein Seel Dürstet nach
dem

dem starcken / lebendigen Gott :
 Wann würde ich kommen vnd er-
 scheinen vor dem Angesicht Got-
 tes? *a* Vil sagen / wer zaiget vns
 was gut ist? Aber / O Herz / es ist
 gesiglet vber vns das Liecht de-
 nes Angesichts : Vnd in dißem
 Liecht deines Angesichts / wollen
 wir wandlen. *b*

§. I.

Wir haben zum Lehrmeister / in vns/
 das Liecht der Vernunft / welches
 der aller mildeste / frengeligste Gott / von
 seinem selbst aigen Göttlichen Angesicht
 herfließend / in den fürnemmeren theil
 deß Menschen gesetzt. Dasselbige Liecht
 vndercheidet vns nicht allein / von dem
 Viech / sonder erfordert beyneben auch/
 daß wir Gott vnserem Herzen ähnlich/
 vnd gleichförmig seyen. Dasselbige Liecht/
 welches dem Menschlichen verstande
 eingetruckt / ist ein vnaußlöschliche Pre-
 dig/vns ohne vnderlaß dahin ermahnend
a Psal. 41. *b* Psal. 4. vnd 88.

vnd treibent daß wir keinem zufügen noch
thun sollen/was wir nit wollen daß es vns
von anderen beschehe. Dann wir von
anderen eben das jentige zugewarten ha-
ben/was anderen von vns begegnet. Wir
welcher maß ihr werdet außmessen / mit
eben derselben wirdt euch widerumb ein-
gemessen werden: a laut des Euange-
lischen texts. Darumb dann weder mit
vnbillichem gwalt/noch betrüglicher vber-
hüstung / jemandt hindergangen / noch
ainiger anderer schaden/ am Guet / oder
an der Ehre/ ainzigem Menschen zuge-
fügt werden solle.

Dieses liecht / zaiget vns sambt allen
erschaffnen dingen (wiewol verdeckt)
auch den Schöpffer selbst / Gott den
Herrn / der alles hat vnd vermag : Wel-
cher der aller vollkömnest / seligist / vnd
ewigwierend ist : Sich selbst / vnd alle
andere benüget : Der anfang das mittel /
vnd ende aller ding : Der inn einem
liecht wohnet / da niemand zu kommen
kan : Der in seinen wercken vnd gaben so
a Matt. 7. Mar. 4. lieb.

Heblich/ als mächtig ist : Deme wollen/
 vnd thun/ ein ding ist : Der gang durch/
 auß ist die Warmherzigkeit / vnd Gütig-
 keit / Heilig/ aber doch ein ernsthafter/
 Strenger Richter / welcher mit Gaben nit
 kan bestochen/ mit schmaichlerischen hñlen
 Worten nicht kan gewinnen oder vberredet
 werden / dann er ja die Gerechtigkeit selbst
 ist : dessen gestalt so wol als größe vn-
 seglich ist / vnd von niemandt mag außge-
 sprochen werden : deme etwas gleichs wir
 weder gesehen haben/ noch jemals werden
 sehen können : Neben welchem alle schöne
 gestalt vngeschaffen ; aller schein vnd
 glantz entel Finsternuß/ vñ ein schwerlicher
 Schatten ist : Vnd diser aller lieblichisten
 vnd fürtrefflichsten Schönheit ist nichts
 annemblichers/ als daß sie geliebt werde.

Eben dises Licht zaigt vns die Werck
 vnser Erschaffers / als die regierung des
 Tags/ vnd der Nacht/ so für vnd für vmb-
 wechseln ; die vnbegreifliche Mayestät/
 oder Herzigkeit des Himmels / so voller
 Augen / voller Sternen ; die lange weite

Weeg vnd raifen der Sonnen / vnd des
 Mons / die grüne Eschoß der Erden / so
 voller Frucht vnd Blumen / die weit-
 läuffige vmbschwaiß der Wasserflüssen /
 die erschrockliche herrschung des Meers /
 die gesellschaften der Thier / das einkom-
 men der Früchten/zc. Welche ding alle/
 Gott der H^{er}z/ nicht mit Händen/noch
 einiger angewendter Mühe oder Arbeit
 gemacht hat/sonder/dieweil er gewölt/dasß
 dise sein sollen/seind sie allesamant worden.

Mehrbemeltes Liecht der Vernunft /
 vnd des Glaubens / gibt zuerkennen/die
 höchste glückseligkeit des Menschens stehe
 in deme/dasß er sich seinem Schöpffer vnd
 Werckmaister auff das gleichförmigist
 mache / dann das ist allwegen lieb / vnd
 annemblich / was ähnlich vnd gleich-
 förmig ist; mag also einem Bild oder
 abriß nichts bessers werden / als wann sie
 ihrem Patron oder Model / zum aller
 ähnlichisten vnd gleichisten sein : Vnd
 solches wirdt endlich auch mit vns ges-
 chehen / doch/in einem anderen Landt/in
 einer

einer anderen Welt / im sicheren Lande
der Lebendigen / es erscheint noch nicht/
spricht Ioannes. 4 was wir sein werden.
Wir wissen aber/wan er erscheinen wirdt/
daß wir ihm gleich werden sein / dann wir
werden ihn sehen / wie er ist.

Vom schein vnd glantz dises Liechts/
von einem solchen gedanken / wirdt der
Will mit freud angefüllet/ die Hoffnung
richtet sich auff in die höhe / vnd die Liebe
gegen Gott entzündet sich / vnd wirdt aller
Gewrig flammende. Dann / was ist doch
süßer / oder lieblicher / als daß sich der
Mensch selbst ansehe/ vnd warhafftiger
kenne / wie er sey ein eigentlicher abriß/
vnd lebhaftes contraseth/der vnendlichen
schönheit? Wisse auch vnd verstehe / daß
er seinem Gott vnd HErrn/seinem Ers
schaffer/gantz lieb/vnd wert sene?

Al dieweil nun aber obgedachtes
Liecht / die stralen seines scheins vnd glanz
es nicht vberall so reichlich / vnd häufig
außwirfft / der heilig König David auch
vermerckt hat / daß nicht aller Glaubigen

fremd gleich ist/ erfrewete er sich diser sonderbaren gabe Gottes / die er vor anderen vilen empfangen / sehr hoch/ frolocket dar über/ vnd sagte : Es ist gesiglet vber vns das Liecht deines Angesichts/ du hast fremd inn mein Hertz geben. *a* Mit in aller Menschen Herk / sonder/ in mein Hertz / (sagt er) vnd in deren / die von dir/ D ewige güte / zum leben fürsehen/ vnd verordnet worden. Darumb / in disem Liecht deines Angesichts wollen wir wandlen / vnnnd in deinem Namen täglich frölich sein : *b* Wir wollen frolocken / daß wir der finsternuß entgangen / auff daß wir von tag zu tag / je mehr vnd mehr / in der erkantnuß deines aller heiligisten Willens/ vnderwisen werden/ vnd mit dir/ O Gott/ ein gehaimere/ vnd vertreulichere freundschaft machen könden.

Selig seindt wir / O Jsrael/ daß Gott hat vns geöffnet was ihme gefällig ist. *c* Der gedultige Job / da
ihme

a Psal. 4. *b* Psal. 88. *c* Baruch. 4.

ihme alles was von der Erde / was von
Himmelkame / von vnden vnd oben auff
entgegen stunde / vnd zuwider war / dan
noch dises Liechts mit freuden eingedenck /
sagt er : Sein Licht schine vber
mein Haupt. vnd bey seinem Licht
gienge ich in finsternuß. *a* Deswe-
gen / Ihr (spricht Syrach) die den
H'Ern fürchtet / liebet in / so wer-
den ewere Herzen erleuchtet. *b*
Ewer Licht wirdt in der finster-
nuß auffgehen / vnd ewer tuncfel
wirdt sein wie der mittag. Der
H'Er wirdt euch ewige ruhe ge-
ben / vnd ewere Seelen mit hellem
Licht erfüllen. *c* So ihr aber von
Gott abweichet / werdet ihr allenthalben
mit Egyptischen finsternussen verwicklet
werden : Dan Irthumb vnd fin-
sternuß seindt den Sün-
deren zugeschaffen. *d*

B 4

§. II.

a Iob. 29. *b* Eccli. 2. *c* II. c. 58.

d Eccli. 11.

§. II.

Solche vnd dergleichen wort (sagt der Geist Gottes ^a) haben in der Höll geredt die/ so gesündigt haben. Welche seind die so geredt (fragst du vñlleicht) vnd was für wort haben sie geredt ? Dann nicht ein müßiger oder vnnußer Fürwiß ist es/ wissen/ was in der Höllen die Verdammbten reden. Was bey außländischen Nationen oder Völkern/ in der Königen Pallästen/ Fürsten vnd Herren Höfen/ geredt vñnd gehandelt wirdt/ hören wir mit grosser begird an : Vernemen was man in der Höll thut vñnd sagt / wann es nit vnannemblich/ wirdt es vil weniger vñnuß vñnd vergebens sein: fürnemblich / weil die erzehlung selbiger dingen nit / wie gemeinlich andere newe zeitungen / vñgewiß/ sonder gangß gewiß / warhafft vñd glaublich ist / sentemal Gottes Geist / der es im Buch der Weißheit erzehlet / ein Geist ist aller Warheit: Ergo errauimus à via veritatis, & iustitiæ lumen non luxit nobis : sagen die Verdammbten. So
^a Sap. 5. seindt

seindt wir dann von dem Weeg der
 Warheit weit irz gangen/ vnd das
 Liecht der Gerechtigkeit hat vns
 nit geleuchtet. *a* Ergo errauimus: So
 haben wir dann geirret. Das war
 ist die consequentz, die folg / vnd schlus-
 red: Wo aber ist das antecedens, die
 vorred/darauff dise folg geschlossen wirdt?
 Eben in gemeldtem Buch der Weißheit
 haben wirs / vnnd laut also: Venite, &
 fruamur bonis, quæ sunt &c. Kommt
 lasset vns der Güter / so verhanden
 seind/ genießten / vnd vns der Crea-
 turen schnell vnnd bald / als in der
 Jugendt gebrauchen. Wir wollen
 vns mit kostlichem Wein/vnd mit
 wolriechenden Salben füllen/ vnd
 kein Blum inn diser zeit muß vns
 entrinnen. Wir wollen vns Ro-
 senkrantz auffsetzen / ehe denn sie
 wälck werden: Es muß kein schöne
 Wissen sein / die wir mit vnsern
 Leibslüsten nit durchgehen wol-
 len./c. *b* Auff schöne Wissen oder Matten

a Sap. 5. *b* Sap. 2.

B 5

las

laden vñnd beruefen sie einander. Was
 theten anders Stier / Ochsen / vñnd Rüh?
 Sihe / das ist ihr antecedens, ihr vor-
 rede / die sie gemacht / vñnd gethon haben in
 der Welt: Die consequentz, folg oder
 schlußrede / ist erst gemacht worden in der
 Höl. Ach böse Dialectici vñnd vnfürsich-
 tige disputanten; dann wo sie das ante-
 cedens, die vorred gemacht haben / eben
 da hetten sie auch die consequentz, folg
 oder schlußred darauff setzen sollen: Als:
 Venite, & fruamur bonis quæ sunt:
 Kompt her / vñnd lasset vns der
 Güter / so verhanden seind / genieß-
 sen / 2c. Darauff sie von stundan hetten
 schliessen sollen / als: Ergo erramus: Da-
 rumb so irren wir / 2c. Dann einwe-
 ders muß man in disem Leben büßen / oder
 in dem andern Leben brinnen. Buß thun
 muß man hie / nit ohne end sündigen: von
 Creuß vñnd leyden muß man sekund ge-
 dencken / nit von wollust / tuckweil / vñnd
 ergekligkeit: Kämpffen muß man auff dis-
 ser Welt / Triumphieren gehöret anderst

wo hin. Ergo errastis: So habt ihr dann geirret/ so habt ihr dann grob gefäht. Die consequentz oder folg/ ist gut vnd warhafft/ aber all zu langsam / vnd zu spat geschlossen. Et iustitiae lumen non luxit nobis: Vnd das Licht der Gerechtigkeit (sagen die Verdammte) hat vns nit geleuchtet.

Vnd was ist aber diß für ein Licht der Gerechtigkeit/ das euch nit geleuchtet hat? Wenn das ein Gerechtigkeit ist (als die Rechtsgelehrte wollen) einem jeden / daß ihm gehört / zusprechen vnd geben; so wirdt auch der Gerechtigkeit Ampt sein / ein jedes ding seinem werth nach anschlagen vnd schätzen. Dannenhero / dieses Licht des Gemüts/ welches ein jedes ding für hoch oder nider / klein oder groß / für treflich oder verächtlich / nützlich oder schädlich nach erforderung seines werths/ recht mässig schätzt / billich das Licht der Gerechtigkeit / oder des Verstandts mag genennet werden. Vnd eben das ist / welches die Verdammten klagen/ daß es

B 6

ihnen

ihnen gemanglet/ vnd nit geleuchtet habe:
 Gute Wein kennen/ wolriechende Kränke-
 lein auff den Kopff setzen/ dem Maul vnd
 Bauch schleckerhafte Speisen vnd gute
 Bislein außsuchen / in schönen Gärten
 dem wollust vnd kurtweilen nachjagen/
 haben sie wol köndt; diß alles haben sie
 außbündig gewußt ins werck zurichten/da
 waren sie maister drauff: Aber daß solche
 ding dem ewigwehrenden wollust vñ him-
 lischer Freud mit nichten sollen fürgezog-
 gen werden; haben sie fein süß vnd lieblich
 nit wissen wollen. Kurtz/vnd schändeliche
 ergeßligkeiten achteten sie so hoch / daß ih-
 nen alle freuden der Außermöhten seligen
 im Himmel droben / ganz geringgültig/
 vnd schlecht fürkamen. Ihre süße Wein/
 ire Panger oder Gasterenen/ ire hüpsche
 Bultschafften / ihre wolriechende Rosen/
 haben sie also hitzig geliebt / daß sie auch die
 Himlische wollustbarkeiten selbst / teck
 vnd fräuentlich verachteten: So lieb vnd
 werch ließen sie ihnen sein die freyheit zu
 sündigen / daß gar wenig / oder wol gar
 nichts

nichtes bey ihnen goltē hat die ganze Ewig-
keit. Das aber ist die aller vngerechteste/
vñ vnbillichste schätzung gemelter dingen.
Das widerspil lehret vns das liecht des
Verstandis/ welches will vñnd erforderet
daß die ainige Ewigkeit allein/ in höch-
stem werth solle gehalten/ das vberig alles
mit einander auff ein hauffen für gering
vñd schlecht geachtet werden. Ergo erra-
nimus? Ach/ so haben wir dann gestret?
Freyllich wol/ die sache redet selber. Ergo
iustitiæ lumen non luxit nobis? So
hat vns dann das liecht der Gerechtigkeit
nicht geleuchtet? Wie ihr sagt/ ist hell am
tag/ vñd nur gar zugewiß. Vil seindt/
die nicht verstehen wollen guts zu-
thun. a Betriegen sich selbst/ mit einer
freywilligen/ aber schmeichlerischen vn-
wissenheit/ vñnd gehen alle löse weeg gern.
Auß deren zahl sent auch Ihr gewesen:
habt euch auff das gut vñd auf die tugende
nit wollen verstehen. So schreyet dann je-
kunde/ vñnd heulet; ihr armseltigen; diß
wirdt ewer Gsang sein in alle Ewigkeit:

Ergo errauimus: So haben wir dan
geirret; darumb so hat vns das
Licht der Gerechtigkeit nicht ge-
leuchtet. Das ist der Psalm / deren so in
der Höll singen / das ist ihr trawriges
Klaglied / mit ewigfliessenden Zähern her-
auf zuwathen.

§. III.

Gebt acht. O ihr Christen / vnd merck
wol auff / schließt nit auß die Stralen des
Göttlichen Lichts / die von Himmel ober
euch außgelassen werden: Der Herz gebe
vns Krafft / vnnnd erleuchte vnser
Augen. a So nun jemand mit diesem
Licht der Verstandnus wirdt bescheinet/
sieht er leicht vnd bald / daß die Menschen
nit höher seindt zuachten als Gott; die
Reichthumben dem Gewissen nit fürzu-
ziehen; die Menschliche huld vnnnd gunst/
nit mehr als die Göttliche zuschätzen; daß
auch kein ainziger zeitlicher/irrdischer wol-
lust / wie groß vnd gut er immer sein mag/
dem Himnclischen / noch alle dise hinflie-
sende zergängliche ding / den Ewigweh-
renden

tenden fürzusehen sehen. Vnd warlich
(sagt der H. Chrysostomus) hat der jes-
nige nichts / daß er auff Erden liebe / wel-
cher die Himlische süßigkeit verkostet hat.

Dieses Liecht der Verstandnus hat der
gütige Gott gewölt / daß es dem H. Au-
gustino gang reichlich vnd hell leuchten
solle: Ich war ermahnet (sagt er *a*) in
mich selbst zugehn / drauff bin ich eingan-
gen ins innerst meines herzens / vnd habe
mit waß nit was für einem Aug meiner
Seelen gesehē / das vnverenderliche Liecht
deß Herzens; der es kenne / kenne die
Ewigkeit. Vnd habe mich ferz von dir sein
befunden / in der Landschafft der vn-
gleichheit. Zwischen disem Liecht der Ver-
standnus oder Gerechtigkeit / vnd dem
Liecht der Andacht / ist ein geringer vnder-
schid / von deme der H. Bernardus also
sagt: *b* Bitte / daß dir das Liecht der An-
dacht geben werde / vnd der allerhaittereste
tag / auch Sabbath deß Gemüts / an wel-
chem du / als ein abgemüheter / wol ver-
a lib. 1. confess. c. 10. *b* ser. de cir-

cumcis: Domini.

dienter

diener Soldat / in aller Arbeit / ohne
 mühe vnd arbeit leben köndtest / vnnnd also
 durch erweiterung deß Herzens / den weeg
 der Gebotten Gottes fortlauffest: daß /
 was du zuuor mit bitterkeit vnd bezwang
 nuß deines Geists gethon / hinfüran mit
 lieb vnd lustiger gutwilligkeit laisten vnnnd
 verbringen mögest. Eben zu dem lockt vnd
 ladet vns der Königlliche Prophet Da
 uid: Kommet her / sagt er / zum Her
 ren / vnd werdent erleuchtet: a ver
 kostet / vnnnd sehet / dann der Herr ist lieb
 lich. Gang lustig vnnnd holdselig ist dises
 Liecht deß Herzens / vnd ein flämlein vol
 ler lustbarkeit / so den Menschen dermas
 sen erleuchtet / daß ihme die Majestät vnd
 Herzlichkeit Gottes von tag zu tag mächt
 ger scheinet / vnnnd ie länger ie grösser für
 kombt. Wo dises Liecht in dem Menschli
 chen gemüt angezündt / brñet / da wachset
 täglich (wunder ding) der sonst alles
 wachseus / zunemmens / oder vermehrung
 gang vnfähig ist / der vnermessliche /
 vnd unbegreifliche Gott.

Will.

Willfährigkeit zu Sterben.

Coarctor è duobus, desiderium habere
dissolui et esse cum Christo. *ad Philipp. 1.*

PROMPTITVDO AD MORTEM.



Mors, munus necessarium est nature iam corruptae, quae non fugienda est sed potius amplectenda, ut iterum fiat voluntarium, quod futurum est necessarium: offeramus Deo pro munere quod pro debito tenemur reddere. Greg. in Matt.

Beedersents würd ich ged-
rungen / ich beger zu Ster-
ben / vnd bey Christo zusein.
ad Philip. 1.

Der Todt ist ein notwendis-
ge gab für die seho zerstörte
Natur / den soll man nit flie-
hen / sonder vmbfahen / das
mit das widerumb freywillig
werde / welches künfftig sein
muß. So lasset vns Gott zu
einer Gab opfferen / was wir
ime zugeben schuldig. Greg.
in Matth. 10.

Das

Das ander
Zeichen der
Göttlichen Erwöhl-
ung.

Die ander Figur.

Sie ein Todtentopff: Damit er-
klärt wirdt / ein willfäriges
Gemüt zu Sterben / wann/
wie / vnd was gestalt es Gott gefäl-
lig. Vnd ihr (sagt der H^{er}) solt
gleich sein den Menschen / die da
warten auff ihren Herzen: wenn er
auffbrechen werde von der Hoch-
zeit / auff daß / wann er kombt vnd
anklopffet sie ime bald auffthun. ^a
Es klopffet der H^{er} (sagt der Kirchen-
lehrer Gregorius ^b) wenn er mit vnges-
mach

^a Luca 12. ^b hom. 13. in Euang.

mach der Kranckheiten/ den allbereit herzu
 zu nahenden Todt ankündet / deme thun
 wir alßbald auff/ so wir ihne mit liebe auff-
 nehmen. Der aber will dem Richter/so
 also anklopff nicht auffmachen / der sich
 scheuet von dem Leib außzugehn/ vnd den
 anzuschawen als einen Richter/ welchen
 er / wie ihne sein Gwissen sagt / so oft ver-
 achtet vnnnd verschmehet hat. Welchen
 aber die hoffnung vnnnd geschehne arbeit
 zimlicher massen versichern / der mache
 dem anklopffenden ohne verzug auff / er-
 freuet sich der berueffung/ vnd wegen der
 Herzigkeit zukünfftiger belohnung / frolo-
 cket er / auch mitten im laid. Begehren
 sollen wir auffgelöset zuwerden / vnnnd bey
 Christo zu sein. a Es ist doch vil besser/als
 daß dise vnser irdische inwohnung / vnnnd
 trawriges hiebleiben sich verlängere. b
 Der kan nit vbel sterben / welcher wol ge-
 lebt hat: noch wol sterben / der vbel gelebt
 hat. c Vnd was ist aber diß/dessen verlurst
 wir vns so hefftig besorgen vnnnd fürchten?

a Phil. 1. b Psal. 119. c Aug:

de doct. Christ.

Was

Was ist diß zeitlich Leben anders / als eine
gezierte Bauckelbine / darauff so vil Affen-
werck vnd Fasnachtspil zusehen. Was ist
vnsrer Leben besser als ein Meer / voll aller
mühe. vnd armfeligkeit? Du habest nun
ein Schiff was du immer für eins wöllest/
mit Gold oder Silber vberzogen / von
Berlein vnnnd Edlengsteinen versehen / oder
aber von Holz zugerichtet / so wirst du dich
dannoch der anschlagenden Wellen nicht
erwöhren; Schrofen vnd Felsen / daran
du manchen anstoß leyden mußt / werden
dir begegnen; mehrmalens wirst du auf-
fahren vnd im Sand behangen; selig ist/
der dieses Meer vberschiffet; selig der hin-
durch / vnd außgeschwommen / vnnnd den
sicheren Port / oder Statt erraicht hat.

So nun jemandt / seinem gedanken
nach. all zu frühe vom Todt auffgefodere
wirdt / vnnnd vor der zeit stirbt / ehe daß er
das grawe Alter erraicht / hat er sich des-
sen nit mehr zubeklagen / als jener / der sein
Schiffart hurtig vnd fürderlich vollendet
hat. Warumb sollen wir dann den Todt/
der

der nichts anders als ein end der arbeit/
 vnd anfang der Himlischen vergeltung/so
 hart fürchten? Das vriheit des Todes/ ist
 von dem Herzen vber alles Fleisch gefällt/
 vnnnd ist demselben in vorgehenden zeiten
 niemand enttrunnen / wirdt ihme auch in
 folgenden Jahren/ nit ein ainiger entgehē
 mögen. So vil gleich immer vorgangen/
 werden nichts destoweniger alle müssen
 hinnach folgen. Mit dem geding seindt
 wir auff die Welt kommen vnnnd geboren
 worden / vnnnd dahin eylen wir/ wohin al-
 les / was vnder der Sonnen ist / eylet:
 Der Todt ist aller ding zihl vnd ende; er ist
 viler Menschen Arhney; der Frommen
 wunsch vnd verlangen / deren warlich/die
 zum ewigen Leben versehen vnd verordnet
 seindt. Der Todt ist ein auflösung / endt-
 schafft vnnnd vrlaub aller schmerken / er ist
 ein termin vnd zihl / darüber vnser hieige
 übel nit schreiten könden.

Ein vnfinnigkeit were es / dem allge-
 meinen decret vnd ordnung des allergü-
 tigisten Herzens/ vnd gnedigsten Gottes/
 wollen

wollen widerstreben / vnnnd den tribut sich
wägen zuerlegen / dauon keiner vberall
befreyet ist; oder nach der jenigen Freyheit
stellen / die keinem durchauß vergunnet
wirdt. Bil höher steigt der Christen
Theologia vnd Verständnuß Göttlicher
dingen/ als die da waißt/ wie man das Le-
ben gedulden / den Todt wünschen vnd be-
gehren künde.

Der Schwan/ als Solinus schreibt / a
seuffzet vnd trawret im Leben/ ist aber frö-
lich vnnnd singt im Todt: Also thun ihm
auch die Außervöhlten / dieweil sie auff
Erden leben / seuffzen vnnnd trawren sie:
Im Todt vnd Sterben aber/ frolocken vñ
singen sie / als die forthin in Ewigkeit im
Himmel leben/ vnd sich erfreuen werden.
Also hat gesungen der achzigjährige
Schwan / der alte Simeon: Nun laß
fest du deinen Diener im friden fah-
ren. b Vnnnd warumb sollen wir auch
trawren vnnnd klagen/ so vnser hüttle oder
arms herbergle vnnnd wachterheußle ein
a Solin. de mirabilib. mundi.

b Luca 2.

saß.

fällt. Wir wissen doch / so vnser ir-
disch Hauß diser wohnung zerbro-
chen wirdt / daß wir einen Bau
haben von GOTT erbarwet / ein
Hauß nicht mit Händen gemacht/
sonder das ewig stehn bleibt im
Himmel. 2. Cor. 5.

§. I.

Wer ist/der die ganz Nacht durch/ein
harte Banck hat truckt / oder auff einem
kalten Strosack ist gelegen / der nit/ wann
die zeit verhanden/ hui vnd hurtig sen zum
auffstehn? Die allein saumen sich/die stre-
cken vnd ranken sich / die wenden sich von
einer seiten zur anderen / als ein Thür im
Angel/welche in waichen feder. vñ pflaum
Beyhern/auff linden Böstern vñ Küssen
ruhend/ das warme nest vngern verlassen.
Gehets dir vbel in disem Leben? So wirdts
dir dann meines erachtens/ nit schwer fal-
len/ von disem / zu einem besseren dich be-
geben: Ist dir aber wol inn disem Leben?
So ist es grosse zeit / daß du es bald endest/
damit dich nit vñlleicht / wenn dus ver-
E länge

lengeren soltest / das Glück / wie vil andere / mit einem schweren fall gehling stürze. So ist dann nit zu fürchten / spricht Tertullianus, das jenige / welches vns von allem dem / was zu fürchten ist / befrehet vnd ledig macht. Gott der H^{er}z nimbt dem ein langwirige Marter ab / deme er ein kurzes Leben vergont. Darumb der heilig vñ dapffer Martyrer Cyprianus, als er gehört das Urtheil vnd Sentenz / den Kayser Valerianus vber ihn gefällt; also lautende : Unser beuelch ist / daß Thascius Cyprianus mit dem Schwerdt hingerichtet werde. Hat er / mit auffgehebeten Händen vnd Augen gen Himmel geantwortet: Deo gratias, Gott sey danck / der mich würdig achtet von den Banden dieses Leibs auffzulösen.

Es verwundert sich der heilige Ambrosius, daß etliche / wenn sie sterben sollen / lieber auß ihrer Gefängnuß wollen gestossen / als außgeführt werden. Was ist doch (spricht er) das Leben auff diser Welt anders / als ein stetter Streitt vñnd

lib. de bono mortis. Kampff

Kampff mit dem Zorn / Gantheit / vnnnd
 Traß? Eben diser mainung ist Chryso-
 stomus auch: Was sagst du / O Mensch?
 (spricht er) du wirst berueffen zum
 Reich / zum Reich deß ewigen Gottes
 Sohn; vnnnd du faullenhest / gineest / scha-
 best / tragest im Kopff / besinnest dich hin
 vnd her / ob du kommen sollest / oder nicht?
 Dann so du täglich tausentmal Sterben
 soltest / were es dann nicht alles billich zu
 thun / vnnnd zu leyden? Was wurde dir
 doch / wenn es vmb ein Fürstenthumb zu
 thun / schwer fallen? Da du aber ein mit
 vnnnd Reichsgenoff deß Eingebornen
 Sohns Gottes werden sollest / were es nit
 werth / wenn du schon durch Spieß vnnnd
 Schwerter / Wasser vnd Fewr hindurch
 tringen / vnnnd darzu gelangen müßtest?
 Aber du trawrest / daß du von dannen
 mußt / woltest lieber bey dem gegenwertigen
 verbleiben / bist für den Leib gar zu sorg-
 fältig / vnnnd haltest den Todt für ein grau-
 fames ding; was ist das?

Dessen alles ainzig vnnnd eigentliche
 E 2 vrsach/

vrsach / seind die wollusten / frewden / vnd
 ergeßlichkeiten dises Lebens. Sonsten / der
 ein bekummertes / widerwertigs / verbit-
 tertes Leben führt / der hat der Vorn gar
 gnug / were gern bald auß dem Garten / vñ
 wünscht ihme mit dem Prophten / Zau-
 benflügel / daß er flüge / vñnd etwa ruhe.
 Also geschicht vns / was den jungen Vö-
 gelein / die auß faulkeit von ihrem Nest nit
 wollen abfliegen / wolten allwegen darinn
 hocken; je länger sie aber darinn sitzen / je
 schwacher vnd fauler werden sie zum ab-
 fliegen. Das gegenwertige Leben ist gleich
 als ein Nest auß stupffen / strohalm vñnd
 torh zusammen klait: Vñnd wann du mir
 schon zaigest prächtige Gebaw / ja König-
 liche Palläst / mit Goldt vñnd köstlichem
 Marmelstein geziert / wird ich dannoch /
 zwischen denselben / vñnd den Schwalben-
 nestern keinen vnder schid machen: Dann
 so deß Winters vngestüme einfällt / wer-
 dens alle für sich selbst zuboden gehen.

Also / O heiliger Chrysoftome, du
 wolberedter Orator vñnd guldener Red-
 ner /

ner / also ist ihme in der warheit / wie du sagst / endlich fallen alle ding vber ein hauffen / vnnd wir sambt ihnen ; gemeinlich auch / vmb so vil desto sicherer / je bald der vnd geschwinder. Dannenher froloset der weise Mann darüber / daß der Gerecht schnell / auß disem Leben / ist hingezuckt worden / damit die Bosheit seinen Verstandt nicht verendere. ⁊ Vnnd ein Engel Gottes straffet einsten einen Menschen / der sich zu Sterben / gar zu sehr besorgt vnd geförchtet hat / vnnd sagt: Im Leib etwas schmerzhafftes zuredulden / beschweret ihr euch : Den Leib zuuerlassen / vnnd aufzufahren / ist euch auch nit eben / vnnd wöllet nit daran ; was muß ich denn mit euch weiters anheben ? wie muß ichs euch noch machen ? Der jenig glaubt die Auferstehung nicht / der zu einem besseren Leben nit enlet. Wenn das Haus will einfallen / ziehen wir nicht gutwillig vnd gern darauf ? Wenns Schiff auff dem Wasser vnder der vngestümme der Sturmwind vnd brausenden Wellen / in gfahr ist zu-

scheiterten vnnnd vnder zugehen/ verlanger
 vns nit alsdann herkhlich bald am Gstat
 vnnnd Vser zusein? Die Welt erzaiet sich
 an allen orten vnnnd enden sehr barwfellig/
 ist voller flufften/ riß/ vnnnd spalt: Allent-
 halben toben vnnnd wüten die vngestimme
 Wellen vnd Sturmwind: Ey warumb
 verlanger vns dann nit nach dem Gstat
 vnnnd sicheren Port der Seligkeit. Wa-
 rumb begeren wir nit auß diser Welt zu-
 gehen zum Vatter? Daselbsten die auß-
 erwöhlte Schar vnserer befreunden vnd
 geliebten auff vns wartet / welche nun
 mehr ihres hails wegen versichert/ für das
 vnser aber fast sorgfältig ist. Dwol selig
 die Todten / die in dem Herzen sterben!
 Dann im Sterben ruhen sie gleichsamb in
 der schoß des Herzens/ vnnnd also ruhende
 entschlaffen sie im Tode süßiglich. Also
 der H. Stephanus b mitten im rumul/
 auffruhr/ großem geschrey vnnnd wütigem
 gerhöß seiner Steiniger / da ein ganz stei-
 nener blakregen auff ihn fiel / entschlaffe
 er dannoch im Herzen. Also auch hat
 a Apoc. 14. b Actor. 7. Chri

Christus vnser Herz vnd Hayland gsagt/
 daß sein Freund Lazarus entschlaffen. *a*
 Vnnd Moyses der Diener Gottes ist ges-
 storben nach dem Wort vnd beuelch des
 Herzens. *b* Vnnd gleich wie ein Mutter
 ihr Kindlein / das inn ihren Armen ent-
 schlaffen / an ihren Munde trucket / lieblich
 kussset / vnd also stillschweigendt ins Berth-
 lein auffß leiseß leget : Also seindt / die da
 wollen / daß / nach der Schrift sinn vnnd
 verstandt / Moyses / gleich als ein schlaf-
 fendes Kind / von Gott dem HErrn /
 mittels eines Mütterlichen kuß vnd umb-
 fangens / in die Schoß Abrahams / als in
 ein sanfftes Berthlein gelegt sey worden.
 Freylich; Wenn er seinen geliebten
 den Schlaf geben wirdt / sihe / da
 ist das Erb des Herzens. *c* Selig vñ
 aber seltg seindt dise Todten : Von nun
 an jertz spricht der Geist / daß sie
 ruhen sollen von ihrer Arbeit. dann
 ihre Werck folgen ihnen nach. *d*
 Gleich als die Diener / ihrem Herren; die

a Ioan. 11. *b* Deut. 34. *c* Psal. 126.

d Apoc. 14.

E 4

Söhn

Söhn ihrem Vatter; die Hofleute ihrem Fürsten. Sie folgendt ihnen nach biß für den Richterstuel Gottes; biß in den Obrißten Königlichen Pallast / da hinein allein diese edle Diener gelassen werden. Wer dann nun zum ewigen Leben von Gott ist erwöhlet/ vnnnd verordnet worden/ der preiset vnnnd rühmet den Todt/ als ein fürtrefflich guten fundt der Natur / wol wissendt/ daß er durch keinen andern weeg/ zu gemeltem ewigen Leben kommen könne. Vnd dieweil ein solcher Mensch/ zum sterben niemals vnberait ist / berathschlagt er weißlich / vnnnd vernünfftiglich mit ihm selbstn also.

§. II.

Warumb soll ich mich zu Sterben entsetzen? bin ich doch auff meiner Väter gangsteig; ich trittt doch die gemaine/ richtige/ vnd wolgebahnte Straß an / die alle Menschentinder wandern: Warumb soll ich allein/ wiß nit was anders/ für mich erwöhlen/ vnd besonders haben. Ich wills gleich gern vnd freywillig thun/
was

was ich ohne das/ auch mit vnwillen thun müßte: was willig gschicht/ kombt leichter an/ als was hart vnd mit vnwillen heraus preßt wirdt:

Dan wo der gut will ist im schwang/

Da höret wol bald auff nothzwang.

Zu deme / habe ich nicht vrsach wider den Todt mich zu spreissen/ oder vor ihm zuzausen / dieweil ich durch ihn auffhöre zusein/ das ich vngern war/ das ist/ sterblich. Wie ein anderer sterblicher Mensch / hab ich disen Leib empfangen/ daß ich ihn widerumb haimgebe / will ihn darumb dem wider zustellen/ von welchem ich ihn empfangen / auff daß ich den hernach abermals mit Bucher empfangen möge: Biß hieher / bin ich von der anschawung meines Gottes verhindert/ vnd auffgehalten worden/ durch disen verzug/ oder verweilung deß sterblichen Lebens / welches gleichsamb ist ein vorpil deß vil besseren ewigen Lebens: dann der jenig tag/ ab dem ihrer vil erschrecken / als ab dem letzten tag/ der ist der rechte Geburts-

tag der Ewigkeit. Es wirdt widerumb
 kommen ein tag/der mich wider ans Liecht
 vnd zum Leben bringe; vnnnd darumb will
 ich dultmüdig von hinnen schaiden / weil
 ich der widerkunft vergewisset bin. O wie
 frölich will ich anlachen; wie begirig will
 ich vmbfangen/ den jenigen tag/ der mich
 In mein vorberaite wohnung wirdt einse-
 tzen: der mich diser Welt wirdt entziehen/
 vnd von allen Banden befreyen / im Pa-
 radenß wirdt einstellen? Ich waiß mich
 gleichwol in vilen stücken schuldig; aber/
 O mein Herz/ dein erbärmnuß ist ein vn-
 ermeßlichs Meer der gnaden. Inn dises
 hohe Meer will ich mich frölich hinab
 werffen vnd stürzen / wenn mich der Todt
 vom bühele dises Lebens wirdt hinab stos-
 sen: Also will ich mit einem ainkigen
 schwung vnnnd wurff meiner selbst in die
 Schoß deiner Barmherzigkeit / alle ver-
 drißligkeiten vnnnd beschwerdten dises Le-
 bens abreissen. Ach daß sich der Todt auff
 dem weeg nicht lang saumete: Er komme
 wenn er wöll / soll er mir ein lieber Gast
 sein;

sein; er wirdt mich zuruhen vrbietig vnnnd
berait finden: der ruhe bin ich so abhold
nicht/ daß ich den Jehrabendt alles vbels/
mühe vnd arbeit/ außschlage. Vnnnd wa-
rumb solte ich mich alsdann nit vil mehr
frewen/ wenn mir vergonnet wirdt / daß
ich dises Leben/ als ein Kramladen / vnnnd
Werckstatt aller armseligkeit darff zuthun
vnnnd beschliessen? Wann ich sehe / daß ich
das Joch des Todts kan von mir werf-
fen / vnnnd alles vnglücks entschütten/
auch einen solchen Tag ansahen kan / den
kein Nacht nimmermehr verfinstern / noch
enden wirdt? O ein lieber Gott/ O wie
ein gewünschte Botschafft wirdt mir dise
sein/ wann mich mein HErr vnnnd König
wirdt berueffen/ vñ auß diser Gefängnuß
loß vnd ledig machen? Vil ding würd ich
verstehen vnnnd wissen / nach meiner entle-
digung / welche ich sonst als ein gefang-
ner / mit keinem studiren / fleiß / noch ar-
beit/ jemals wurde gelernet/ oder begriffen
haben?

Ein Vögelein / wann das ketsen offen
steht/

stehet/ treibt man nicht hinauß/ sonder es
 fleugt selbstn gar hurtig daruon : Also
 will ich auch / weil ich dises Lebens schon
 vor lengsten satt vnd verdrossen / freywil-
 lig vnd gern hinauß wandern in die schö-
 ne/weite/ Himmelblawe Landschaft: vnd
 mich durchauß nichts bekummern lassen/
 an was ort / oder zu was zeit ich sterbe :
 Der mache es/ der mich gemacht hat / wie
 er will / vñ es ihme gefällig ist: Sein will/
 ist meines Lebens vnd Todes ainige Richt-
 schnur vnd Regel; nichts böses / noch ar-
 ges hab ich mich von dem zubeforgen/wel-
 cher die purlautere güte vñ mildigkeit selbst
 ist. Ist es dann nicht inn deß Hafners
 macht/ daß er mit seinem geschwinden
 Rad/ ein geschirzlein mache/ vnd dasselbig
 wider zerbreche? Nun bin ich ja ein ge-
 schirzlein / von dem gwaltigen künstlichen
 Hafner / Gott dem H Erzen/ geformiret
 vñnd gemacher: Was hab ich mich dann
 zubeflagen / wann der so mich gemacht/
 widerum brechen/ ja vil mehr von newem
 drähen/vnd mich auß einem ellenden vnse-
 ligen/

ligen/ reich vnnnd selig machen will? Will
 er daß ich leben solle / so will ichs auch / so
 lang er will. Will er daß ich sterben soll/
 so begere ich nicht eines Augenblicks lang
 ainige frist / verzug / oder instand / nur im-
 mer weiter vnnnd von dannen / weil es ist
 Gottes will. Mein anfang/ vnd mein en-
 de seind von ihme: Was er mir wirdt zu-
 schicken/ das will ich von ihme nicht allein
 mit willigem / sonder auch mit frölichem
 herzen vnd gemüt / an / vnd auffnehmen.
 Christus ist mein Leben / vnnnd
 Sterben ist mein gewin. a Dich liebe
 ich / O du mein allerliebster HErr vnnnd
 Gott / vnd begere dich noch inbrünstiger
 zu lieben. Ach daß in diser stam der liebe/
 mein Herz gänzlich zerschmälket: Ausser
 dir / O Gott/ ist nichts vberall / daß mich
 ersettigen/ oder selig köndte machen. Vnd
 wann/ O mein Gott/ wann wirdt es doch
 einmal zeit sein / daß ich von dannen zu dir
 rause? dir folge ich gütiger Vatter/ dir folge
 ich vnd vmb so vil desto fertiger/ je nehmer
 du mich zu dir berueffest.

§. III.

Also ist gesinnet der jenig/ welcher anderstwo zuleben / vnnnd mit Christo zusein begeret. Vnnnd ist zwar diß nichts vngewöhnlichs / oder newes: Dann / wie ein Arzt / spricht Theophylactus, wann er sieht/ daß der Kranck ein vnlust hat ab der Speiß / oder Arzney / dieselbe selbst zum ersten nimbt vnnnd versucht / damit er dem Krancken / solche auch zunehmen / einherk vnd lust mache: Also hat Christus der liebreiche Arzt / zum ersten gar wol verkostet den Todt/auff daß ein Christenmensch kein vnlust schöpffte / denselben auch zu verkosten.

Warumb dann / lieber Christ; ob du schon von Natur forchtsamb bist / vnnnd vermerckest/ daß du dahin sterbest/warumb woltest du dem/ welchen ein kleins hieuor hast hören reden / nit folgen / vnd mit vnerschrocknem Gemüt/ vnnnd grossem vertrauen / auch mit disen Worten herausbrechen? Ich will den Kelch deß hayls nehmen/ vnnnd deß H^hErren Namen

Namen anrueffen. a Diser Kelch ist zwar etwas bitter / den hat doch auch getruncken mein Heylandt vnnnd Seligmacher / vnd hat mir auß disem / von seinem blutigen Creutz herunder ains bracht / daß ich ihme beschaid thun solle. Diser Kelch ist der Tödtliche trunck / den Christus vnser lieber HErr willigklich getruncken / vnnnd auß dem alle Menschen nothwendig / vnd vnuermendenlich beschaid thun müssen ; Warumb dann wolte ich allein denselben außschlagen ? Wer angefangen hat zu leben / ersen gleich wer er wöll / der muß einmal auch auffhören zuleben ; damit er widerumb / vnnnd noch einmal anfangen / vnnnd zwar ein solches Leben / daß er nimmer ende. Was wiltu dann jekund / du entele forcht ? was haltest mich ab du schedliche trawrigkeit ? wölt ihr nicht daß ich trincke den Kelch / den mir mein Vater hat geben / den mir Christus mein Heylandt gemischt / vnd selbs getruncken hat ? Sollich ein sterblicher Mensch sein / vnd Sterben nit gelernet haben ?

Als der Macedonische König Alexander schwerlich Kranck lage / haben etliche seiner Freunde / all zu vil bekummert vnnnd angsthaftig / Philippum seinen Leib Arkt / bey ihme Alexander / beschuldiget / vnnnd gezeigen / er habe Gifft / für Arhnen / ihme einzugeben im willen / soll sich derowegen fürsehen vnnnd hüten / den Giffttrunc nicht annehmen. Als dann nun der Arkt mit zugerichtem seinem Arhnen trunc für den König kommen / denselben ihme dargebotten / hat sich der König der gestalt gegen ihme verhalten: Mit der einen Hand hat er ihme dargebracht das anlagschreiben seiner Cammerherren / darinn er der vntrew beschuldiget worden: Mit der anderen Hand hat er von ihme den Arhnenbecher empfangen: Vnnnd weil er mit dem Trunc dem Munde zufahrt / schlägt er seine Augen starck auff des Arkts Angesicht / ob er villeicht darinn befinden vnnnd vermercken köndte / etliche anzaigen eines bösen vnnnd schuldigen Gewissens / wegen des

ver.

vermischten Bissis mit der Arhney.
 Dieweil er aber des Arhys trew vnnnd
 auffrechte redlichkeit gegen ihme / auß
 dem Angesicht verspürt / hat er den vber-
 raichten Trunck / ohn alle forcht vnnnd
 scheuhen außgetruncken. Also dann
 will ich ihme auch thun : Den Trunck/
 der mir gute ruhe vnnnd langwirigen
 Schloff bringen soll / hat mir mein H^{er}z
 J^{esu}s / mein Arht vnnnd Haylandt ge-
 mischt / zugericht / vnd außzutrincken dar-
 geraicht : Weil ich dann nun daran
 trincke / will ich die Augen / von disem
 meinem Arht nicht abwenden / vnd mein
 Angesicht / inn dem Angesicht meines ge-
 creuhtigen H^{er}zens steiffen / darinn
 auch / wie sein höchste liebe gegen mir
 darein geschriben / lesen / vñnd zugleich
 disen Kelch oder Becher / ohne alle forcht
 vnnnd scheuch / beständiglich außtrinken/
 welcher vmb so vil desto gesünder ist/
 vmb wie vil bitterer er ist. Also / vnnnd
 auff die weiß / mein lieber Christ/ wirdt
 der

der Tode selbst / wann er kombt / leicht-
lich vberwunden : Wann man ihne
nemlich allwegen / ehe daß er
kombt / betrachte / vnd' nie-
mals fürchtet.



Embsiger gebrauch im Reich- ten vnd Communion.

Hic est panis de cælo descendens, vt si quis
ex ipso manducauerit, non moriatur. *Ioan. 6.*

FREQVENS SACRAMENTORVM CONFESSI-
ONIS ET COMMVNIONIS VSVS.



*Non est audacia ad dominicam mensam sepe
accedere, sed accedere indignè. Cris. hom. 5. in
1. epist. ad Tim.*

Das ist das Brot / so von
Himmel kommen ist / auff daß/
wer darvon essen wirdt / nit
sterbe / Ioan. 6.

Oftt zum Tisch des Her-
ren gehen / ist kein vermessen-
heit / sonder wenn man uns
würdig darzu gehet. Chry-
sost. hom. 5. in 1. Epist. ad
Tim.

Das

Das dritte
Zeichen der
Göttlichen Erwöhl-
ung.

Die dritte Figur.

Ein gulddener Kelch/ mit sambe
dem H. Sacrament des Altars/
dardurch angedeutet wirdt der
einbige gebrauch der heiligen Sacra-
menten der Beicht/ vnnnd Communion.
Vorzeiten/ bliben die Glaubigen be-
stendig in der Apostellehr / vnd in
der Gemeinschafft der Brechung
des Brots. ^a Nun ist aber mercklich
gespiirt worden / daß / je mehr diser brauch
der ersten Kirchen nachgelassen / vmb so-
vil mehr auch die inbrunst des Geists / das
Fewer der liebe / sambt aller Heyligkeit / ab-
^a Actor. 2. genom.

genommen / vnd erkaltet. Da pflegte der Teuffel allen seinen arglistigen griffen / vñ eusserstem vermögen auffzubieten / darauff setzt er / darauff wendet der alte Schaleck sein mühe vnd arbeit vnuerdrossen / daß er nur vil von andächtiger Communion / vñ embsiger empfangung des heiligen Sacraments abhalte. Vnd was seind doch für Rigel / die er da nicht fürschiebt? was für hindernussen erdenckt er nicht? was / vnd wievil lauderwerck's wißft er nit auff dem weeg? was für nichtige vrsachen vnd außreden bringet er nicht auff die ban. Jetzt spenbt er ein / zweifelbaffrige gedanken in Glaubens stücken : gibt man ihm aber kein gehör / so mahlt er dem Menschen ein falsche / vnd gefärbte Reuerenß oder Ehrerbietung für / vmb derentwillen ers vn-derlassen solle : oder beredt ihn / daß er es mit vil grösserem geschmach vñnd frucht / wann er nit so oft hinzu gehe / empfangen werde. Jetzt kombt er auch mit dem Exempel so grosser anzahl deren / die dannoch gute Christen seind / ob sie schon nit so offe

zu Gottes Tisch kommen: Er wann streuet er ein / was die Leut werden gedencken / vn sagen / wenn man so esset Beicht vnd Communicirt? Denn zeucht er mit einem solchen last vnd hauffen allerhand geschafften auff / neben welchen dem andern abzuwarten vnmöglich scheint: Bald bringt er für / vngewöhnliche außschwaffungen des Gemüts / vnd engstigung des Gewissens: Oftt richt er neyd / haß / vnd feindschafft an: Etlichen macht er etwan ein so dürres saftloses Gemüt / daß sie in Göttlichen vnd Himmlichen dingen gar keinen geschmack noch süßigkeit finden / da will kein lust sein / kombt ihnen alles wie lauter Haberstro für. Anderen machet er die gebührende vorberaitung schwer vnd verdrießlich: Manchen vberumplet er mit einem ganzen geschwader vnnußer gedanken / damit er ihne hiemit von diser himmlischen Speiß abhalte. Es seind wol auch etliche / die er / waiß nit mit was für einem blawen durst der Andacht betreugt / daß sie es noch länger auffschieben /

ben / ob sie gleichwol sonst der mainung
seind / daß mans nicht vnderlassen soll. Vñ
also macht diser verschlagne betrieger vnd
verführer / tausenterley mucken vñnd lar-
uen / streicht ein färblein vber das ander
an / macht ein knopff an den andern / vñnd
daher kombts / daß man die heiligen Sas-
crament der Beicht / vñnd Communion /
von tag zu tag / von wochen zu wochen /
von Monat zu Monat / von Jahr zu Jahr
auffschiebt : also daß wir gar selten / auch
schier mit vnwillen / vñnd gezwungen / zu
Christo vnserm GOTT vñnd HErrn ein-
mal kommen.

§. I.

Vnd sie fiengen an alle nachein-
ander sich zuentschuldigen : a Diser
kauft ein Dorff / iener Ochsen / der dritte
nimbt ein Weib / 2c. Niemand hat weils
wann man soll zu Christo kommen. Etz
bemäntlete / vñnd mit einem erbarn tit tel
auffgemukte / in der warheit aber / nich / ein
kleine oder geringe vnfinnigkeit ist / dieses.
Warumb lassen wir doch nicht auff's we-
nigst

nigist ein Stündlein lang die sorgen bey dem
 Dorff / die Ochsen im Stall / das Weib
 hinder dem Ofen / vnnnd nehmen das an die
 Hand / daran vnserem hant souil gelegen?
 Wenn wir das Feld zubawen vnnnd vmb
 zu Aclern / den Weinberg vmbzugraben
 berueffen wurden / were es villeicht kein
 wunder nit / daß wir lieber schlaffen wol-
 ten / als hart graben: Aber / da man vns
 sagt / wir sollen zu Tisck sitzen / vnnnd mit
 Christo vnserem HErrn / das Gastmal
 einnehmen / ja / mit seinem allerheiligstem
 Fleisch vnd Blut selbst / vns ersettigen / vñ
 wir vns dannoch so leichtlich darvon ab-
 ziehen vnnnd abschrauffen / so grob vnnnd
 Bawrisch darvon lauffen / daß ist ein
 rechtschaffne thorheit / vnd vnverschämte
 grobheit. Wenn wir vor dem zornigen
 Gott fliehen wollen / geben wir vns für
 Adams Kinder vnd Eux Söhn zuerken-
 nen: Daß wir aber von dem Barmherz-
 icken / gütigen / vnnnd milden Gott / von
 Gott d. v. vns ganz liebreich vnd freunde-
 lich zu der allertöstlichisten mahlzeit / be-
 rueffe

ruefft vnnnd lader/ also fliehen vnnnd solchen vnlust erzaigen/ ist nicht Menschlich noch vernünfftig/ sonder vilmehr Holzböckisch/ wild vnd vnvernünfftig/ das stund einem Waldbüffel besser an als einem Menschē. Damit nun aber vnser entschuldigung nit etwan für faul vnd nichtig gehalten werde/ sonder ein feinen schein/ vnnnd ansehen habe: Wenden wir/ zu abtunnung vnserer schuld vnd trägheit für/ nicht schändliche/ oder vngimbliche ding/ nit Ehebruch/ oder Diebstall/ sonder nur die ehrlichste/ vnnnd gimblichste vrsachen. Dann / was für schand oder vnehr hats auff sich/ in Ehestandt treten/ heuraten / vnnnd ein Weib nemen? Was vngimblichs oder böses ist es/ das Haußwesen versorgen/ Ochsen oder Bich kauffen / ein Mairhof oder Dorff einzun?

En lieber/ ich frage dich aber auch/ was mainstu daß an disen dingen gimblichs vñ guts sey / wann sie vns abhalten von dem höchsten Gut/ vom Hail vnserer Seelen? Also muß man des Leibs pflegen / daß die

Seel nit versaumbt werde: Also Höf vnd
Dörffer kauffen / daß man den Himmel
nit verliere: Zum grossen Abentmal wer-
den wir geladen/so lang/derohalben/seind
alle andere ding auff ein seiten zusehen/
biß daß wir geladne / erscheinen / vnnnd vns
eingestellt haben. Zu ruhe thuen sich der
weil das Dorff / die Ochsen / vnnnd das
Weib / alle Geschäfte / Handel vnd Sor-
gen schweigen still / keines rühre sich der
zeit / weil wir bey diesem grossen Abentmal
siken / vnd mit dem König der Englen re-
den. Aber wir kommen mit vnser grob-
heit / vnnnd vnuersehembten weiß (laider)
offtermals so weit / daß wir G Dtt/der vns
so freundlich lade vnd beruefft / wol auch
ein abschlägige antwort dörffen geben / wir
sagen: Non possum venire: Ich kan
nit kommen. Warhaffter sagten wir:
Ich will nicht kommen. Also meine
Ehrsten / also fahret fort / also werdet ihr
auch G Dtt versöhnen/ vnnnd zum Freund
machen. Ach vns ellende / ach erbärmli-
che / vnnnd niemands mehrer / denn vns
selbstent/

selbsten/schädliche Zeit. Wir erfrieren schier vor Kälte / vnnnd fliehen doch das Gewr: wir seind Kranck/vnnnd verachten dannoch den Arzt/da wir seiner vmb so vil desto mehr bedörffen / je weniger wir vns für Kranck halten. Ich weiß aber wol/wa es fehlet: Es stinckt vns halt das Maul noch nach den Egyptischen Zwißlen vnnnd Knobloch / darumb widerstehet vns das aller süßeste Manna / vnd Himmelbrot.

Vorzeiten / hette Gott der Herr/ durch seinen Diener Moysen/dem Israelitischen Volck befolchen / es solle täglich das Himmelbrot samblen/ den Sabbath allein außgenommen / daran es feyren müsse. Wir Christen haben vnser Manna / vnser Himmelbrot vnnnd Engelspeiß auch/ vnd zwar vil besser vnd köstlicher/als gehabt haben die Juden: Dese Fronspeiß könden wir niessen vnd brauchen/ weil wir leben/ vnnnd so lang/ biß vns der Todt den Sabbath oder Feyrabendt ankündet. Aber wir ellende Adamskinder / schlagen dem

Watter auch in dem nach : Adam (sage
 Gerson) hat vom Baum des Lebens nie
 essen wollen / weil er künden hette : Ist des
 ro wegen billich gestrafft worden / daß er
 daruon auch nicht hat essen künden / als er
 gern gewölt hette. Eben also wider sinnig
 vnnnd Köpffisch sein wir auch : wann wir
 wol künden / wollen wir nit / werden aber
 einmal gern wollen / vnd nimmer künden.
 Zu anderen gastreuen vnnnd mählern sein
 wir gangß willig vnnnd bereit / allein zu diser
 Göttlichen Malzeit des Herzens / kommen
 wir schier nur genöthiget / vnnnd das gar
 selten. In keinem andern ding / handeln
 wir liederlicher vnd schläfferiger / als eben
 in sachen / daran vnser hantl hangt : Zu
 anderen seind wir hui vnd hurtig / in disen
 aber / faullenken wir / vnnnd eylen wie die
 Schnecken. Vnser faulkeit weist Gott
 der HErr zu den Ameisen / sprechende :
 Gehe hin zur Ameisen / du fauler /
 sihe ihre weeg an / vnd lerne Weiß-
 heit. dise / dieweil sie auß anweisung der
 Natur voran waist / daß man die Speiß

a Prouerb. 6.

im

im Winter nicht künde samlen / sucht sie es
im Sommer / vñnd behaltets auff für den
Winter. Das gezimmet vns nun auch
noch embsiger zuthun : Christus vnser
Hertz vñnd Haylande / stelt vns für die
Speiß der vnsterblichkeit / vñnd sagt : Wer
von disem Brot essen wirdt / der wirdt le-
ben in Ewigkeit. ¶ Diejenige dann / wel-
che zu disem verhaigten ewigen Leben / von
Gott fürsehen vñnd außerkohren seindt /
so lang sie den Winter des Todes noch nie
haben überwunden / suchen sie dise lebhaft-
te Speiß immerzu. Vñnd das hat auch
gewölt der Herr selbst / der vns dises aller-
heiligste Sacrament geben hat / nit allein
anzubetten / sonder auch / als ein Speiß zu
niessen vñnd zuessen. Der Speiß gebrau-
chen wir vns immerdar / den Leib darmit
beym Leben zuerhalten / welchen sonst die
natürliche hiß / bald verzehren wurde. Mit
öfterem Geistlichem essen / müssen wir
gleichfals die Seel auch beym Leben erhal-
ten / welche sonst von vnreiner hiß der be-
gierlichkeiten / vbel zernagen vñnd verzehret

wirdt. Darumb der heilige Innocentius
 vermahnet/ daß man gute acht geben soll/
 Damit man nit villeicht/ so die empfahung
 dises heiligen Sacraments in die lenge
 verschoben wirdt/ in Todtsfahr gerathe.
 Eben dises vermahnet auch der heilig Hi-
 larius: Es ist zu fürchten/ sagt er/ welcher
 sich lange zeit eusseret von der niessung des
 Leibs Christi/ daß er nit auch außgeschlos-
 sen bleibe von der Seligkeit: Darumb/
 der auffgehört hat zu sündigen/ der höre
 nit auff zu Communicieren/ das ist/ zum
 Tisch des Herrens zugehen. Aber eben
 dazige der Daß im Pfeffer/ das ist eben
 das recht/ das wir wollen: dise seind vnser
 re eigentliche verbindermassen/ daß wir/
 nemlich/ lieber wollen auffhören zu Com-
 municieren/ als zu sündigen: lieber Got-
 tes Tisch menden/ als vnsern muchwillen/
 frechheit vnd gailheit dahinden lassen: So
 gar wollen wir vns/ auff einen heiligen er-
 barn wandel/ auch nit durch dises lieblich
 mittel/ ziehen vnnnd wenden lassen. Der
 höllischen Schlang/ da sie vorzeiten gelor-
 gen/

gen / wir wurden Götter werden / haben wir glaubt: *a* Gott / der die Warheit selbst ist / vnnnd sagt / daß wir in ihne sollen verwandelt werden / wollen wir kaum glauben geben. Es verhaisset Christus / Wer mein Fleisch ißset / vnnnd mein Blut trincket / der bleibet in mir / vñ ich in ihm: *b* Wir hören die verhaissung / seind aber zuglauben ein lauters bley vnd aller langsam. Es befiehlt Christus / wir sollen das thun zur gedächtnuß seines Todes; *c* Vnnnd ist gar kein zweyfel nicht / er wölle / daß wir solche gedächtnuß seines Leydens vnd Todes / auff's öfftest so es sein kan / erneuereu sollen. Den befehl halten wir für recht vnd billich / aber doch (wider Christi mainung vnnnd willen) daß man den nit oft vollziehen soll. Alle H. Väter rathen / man soll oft zu diesem Tisch gehen: Ihr rath mißfalt vns nicht / doch tringe für / vnser böse gewonheit. Souil andächtige Gottselige Christen / leuchten vns disfalls vor mit der Tackel ihres Exempels /

a Gen. 3. *b* Ioan. 6. *c* Luca 22.

wir sehens wol / folgen aber nicht hin-
nach.

§. II.

Wann man einem jeden / als offte er zu
Gottes Tisch gehet / so offte auch tausent
Goldgulden darneben für ein zugab dar-
legte / wurde es keiner Argumenten / Mo-
tiuen / erwöglichen oder tringenden vrsa-
chen / die embsige Communion darmit ein-
zuführen / mehr bedörffen; Einem jeden
wurden dise guldene Motiuen vnnnd vrsa-
chen / ein völliges genügen thun / keiner
wurd so geringes sinns oder verstandes
sein / der so scheinbare Argument nit bald
wurde fassen vnd begreifen könden: man
wurde die wenig der Communicanten
müssen ab / nit antreiben. Ach der Mensch-
lichen blindtheit! das Gold sehen wir / vnd
werden eingenommen / sehen alßbald die
begirdt darauff: die verborgne Schatz vnd
Reichthumb aber deß allerheiligisten Sa-
craments / dieweil wirs nit sehen / noch er-
regen / verachten wirs / vnd fragen ihnen
nichts nach / als ob sie gar schlecht vnnnd
nichtig

nichtig weren. Ein wenig des glänzen-
den Sands ist das Gold alles miteinander /
so wirs mit disem Kleinod verglei-
chen/ dessen werth niemandt gnug schätze
kan. Das heilige Sacrament des Altars/
tilget auß die läßliche vnnd ringere Sün-
den: die schwerere aber vnd tödliche / ver-
hüttet es: dises schwächt vnd macht krafft-
loß die vngestüeme / böse bewögun-
gen des Gemüts: Erleuchtet vnd halteret auß den
Verstand: Wundtert auff den Willen:
Erfreuet das Gewissen: Bewaffnet vns
wider den Teuffel: Stärcket in Wider-
wertigkeit / daß wir nit erligen vnnd verja-
gen: im Glück halt es vns / daß wir nicht
fallen: Auff dem guten weeg gibt es vns
krafft vnnd macht bstendig fortzugehn.
Das H. Sacrament des Altars gibt das
Pfand der zukünfftigen Glorj vnd Herz-
lichkeit; gibt auch zugleich darmit die ver-
achtung des Todes; die Begird zur Se-
ligkeit; Mäßigung der bösen anmutun-
gen; grausen ab dem Sünden; lieb zu dem

Zugenten; vberwindung seiner selbst; bestendigkeit in allem guten.

Ja (sagst du villsicht) mein Herz ist aber aller dürr / entel / kalt / vnrain / ich trawe mir nicht hinzu zu gehen. Dise entschuldigung ist einweder gar keine / oder vngültig vnnnd böß / dann eben darumben ist die Communion desto weniger zu vn-
 verlassen / oder auff zuschieben / je mehr du also / wie du sagst / beschaffen bist. Bist du vnrain? gehe hinzu / dann das Sacrament des Altars / ist ein Bronn der rainigkeit : bistu Kranck? das ist die Arken / auch das allerkräftigste / vnnnd gewiseste mittel zu abwendung allerley Kranckheiten der Seelen : Hungeret dich? Siehe / da ist das Brot der Englen : Bistu von tödtlicher Kälte eingenommen / schon halb erfrohren? Verziehe nit zu Communiciren / da ist das Feuer : verfolgen dich deine Feinde? Sey nicht kleinmütig / hie ist die Ristkammer vnnnd gewaltig Zeughauß / so mit allerhandt Waffen auffß best verschê: Dragen vnd zerbeissen dich kummernüssen / vnd

vnd böse trawrigkeit? Wie ist der Wein/
 der des Menschen herkörsfrewet: a Hange
 get dir der Schlect an? Nirgendis wirstu
 köstlichere Speisen finden/ dann eben bey
 diser Mahlzeit / die auch den Königen
 grossen wollust bringt: b Verlangt dich
 nach dem Vaterlande? Sihe da hastu
 die wegzehrung: Bil ein köstlicheres
 Raßmahl / wirst dir auff dem weeg gen
 Himmel fürgetragen/ als dem Propheten
 Elia/ da er vierzig Tag vnnnd Nacht lang
 wandern solt auff den Berg Gottes Mo
 reb. c Vnd wenn das Klaid Christi/ nur
 angerühret / von stundan gestelt hat den
 Blutfluß/ d was wirdt nit vermögen der
 Leib Christi selbst / nit nur berühret / sonder
 gar genossen?

Nun wirstu aber sagen / ich bin vn
 würdig / daß ich so oft soll niessen dise
 Göttliche Speiß / vnnnd waß ihr nit wür
 dige Ehr genug zuerweisen. Ich bitte
 euch / liebe Christen / wöllet doch ewerer
 fahrlässigkeit/ auß dem Namen der ehrent.

a Psal. 103. b Gen. 29. c 3. Reg. 19.

d Matth. 9.

D 7

ble.

bietung / keinen anstrich machen / man
 kennt das sárblein wol. Es ist besser auß
 liebe / dieses Sacrament empfangen / als auß
 forcht / sich darvon enthalten / sagt der H.
 Thomas von Aquin. *a* Der H. Ambro-
 sius aber / legt diese wort des H. Erzens / vn-
 ser täglich Brot gib vns heut / vom
 H. Sacrament des Altars auß / vnnnd
 spricht : *b* Wenns das täglich Brot ist /
 warumb niessestu es erst vbers Jahr ? nim
 es täglich / daß dir täglich nuke : leb also /
 daß du es täglich zuempfangen würdig ge-
 halten werdest : Dann wer es nicht wür-
 dig ist täglich zuempfangen / ist es auch nicht
 würdig vbers Jahr. Vnnnd an einer an-
 dern stell / sagt vorbemerelter H. Ambrosius :
c Das Blut Christi wirdt vergossen / zu
 vergebung der Sünden wirdt es vergos-
 sen ; allwegen muß ichs empfangen / daß
 mir die Sünden vergeben werden ; vnnnd
 der ich allzeit sündige / muß allzeit auch die
 Arzney nehmen. Gennadius Massilien-
 sis

a p. 3. q. 80. a. 10. ad 3. *b* lib. 5. de

Sacram. c. 4. *c* lib. 4. de Sacram. c. 6.

Es sagt: **a** Die H. Communen täglich empfangen / will ich weder loben noch schelten: Alle Sonntag aber / gebe ich rath vnd ermahnung darzu / doch also / daß der will allen lust zu sündigen fallen laß. Vnd was künde aber für ein ringere vorberaitung erfordert werden / als da ist / den willen zu sündigen ablegen? Das ist / Ob sie nit wollen mehr hassen vnd anfeinden? Dem Geist nach verheißt sich der gegen seinem Schöpffer vnd Herren ganz vnhöflich vnd vil zu farg / der ihme zu lieb / so vergiffen schädlichen willen zur bößheit / nit von ihm legen / vnd lassen will. Solches trowet nit vnbillich der zornige Haußvater / mit folgenden Worten: Ich sage euch daß keiner diser Männer mein Abentmal versuchen soll. **b** Wie H. Er: was sagstu da? Seind sie doch die jenigen selbst / die dein Abentmal nit versuchen wollen / vnd du bestimmest ihnen das zur straff ihrer widerspennigkeit? Ja freylich / eben das / daß sie wollen / sey ihnen

a lib. de dogmat. Ecclesiast. c. 53.

b Luc. 14.

zur

zur straff / vnnnd ihr bößhafftes wöllen / sey
ihr pein.

Dadie Statt Samaria mit schwerer
Hungersnoth beträngt war / vnnnd der
Propheet Eliseus ein grosse wölfe der
Frücht / gleich auff nechstfolgenden Tag
weissagte / hat deß Königs Landherren ei-
ner / die Weissagung / als falsch vnd entel /
vber ein Hauß aufgeblasen / verlacht / vnd
gesagt : Wenn schon auch ein Wolcken-
bruch von Traid herab regnete / wie wers
müglich / daß eben das geschehen solt / was
du sagst ? Deme hat Eliseus geantwortet :
du wirst es sehen mit deinen Augen / vnnnd
nit daruon essen. Vber gar vil Menschen /
ergethet eben dise straff auch bey vnseren
zeiten : Sie sehen den vberfluß deß Göttli-
chen Brots / essen aber dauon nit. Sehen
wirstu / O lawer kalter Ehrst / dises
Brot in die höhe auffgehebt / vnder dem
Ambt der heiligen Weß / wirst aber dauon
nit essen : Du wirst sehen / daß mans vber
die Gassen zu den Krancken trägt / wirst
aber dauon nit essen : Du wirst sehen ein
grosse

grösse wenig Volcks inn den Kirchen das
mit gespeist werden / du aber wirst dauon
nit essen : Du bist von disem Tisck außges-
schlossen / dann du hast dich selbstenn mut-
willig außgeschlossen : sag also noch eins-
mal / du wirsts sehen / vnd aber daruon nit
essen.

§. III.

Die aber / so von G^ott fürsehen vnnnd
außerwöhlt sein zur Seligkeit / als rechte
warhafftige Kinder Gottes / haltens für ein
schweren zorn deß Himmlichen Vatters /
wann sie dises Brots lang entrathen / oder
manglen sollen / veräumen darumb nicht
ein alnige gelegenheit / mit demselben sich
zufütigen. Dann ihnen nicht vnberwüßt /
wie gütig vnnnd reichlich / der allerfürsich-
tigste G^ott / allen Thieren ihr Speiß /
vnd jedem besonders / die seine zubereit vnd
verordnet hat : Den Adlern die Vögel /
den Löwen die Thier / dem Roß sein Fut-
ter / dem Ochsen das Heu / Graß den
Schaffen / dem Wallfisch die kleineren
Fisch / dem Menschen das Brot auß der
Erden /

Erden/vnnd denen/ so auß ihnen / wollen
 seine Kinder sein / das Brot von Himmel.
 Dises Himmliche Brot / dises Brot der
 Englen / nemmen vnnd essen sie/ mit haiß-
 hungeriger begird/ mit demütigister Reue-
 renz vnd ehrerbietung/ mit brinnender af-
 fection vnd naigung/ auff das öfftest / als
 sie könden; vnnd wollen lieber frömbtlich/
 für vngeschämte Kinder / als töplich/ für
 schamhafte Feind/ angesehen sein.

Wann nun Christus vnser Herz / auß
 deren / zur Seligkeit außgewöhlten zal / an
 diesem grossen Abendmal/ einen also anre-
 dete: Sihe/ vnd erwöge/ was ich/ auß tra-
 gender Liebe gegen dir/ für dich gethan ha-
 be: die Dörner auff meinem Haupt/wür-
 destu vñlleicht mögen zehlen; aber nit also
 die andere schmercken in meinem Leib. Die
 Gaißlen vnd Nägel haben verwundet mei-
 nen Leib / aber mein Herz / vnzahlbare
 schmach vnnd vnbild. Den Todt selbst
 (hat wenig geföhlt) hab ich im Garten für
 dich gelitten / Angst vnd Trawrigkeit/ ha-
 ben mich am Delberg ehegegaißlet/ als
 die

die Römische Kriegsknecht im Richterhaus
 Pilatt: Ich lasse dir zu bedencken / was
 die Feind werden gethan haben / weil auch
 die nechste Freund mich belaidigten. Du
 waist / auff was für einem harten Beth / ich
 für dich gestorben bin : Die lauter lieb /
 (damit du dieselbtge lernest kennen / wie
 groß sie in mir gewesen) hat mich getrun-
 gen / den allerschmählichisten Todt auß zu-
 sehn : Es hat aber kein schmählicherer /
 noch schmerzlicherer mögen gefunden
 werden / als der Todt des Creukes. Siehe
 zu / ich bin gestorben für dich / vnd hette mich
 nit gewäget / tausentmal für dich zu ster-
 ben : Du aber / was wirstu hingegen für
 mich leyden ? wann du wilt / daß mein lie-
 be / gegen dir ewig verbleibe / so gibe lieb vmb
 lieb / vnd liebe den hergegen / der dich liebet.
 Ich habe dich geliebt biß in den Todt / biß
 ans Creuck / biß ins Grab / biß in die Vor-
 höll : wie weit aber wirstu mich lieben ?

Wer nun auß denen zur Seligkeit ver-
 ordneten / wurde nicht alßbald / mit vnge-
 fälschten Zähren gang vbergossen ant-

wor

worten? Auch biß inn den Todt / (mein
 allerliebster HErr) auch biß ans Creutz/
 auch biß ins Grab/will ich dich lieben/so es
 dir also gefällig. Vnd wer wirdt mir doch
 geben/ O mein HErr JEsu / daß ich für
 dich auch sterbe? O mein aller süßester
 JEsus/wer bin ich/ daß ich für dich ster-
 ben solle würdig geachtet werden? Wie
 vberschwenglich groß ist die dein Lieber
 daß du also für mich / ohne mich/ O du
 mein Leben / hast sterben wollen? Solche
 seuffßer/ solche auffrechte verlangen/ vnd
 herßliche begeren / seind bey denen die offte
 zu Gottes Tisch gehen/ die Tischgespräch /
 welche sie mit Christo vnserem HErrn/
 vber dieses Abendmal halten; vñ also wirdt
 das gmüt seinem Gott / gang innerlich
 verainiget. Vnd darumb sehen wir das
 öfter Communicirn (wann nur gute vn-
 uerfälschte affect vnd begirten darben/
 wann sie schon in der liebe nicht also brin-
 nen) für ein groß fürnemß Zeichen der
 Göttlichen auferwöhlung. Aber / Gott
 geb was die Scribenten in den Büchern/
 die

die Prediger auff den Sankten sagen vnd schreien / ist dannoch ein grosser theil der Christen / von so schwerer Schlaffsucht der bösen gewonheit also gar eingenommen / daß sie weder durch gute Exempel der Frommen / noch auch durch ermahnungen der Heyligen / mögen auffgeweckt / vnd zu öfterer empfangung der heiligen Communion bewögt werden.

O liebe Christen / was für Eißschollen ligen in ewren Herzen / was für ein tödtliche kälte hat doch ewren Geist eingenommen / daß ihr von diser allerlieblichsten Sonnen so hefftig fliehet? Nembt ihr nit war / oder merckt ihr nit / daß dises ein argger list / lauterer falsch vnd betrug ist / des schalckhafftigen Feindes / vnnnd laidigen Sathans / welcher mehr nit begert / dann daß alles Gewr Göttlicher liebe in vns gänzlich erlösche / vnnnd abgehe; wir aber von diser schädlichen kälte des Gemütes / erstarret / leben / als wann wir Todt weren / verderben im toth der Sünden / vnd gelangen in das Land der Lebendige nimmermehr.

Wer

gen. Wer aber Christum seinen G^ote
vñ Herzen beständiglich lieb hat/wünsche
vñnd begert nichts mehrers / als gar offe/
mit / vñnd bey ihme zusein/ daß also war-
hafft ist der Spruch Cassiodori : Es ist
ein vnerhörte lieb/ ein gute Freund lieb ha-
ben / vñnd nit gern bey ihm sein. Was ist
doch das geredt? ich hab dich lieb / wann
du weit von mir bist. Also/ wer Chris-
tum liebt/ der liebt auch sein ge-
genwart.

Absagung aller Ding.

Quia sunt luera, sed ara carius est
propter Christum detrimenta. *ad Philipp. 3.*



*Gaudes quia res tuas invenisti, non es tristis
quia te perdidisti. S. August. in Psal. 91.*

Was mir Gewinn war / das
hab ich vmb Christi willen für
Schaden geacht / Phil. 3.

Du frewest dich / daß du
deine sachen gefunden hast :
vnnnd trawrest nit / daß du
dich selber verlohren hast.
S. August. in Psalm 91.

E

Das

Das vierdte
Zeichen der
Göttlichen Erwöh-
lung.

Die vierdte Figur.

Est ein blosser vnnnd abgedeckter
Altar : Durch welchen die Ab-
sagung aller zeitlichen dinge
gen/ bedeutet wirdt. Unser Hayland er-
hebt sein Stimm/ vnd sagt. Der nicht al-
lem absaget / das er besitzet / kan
mein Jünger nicht sein. a Er gibt
zwar nur ein rath / man solle alles verlass-
sen/ befielt aber ernstlich / man soll allen
dingen absagen. Der nun Christliches ge-
blüts vnd gemüts ist/ entschleußt sich also :
Ich will lieber der aller ärmiste Mensch
sein/ als ein feindt Gottes : Lieber will ich
a Luc. 14. aller

aller Güter/als der Gnad Gottes beraubt werden.

Die Armut hat vil zu Kaufleuten gemacht / nicht des Gewürks oder Tuchs / sonder des Himmels. Das Hm̄elreich / sagt Christus / **a** ist gleich einem Kauffmann / der gute Edlestein vnn̄d Perlein suchet / vnd da er ein köstlichs Perlein funden heft / gieng er hin / verkauffte alles was er hette / vnn̄d kauffte dasselbige. Diser Kauffmann rechnet es für keinen schaden / sonder für ein grossen gwin̄n / daß er vmb alles / was er gehabt / kommen ist : In der warheit ist er nit drum̄b kommen / sonder er hats verkaufft / vnd darfür ein Edelgestein grossen werths einthon : Sein Gütlein hat er hingeben / vnn̄d darfür von Christo ein Handschrifft bekomen / welche künfftig alleinig ihne wirdt reich vnn̄d selig machen. Das Gold hat er verschmächet / vnd ist ihme jekundt der ganze Hm̄el darumb zum pfandt versetzt vnd verscriben : Sein bettel vnn̄d armaden hat er nit gar verlassen / war aber bereit vnd willig alles zuuerlassen /

a Matth. 13. E 2 lassen /

lassen/ vnnd sihe/ er hat ein weites grosses
 Königreich dar für eingethon. Wer ein
 Edelgstein hat (spricht Chrysolomus)
 der waist/daß er Reich ist/ob mans schon
 nit sieht/ dieweil es in einem kleinen beute-
 lein versteckt wirdt. Nun warlich wir al-
 le leben von der Kauffmannschafft vnnd
 von des Handthtrens / vnnd gar nit von
 des Müßiggangs wegen : Ist auch nie-
 mand so gar arm / der solches Jubilierge-
 werb / oder Perlentauffmanschafft/ nicht
 treiben könde. Dann / vns suchet Gott/
 (sagt der H. Augustinus) nit das vnserig
 ohne vns. So ist auch niemand so vber-
 flüssigreich / deme es schwer fallen soll/ alle
 sein Haab vnnd Güter / für schlecht vnnd
 ring zu achten / wenn er nur darmit dises
 Klainod erkauffen kan. Vnd dise Kauff-
 manschafft erfordert nit / daß einer seine
 Reichthumb / oder sein vermögen ganz
 verliere / sonder nur / daß er dasselbig/weiß
 es vonnöthen ist/ vnd sein muß/zuverlassen
 bereit sene : Dann dise Kauffmannschafft
 stehet nit in dem / daß einer all sein Güt
 müsse

müsse aufgeben / sonder allein / daßer / wann
 es noth thut / lieber wölle seiner Seelen / als
 seinem Belt verschonen / vñd vil lieber
 wölle ein armer Bettler / als ein Feind
 Gottes sein : Denn es nicht erlaubt / die
 Seel fürs Belt / aber wol das Belt / für die
 Seel zusehen / vñd hinden zulassen / in dem
 es ainweder / freywillig aufgeben / oder
 gedultig verlohren wirdt. Vñd diß / sagen
 wir / sey ein zeichen der Außerwöhlung :
 dahin führet vñd laitet vns nit allein der
 Christliche Glaub / sonder auch die Vernunft selbst.

§. I.

Stilpon ein Megarischer Philosophus
 vñd weiser Mann / nachdem die Feinde
 sein Vatterland mit Kriegsmacht einge-
 nommen / er aber Weib vñd Kind ver-
 lohren / vñd auß so offentlicher gefahr vñd
 brunst allein / doch faun vñd bloß darvon
 kommen / vñ von Demetrio befragt wor-
 den / ob er glat alles verlohren hette. Nichts
 (antwortet er) hab ich verlohren : dann
 alles was mein ist / trag ich mit mir dar-
 von.

von. Eben das hat auch Bias, der sieben Weisen einer / da er vmb all seine Güter kommen/sagen dörrffen: danner eruege seine Güter im Herzen / vnnnd nicht auff der Achsel/welche nit mit Augen zusehen/sonder mit dem Gemüt zuschätzen waren. Dieses lasse ich ein anzaigen sein eines Mannlichen vnnnd dapfferen Gemüts in einem Abgötterer / oder Handen: In einem Christen aber / ist es ein vnfehlbares zeichē der Göttlichen fürsehung vnnnd wahl zum ewigen Leben. Der verdienet vnder dem Feldobristen Christo reichen Soldt / welcher/wann er vil vmb Gottes wegen verlohren/sagen darff: Alles was mein ist/trag ich mit mir. Deus meus, & omnia: Mein Gott/ vnnnd alles mit einander.

Vom heiligen Francisco wirdt gelesen/ wie daß er vier ganzer Nächst/ in betrachtung vnd stetter widerholung/ diser wenig wörtlein/ mit grossen trost vnnnd frewd seines Herzens zugebracht habe. Disem heilige Mann soll vns glieben nachzufolgen/
vnd

vnd in aller vnser noth vnd armut mit diesen Worten zubringen: Deus meus, & omnia: Mein Gott/ vnd alles miteinander. Ein anderer suche vnd begehre was anders / erlustige sich in anderen dingen; ich suche den ainigen Gott allein/ Gott begere ich allein / mit meinem Gott allein will ich mich erlustigen vnnnd erfreuen. Gelt vnd Gut/grosse Titel vnd Würdigkeiten/alle Wollust vnd Frewden der Welt/ laß ich anderen / mich benüget mein Gott / Gott allein bleibe mir / so habe ich alles bensamen. Kayserthumb vñ ganze Königreich / besitzen die es wollen; vmb ihre guldene Berg / vnd hauffen der Edelgestein / heyde ich sie gar nit / nach ihren ergetzlichkeiten vnd guten tågen verlanger mich sauber nit; mir ist mein Gott alles miteinander. Nichts ist also gut/ nichts so fürtrefflich / schön / oder lustig/ das nit von diesem ersten/besten/vnd allerhöchsten gut/in der güte / schönheit / vnnnd allerlieblichsten lustbarkeit vnendlich

übertroffen werde. O Deus meus, & omnia: O mein Gott/vnd alles.

Wie mancherley verlangen zünden vnderweilen mein Herß an? was für vnderſchidliche Feuer gehn in mir auff? wie vil Begirlichkeiten brennen mich? Also daß ich mit dem Unſichtigen Jüngling & oft ins Feuer/ oft ins Waſſer falle. Vnd was ſeind doch diß für ſo groſſe Güter / die ich ſo angſthafftig begehre? Ach/ach/eytze/zergeſſliche / offtermals ſchändliche/ vnd die nit können langwirig ſein: Also daß ſie vor ihrem Herren / der ſie beſiſet/ Sterben / oder ihne ſterbenden verlaſſen. Mein Gott/mein Liebe/ mein Freud/vnd all mein Gut / was iſts doch letztlich/ daß mein Herß begeren / oder auch wiünſchen möge/ an deſſen ſtatt du mir nicht biſt / O Gott/ vnd zwar/ nit alles biſt? Mir iſt Gott die Speiß / mir iſt er das Trant/ mir iſt er die Ruhe / mir iſt er die Freud vnd Ergötzlichkeit / mir iſt er mein höchſte Ehr vnd Würdigkeit. Gott iſt mir alles/ vnd mehr dann alles. Dann ob es ſchon

Matth. 17.

in

in mein gwalt / daß ich mit allerley guter
 Speiß vnd Trancß / nach meines schlech-
 mauls lust vnd appetit mich erquicken vñ
 ersättigen künde; ob ich schon wol künde
 alles gewünschten wollusts nach aller
 gnüge genießen / was wer doch dises erset-
 zigen / dises erquicken / dises genießen?
 Mein Gott / vnd alles. Deiner ge-
 niessen / von dir erquicket / von dir ersetzt
 get werden / das ist endlich vollkommelich
 ergetzt werden / vnd alles gutens genießen.
 Darneben aber / vñnd bey dem allem trus-
 cket die Arbeit / kummer vñnd laid frän-
 cken; vil sorgen zerthailen das Herß; die
 Reichthumb schwinden / vnd verlieren sie;
 gunst vnd huld wirdt entzogen / das Leben
 nimbt ab vñnd geht dahin; die Menschen
 betrüben vñnd peinigen. En es hat alles
 nichts zubedeuten / ich fürchte deren ding
 keines (schreyet Paulus auff ^a) vnd ach-
 te mein Leben auch nit theurer / dann mich
 selbs / wann ich nur vollende meinen lauff.
 Dann auch dise ding alle / wenn sie schon

zumal vnd mit hauffen einfallen / seind nit
für böse ding zuhalten / wann nur das
höchste gut / **GOTT** / hülff raichet. Deus
meus, & omnia: **Mein Gott** / vnnnd
alles. Du Dallergütigster **Gott** / ja die
güte selbs / bist in der größten arbeit / die
ruhe; in laid vnd kummernuß / die frewd;
in sorgen / die sicherheit; in armut / wahre
Reichthumb: Du bist mir wider allen vñ-
gstümmen anlauff der Menschen / ein feste
Festung; du bist mir wider alles vbel das
ich fliehe / ein gewisse zuflucht. Du bist mir
alles miteinander / was doch mein Herß
immer begehren / oder wünschen kan. Al-
ler vberfluß oder völle / so mein **Gott** nicht
ist / ist mir ein lauterer mangel vñ abgang.
Was wollen wir lang nachgehen den trü-
ben Bächlein? wir haben doch den klar
lauteren Bronnen selbst. Haben wir
Gott / so haben wir alles / was wir zuha-
ben begehren. So erwan einen die Armut
gaißlet; so das Glück jemand saur ansieht /
vnnnd übel will / erfreuet er sich dessen vil-
leicht

leicht nicht sonders / es soll ihn aber auch
 nit zuvil betrüben/ dann/was ihm eigent-
 lich zugehört / vnnnd sein ist / kan ihm das
 widerwertige Glück nicht nehmen/ noch
 auch der Todt das frembde/ vnnnd was nie
 sein ist/an sich ziehen.

§. II.

Einem solchen Menschen / der auff
 gsagte weiß arm ist/ weicht in der Glück-
 seligkeit nit der jenig Reiche/ welcher/ ob er
 schon vil Güter hat / vnnnd grosses vermö-
 gen / doch an demselbigen mit der Lieb nie
 haftet oder anlebet: das Geld schleußt er
 ein in die Truhen/aber nit ins Herß; laßet
 ihm auch darumb kein graues Haar
 wachsen/ oder kummert sich nicht zu Todt/
 wann er schon alles verleurt. Dann ohne
 schmercken wirdt das verlohren/was ohne
 Lieb besessen wirdt: Wann wir aber/ was
 wir haben/ hixig lieben / so kan der verlurß
 desselbigen ohne schmerßliches seuffßen nie
 abgehen / sagt der H. Gregorius. Das
 jenige gut / durch welches der Mensch

warhafftig gut/ oder from̃ ist/ gleich wie es
 keiner wider seinen willen empfahet; also
 kan solches auch keiner wider seinen willen
 verlieren. Dann/ das kan vnd soll nit für
 ein rechtes Gut geacht werden / was wi-
 der kan entwendt/ vnd verlohren werden.
 So ziehe nur hin Sathan / gibe dich für
 einen Botten oder Postreiter auß : Es
 ist deß gedultigen Jobs geschlecht noch nie
 alles hindurch vnnnd abgestorben / es leben
 auch zu vnserer zeit solche / die allen irrdi-
 schen dingen absagen vnd vrlaub geben/sie
 gern vnnnd willig verlassen. Saur̃ dich
 derowegen nit/ lauff geschwindt eins lauf-
 fens / bringe einem solchen Menschen die
 böß Botschafft/schrey nur dafffer vnnnd
 sag : Dein Haab-vnd Gut / all dein Gelt/
 ist alles hindurch vnnnd verlohren. Merck
 aber vnnnd höre wunder zu/ was er dir jetzt
 werd antworten / dises nemblich : Hette
 ich Gelt vnnnd Gut nit verlohren / so were
 villeicht ich selbs dardurch verlohren wor-
 den. Jezund würd ich auff der Raif-vnd
 Weeg

Weeg gen Himmel desto fertiger vnd rin-
 ger sein. Gott hat mich einer/ gleichwol
 lieben / aber gefährlichen Burden entla-
 den/vnnd in einen sicheren Stand gesetzt.
 Was mir Gott zum besten/vnnd zu mei-
 nem hantl vermaint/ das kan ich je für kei-
 nen verlurst noch schaden halten. Vnnd
 warumb soll ich mich vmb sonst vnnd ver-
 gebens kräncken? Habe ich doch dise Gü-
 ter anderer gestalt nicht gehabt / als daß
 ichs widerumb müßte verlieren. Zekunde
 bin ich erst recht meiner selbs aigen wor-
 den/ weil dise ding hinsüro nit mehr mein
 feindt. Saget an liebe Christen/ höret ihr
 dises? Sage du Höllicher Fuchs / hast
 du dise antwort vernommen? Also ist ein
 jeder gesinnet/also redet auch ein jeder/der
 zum Himmel/vnnd zu der ewigen Seligi-
 keit fürsehen vnnd außerküßen ist. Er kan
 vnnd mag auch der zeitlichen Güter so vill
 nimmermehr auffgeben / oder verlieren/
 daß er nit dannoch dise freye stim erhalte/
 vnnd hören lasse: Es ist kein verlurst/son-

der einguter wechſel/ wo man einen groſſen gewin / durch einen gar geringen verluſt oder ſchaden / erheben kan. Wa

man/ ſag ich/ vmb laim/ korbhaken /
vnd Ackerknollen den Him-
mel kauſſen kan.



Stete



Das fünffte Stete Trabsal mit Gedult.

Beati qui nunc fletis, quia ridebitis. Luc. 6.



*Quos presentis vite labore Deus atterit, hos in adventu
iudicis à verbere abscondit, ut tantò tunc ad salutem
certiores exhibeat, quantò nunc eos flagella durius secant.*

Gregor. l. 6. moral. c.

Selig seht ihr / die ihr jetho
wainet / dann ihr werdet la-
chen / Luc. 6.

Welche Gott durch Ar-
beit des gegenwertigen Le-
bens abmattet / die verbirgt
vnd behüt er in der zukunfft
des Richters vor dem schlag:
Damit er sie alsdā vmb so
vil gewiser zur Seligkeit für-
stelle / je härter sie allhie ge-
gaisset werden. Greg. l. 6.
Moral. c. 15.

Das

Das fünffte
 Zeichen der
 Göttlichen Erwöh-
 lung.

Die fünffte Figur.

Est ein Rosenstaud / mit Dör-
 nern allenthalb vmbgeben / dar-
 durch bedeutet wirdt ein immer-
 wehrende Trübsal / vnd stetes anligen / mit
 beständiger gedult. Abraham hat dem
 Euangelischen Prasser in den Höllichen
 Flammen / dises Zeichen für gestellt: Sey
 ingedenck / Sohn / daß du in deinem
 Leben guts empfangen hast / La-
 zarus aber hergegen böses. a In dei-
 nem Leben warest du lustig vnd frölich / La-
 zarus aber ward gepeiniget: Jeko wirst
 du gepeiniget / vnd Lazarus ist in freuden.

a Lucæ 16.

Also

Also verkehren sich die sachen/ vermög des
 gewissen vnnnd vnfehlbaren Gesah Gottes.
 Es muß gelitten sein/ aintwederß hie/ oder
 dort in einer gang andern Welt/ welche
 mit warheit ein newe Welt mag genennet
 werden. Eines auß disen baiden/ muß jetzt
 bey zeit erwöhlet werden / keiner kan da
 hinum/ niemand mag diser wahl entgehē.
 Der H. Chrysostomus spricht: a Weñ
 du einen der Tugendt beßißen Menschen
 sichst / welcher nichts desto weniger mit
 vnzahlbaren plagen vnnnd widerwertigkei-
 ten vexiert vnd angesochten wirdt / so halt
 ihn für selig/ als der seine begangne Sünd
 allhie abbüßet / vnnnd dort seinen beraiten
 lohn haben werde.

Vnmüglich ist es / daß der vngedängsti-
 get verbleibe. / welcher den lastern einen
 Krieg hat angesagt. Ein spöttelichs ding
 were es / wenn ein Ritter Christi den wol-
 lüsten wolt ergeben sein : Einem Rechter
 vnd streitbaren Mann geymibt es gar nie
 der Bauchvölle abwarten : Ein lauterer
 Kampff aber vnnnd Streit/ ein Krieg/ ein

berrangnuß/ein ängstigung/ein sechtblan/
 ein rennblaz/ seind alle gegenwertige ding.
 Ein andere zeit ist für die Ruhe verordnet/
 die jekige tag vnd jahr/ müssen im schwaiß
 vnd arbeitseligkeit zubracht werden. Kei-
 ner / der sich zum Kampff gerüst / die
 Klaiden abgelegt / vnd zum ringen gesalbt
 hat / sucht die ruhe : suchest du aber ruhe/
 so sag an/warumb hast du die Klaiden hin-
 gelegt / vnd dich zum Kämpffen gerüst?
 Sag her/ warumb hast du den bösen glük-
 sten einē Krieg antündet? Laß dich nichts
 bekümmern/so jene in der Ruhe/ du aber
 in Anfechtungen vnd Widerwertigkeit
 lebest: a Sonst müßte der H. Apostel
 Jacobus des Irthumbes gestrafft werden/
 da er ermahnet/vnd sagt : Omne gau-
 dium existimate, fratres mei, cum in-
 tentationes varias incideritis: Meine
 liebe Brüder/achtet es eytel frewd/
 wann ihr in mancherley versuch-
 ung fallet. Niemand ist vnglückhafter/
 weder der / deme nichts widerwertiges be-

a Chrysoft. in epist. 2. ad Tim. c. 3.

b Iacob. 1.

geg.

gegnet: Es ist ein anzeigen / daß er von
 Gott für faul vnd jaghafft geacht/ vnnnd
 verachtet werde. Ein grosser ruhm vnnnd
 ehr ist es / mit widerwertigen zuständen
 ringen/ vnnnd kämpffen. Ein vnsehlbares
 warzeichen der Seligkeit ist es / in Creutz
 vnd leyden sich erfreuen können/ vnnnd da
 er mit allerhand vblen / als bellenden
 Hunden / vmbgeben/ zu allersens wurde
 angefallen / ein lustigs vnnnd fröliches Ge-
 müte / vber sich gen Himmael erheben / ob
 schon die Zäher häufig vber die Backen
 ablauffen; schade nichts / wann sich nur
 das Herz nicht gibt/sonder sich immerdar
 mit bstendiger Gedult zu Gott aufrichtet.
 Christus vnser Herr vnd Heylandt hat es
 eigentlich vnd wol gewußt/ daß ein grosser
 hauff der Trübsalen vber vns kommen
 wurde/ vnnnd daß wir in disen/ kein andere
 recht völlige frewd haben köndten / als als
 lein die hoffnung zukünfftiger belohnung/
 daher / als wann wir schon selig weren/
 spricht er vns zu: Gaudete, & exultate: a
 Freuet euch/ vnnnd Frolocket / ewr
 a Matth. 5. lohn

lohn ist groß im Himmel. Wie offte
 aber dargegen vnd wie kummerlich / vnd
 doch vergeblich jammern wir / wann es
 vns trüb vnd vbel gehet? wie Kindisch be-
 klagen wir vns? wie zitteren vnd erschre-
 cken wir zu einem jedwedern strich? vnd
 erkennen nit die Väterliche handt Got-
 tes? erkennen nit die haylmachende Hand
 deß Arzts? So doch auch die Kinder vnd
 junge Knaben wissen vnd verstehen / daß
 die Wunden / welche der Balbierer oder
 Wundtartz macht / ein Arzney vnd an-
 fang der gesundtheit seye. Gott der Herr
 verwundet / daß er heile / gar nicht / daß er
 vñ rñq vnd tödte. Dis bezeugt der H.
 Apostel Petrus: Selig seyt ihr (spricht
 er a) so ihr auch etwas leydet vmb
 der Gerechtigkeit willen. Dann
 das ist ein Gnad / so jemandt vmb
 deß Gewissens willen zu GOTT
 trawrigkeit vberträgt / vnd leydet
 mit vnrecht. Dann / was ist das
 für ein Gnad / so ihr vmb Mißes-
 that willen strich leydet? Wenn
 ihr

ihr aber vmb Wolthat willen
 strach leydet vnd geduldet/ das ist
 Gnad bey G. Ott. Also redet auch von
 der sacht der H. Gregorius: Oftermals
 trägt sich zu (sagt er) daß etwan ein Auß-
 erwählter / welcher der ewigen Seligkeit
 zugehet / allhie mit sterckwehrender Widers-
 wertigkeit nidergeruckt / von menigklich
 verachtet / vnnnd vnder den hant geschos-
 ben/ auch diser Welt gnad vnwürdig ge-
 schähet wirdt: Aber doch vor den Augen
 des verborgnen Richters mit Tugenten
 glancket / mit verdiensten eines gerechten
 Lebens vnnnd Wandels schimmeret vnnnd
 leuchtet: fürchtet sich vor der Ehr / fliecht
 aber nit die Schmach: Den Leib merglet
 er auß mit abt ruck / von Liebe allein wirdt
 er faist im Geist: Das Gemüt bereit er
 allwegen zur Gedult/ ist allezeit wacker/vñ
 frolocket wegen der erlittenen Schmach
 vmb der Gerechtigkeit willen.

§. I.

Gewißlich/ die ewige Weißheit Gottes
 pflegt einen frommen Menschen nicht im
 wol-

wolleben zu ziehen: Sie versucht vnd be-
 wäret ihn / macht ein harten kürnigen
 Kriegsmann auß ihm / richtet ihn wol ab.
 Doch dergestalt / daß sie ihme darneben
 verspricht: Wenn du schon durchs
 Wasser gehest / so will ich bey dir
 sein / vnd die starcken Fließ werden
 dich mit bedecken / oder hinschwem-
 men. Wann du auch wirst im
 Sewr gehen / solt du nicht verbrennt
 werden / vnd die Flam soll dir
 nichts schaden. ^a So schicket dann
 Gott die seinigen ins Wasser vnd ins
 Sewr / laffet sie gebrennt vnd wol gewa-
 schen werden / bewäret sie mit hiß vnd käl-
 te: Aber die er zum leben fürsien / laffet
 er weder verbrennt werden / noch versin-
 ken. Gott ist getrew / der wirdt
 nicht gestatten / daß ihr versucht /
 oder angefochten werdet / vber
 euer vermögen / sonder wirdt neßē
 der versuchung / auch ein guts auß-
 kommen machen / daß ihrs kündt
 ertragen / 1. Cor. 10.

^a Isa. 43.

Sürz

Fürtrefflich / so jemandt anderer / hat
 meinem geduncken nach / von disem Zei-
 chen der Göttlichen außwöhlung geschrib-
 ben Ludouicus Blofius, der sein glat vnd
 rund sagt: *a* Es ist kein gewisers Zeichen
 nit / der Göttlichen Außwöhlung / als
 wenn einer die Trübsalen / oder was ihm
 von Gott widerwertigs zugeschickt wirdt /
 nit allein nicht vnwütsch / sonder auch de-
 mütig, vnd gedultigklich trägt vnd leydet:
 Dieweil dem Menschen nichts nützlicher
 mag widerfahren / als daß er wol geplagt
 vnnnd durcher gelassen werde. Dis ist der
 jenige köstliche Ring mit dem edlen Stein
 vnerschäßlichen werths / den Gott der
 Seelen / die ihm vermählet worden /
 schencket. So hochgültig ist es / auch die
 wenigste betrübnuß oder widerwertigkeit
 ja auch nur ein schlechten verdruß von
 Gottes wegen willigklich leyden / da der
 N. Chrysoftomus, gleich als für ein ge-
 wise Schlusfred vnd Weltordnung / auß-
 ruffet: *b* Nichts sene besser / als böses

a Instit. spiritual, c. 8. *b* hom. 8. in

c. 4. ad Ephes.

S

leyden

leyden vmb Gottes wegen. Zekunde
warlich trincken die Außgewählten vom
Bach auff dem weeg / darumb werden sie
das Haupt auffrichten in dem Himmel. ⁊
Zekunde werden sie vndergetruckt / vnn
zuboden geretten / damit sie künfftig / gleich
als die Palmen auffstehen / vnn
erhöhet
werden.

Gott will / wir sollen wol wissen vnn
verstehe / das jenige Gut / welches wir su
chen / vnn nach dem wir streben / sey nicht
ring oder schlecht / sonder hoch / groß / vn
endlich : Also daß recht vnn warhaft ge
sagt hat Marcus der Einsidler : Gott /
deme vnser blödigkeit vor bewußt / pflegt
keinem etwas grosses mitzuhailen / dann
allein mittels der Trübseligkeit. Moysen /
da er Gott / der ihme gerueffen / gefolgt /
vnn Königs Pharaos Hof verlassen / haben
hauffenweiß vber fallen armut / schmach /
verachtung / hinderlistige nachstellung des
Königs / todtsgefahr / flüchtigkeit / vnn
grosses ellendt. Wir sehen / sagt der heilige
Gregorius, daß die Außgewählten Got

tes/ thails Gottselige ding thun/ thails vn-
 menschliche ding leyden: Darauff dann
 recht geschlossen wirdt / wie scharpff der
 strenge Richter dorten straffe die er hasset/
 so er hie also peiniget die er liebet. Du ir-
 rest dich/ mein Christ/ du irrest dich weit/ so
 du der mainung bist / du wöllest mit gan-
 zer Haut/ vnklopffte vnnd ungebrüglet/ gen
 Himmel komen / du wirst noch oft durch
 den Knittel vnnd durch die Spieß lauffen
 müssen. – Siehe dich vmb / so wirstu bald
 warnemmen/ daß gemeinlich die/ welche
 an Tugenten reicher als andere / auch an
 Plagen vnnd Trübsalen vor anderen / die
 reichesten seyen: Die aber mit Lastern
 vberschüttet / offtermals auch des Glets
 vnd günstigen Glücks ein vberfluß haben:
 Allerdings wie das Vieh / das zur
 Schlachtbank gmästet wirdt/ auff der
 Waid fren vmbgumpet vnd schercket / das
 ander aber / als Pfluegochsen vnnd Kar-
 renroß/ vnder der schweren Arbeit schwi-
 ket vnd schnaufet: Also die Menschen / so
 zum Himmel verordnet seind/ springen nie

hoch/turkweilen vnnnd spilen nit vil in den
grünen Wisen/oder auff den Tankböden/
sonder seuffken vnd trawren hin vnnnd wi-
der in den wincklen. Hat also Ludouicus
Blosius, auß eines fürnemmen Manns
mundt/ warhafftiglich gesagt : Wen
Gott der HErr mit fürtrefflichen Gaben
vnd Gnaden zu zieren/ vnnnd hoch anzuse-
hen ihme fürgenommen hat / denselben
pfllegt er nit sanfft vnd zärtlich zu waschen/
sonder nimbt denselben/ vnd wirfft ihn ins
Meer vilfältiger bitterkeit; da stoßt er ihn
hinunder / vnd badet ihn wol.

§. II.

Galenus vnd Hippocrates, aller Arz-
ten häubter vnd fürnemste/ haben geleh-
ret/ wie man das Leben lieb haben/bewah-
ren/ vnnnd erhalten solle : Christus vnser
HErr vnd Hanlandt aber/ lehret wie man
dasselbig soll hassen/ verlieren/ vnnnd in die
schank schlagen. Also daß/ was etwan
Themistocles soll gesagt haben/ fünfftig
alle Außermöhlten sagen werden : perie-
ramus, nisi perijssimus : Wir betten
war

warlich müssen verderben / wann wir nit
 verdorben weren. Vilen geraichets ster-
 ben / vnd zeitlich verderben / zum hant vnd
 ewigen Leben. Gewißlich weren ihrer vil
 vbel verdorben / wenn sie nicht von G^ote
 gleichsam verderbt / wol weren gestorben.
 Dannenher der H. Apostel Paulus / da
 ihn andere für gstorben vnd verdorben ge-
 halten / hat er sich selbst erst recht vber
 sich geschwungen / vnnnd hebet an erst recht
 lebhaft zusein : Ich hab / spricht er / ein-
 gefallen in meinen schwachheiten /
 in schmach / in nöthen / im verfol-
 gungen / inn ängsten / vmb Christi
 willen. Dañ wan ich schwach bin /
 so bin ich starck. a Der heilige Bernar-
 dus suchet G^ote so stets / daß er in dem
 suchen gleichsam abgemüdet / sage : Umb-
 wandern kan ich / O H^{er} / Himmel vnd
 Erden / das Meer vnnnd alle Ländere / ich
 wird dich aber nirgends finden / dann al-
 lein am Creutz : Daselbs schlaffest / dort
 ruhestu / da ist dein ruhe zu mittag. b So
 lasset vns dann als Knecht / dem H^{er}ren
 a 1. Cor. 12. b Cant. 1. S 3 nach

nachfolgen / so tünden wir in kurzer zeit
mit klainer straff/ ewige Pein vnnnd Mar-
ter ablösen. Als der heilige Bischoff Atha-
nadius von dem aberinnigen Kayser Ju-
liano ins ellend verschickt wurde/ vnnnd die
Christen zu Alexandria / vmb ihn herum-
stunden/ vnd seinet wegen waineten/ sagte
er zu ihnen : Seyt getröst/ vnnnd gutes
muths/ dann es ist nur ein Nebel / der bald
wirdt verschwinden. *a* Warlich ist alles/
was gegenwertiges Leben / trawrigs /
schrecklichs oder grausams in sich helt/ ein
entler nebel / der sich vber ein kleins würde
schwingen / dann er bald / durch die haiter
Sonnen der Ewigkeit wirdt verzehrt wer-
den. Die/ so bey den alten Haiden / ar-
beitsam vnd embsig waren/ wolten nit zu-
geben / daß ihnen auch ein ainziger tag/
sine linea, ohn ein zug oder arbeitstraich
solte fürüber schleichen. Gar schandlich
wars bey ihnen/ so jemand bekennen müß-
te / hab heut kein traich gearbeitet. Die
Christen / so vil deren from vnd Gottselig
seindt/ wünschen vnd begeren von herzen /
a Sozom.lib.5.c.14. daß

daß kein tag auß dem Himmel hingehe/
ohne ein trübs Wölklein / damit / daß sie
allwegen / auß liebe gegen ihrem HErrn/
etwas zu leyden vnnnd zgedulden haben.
Dem Job war der Himmel nicht allein
gwülckig / sonder auch ensin / vnnnd dan
noch hat er allerley species oder gattung
der Gedult (wie Tertullianus redt ^a) wi
der allen deß Teuffels gewalt vnnnd macht/
darauß gepresset : Als welchen zur vnge
dult nit kunden bewögen souil herden
Bichs / die alle vom Feind hinweg getri
ben worden / weder der gehling Todtsfall all
seiner Kinder / welche das einfallende
Haus zumal beyeinander erschlagen /
noch auch die grosse vnnnd schwere Leibs
schmerken / vnnnd starcke anzahl der ge
schwär. Was hat nicht Gott an diesem
Mann für ein sigfahnen wider den Sa
than auffgesteckt ? Was war diser nit für
ein vnbewöglicher Felsen / da er zu jeder
trawrigen vnd laidigen Botschafft / deren
ihme eine vber die ander zukommen / nicht

^a lib. de patient. c. 13.

ein

ein ainigs Wörtlein auß seinem Munde
gelassen/ als darmit er Gott lobte/ vnnnd
dancf sagte? lauter Deo gratias, lauter
Gottlob gibt er fürs Vottenbrot auß.
Was? Gott vnnnd seine Engel lacheten/
der Sathan mit seinem anhang möchten
sich vor grimmen zerreißen. Dannenher
hat Job alles widerumb dopplet bekommen.
Also dann/ weil wir lenden / schreiten wir
dapffer zu vnserm Vaterland fort.

§. III.

Vnderschiedliche weeg seind gen Him-
mel/ der aller sicherest vnnnd gewisest ist die
g'nain Landstrass / der Creutzweeg:
Durch vil Trübseligkeiten müssen
wir eingehen inn das Reich Got-
tes. ^a Vnd wie des Hafners arbeit / vnd
das Gold im Fewr Ofen probirt wirdt/
also werden auch die Gerechten Men-
schen probirt / durch die versuchung der
Trübseligkeit: ^b Im Fewr Ofen aber ver-
brinnen die Sprewer das Gold nicht/ son-
der wirdt geleutert vnnnd gerainiget: Die
Sprewer werden zu Aschen / das Gold
^a Actor. 14. ^b Eccli. 27. wirdt

wirdt ledig von aller vnſauberkeit. Der Ofen iſt die Welt : das Gold ſeind die Gerechten: das Feuer iſt die Trübseligkeit: der Meiſter iſt Gott. ¶ Wenn nun das Gold ſinn vnd ſtim hette/ wird es also reden : Was der Meiſter will / das thue ich/ vnd bins zufriden : wo mich der Meiſter hinlegt / geduld ichs : Ob ſchon die Sprewer brinnen mich anzuzünden vñnd zuverzehren / gehen doch ſie im Rauch auff/ daß ich geleutert werde.

Da ſetzt dann zu / ihr Sprewer / ſetzt auch ihr/ die ihr Gold ſent: In einem gleichen Feuer rauchen die Sprewer / das Gold aber glänzet / vñnd ſchimmert : In einer gleichen Trübsal/ läſtert der Boßhaftig/ oder klagt Gott an; der Geduldig aber lobt ihn ; vñnd eben auß der Widerwertigkeit vñnd Trübsal empfahet er krafft vñnd ſtärke ; gleich wie das Feuer / welches / je ſtärcker es vom blaſen vñnd windt getrieben wirdt / je mehr es zunimbt vñnd wächſt : Vñnd eben daher man meinen möchte/ es

¶ S. Auguſt. in Pſal. 60. müſſte

müßte aufgelöscht werdē/ wirdts gestärcke
vnd mächtiger; je mehr widerstandts die
Tugend hat/ je mehr muß sie bekombt.

Hebe an / vnnnd erzehle mir von anfang
der Welt her/ alle Freunde Gottes / da
wirßt du glat in allen dises Zeichen der
Außerwöhlung Gottes befinden. GOTT
hat sie versucht vnd bewehret/ vnd besun-
den/ daß sie sein würdig seindt. a Abra-
ham ward auff mancherlen weiß geübt vñ
geplagt; Joseph wirdt von seinen aignen
Brüdern verkaufft; David leydet höchste
vnbilligkeit von seinem aignen Sohn Ab-
salon; Isaias wirdt mit einer Segen mittē
durchschnitten; Ezechias mit zerschmet-
tertem Hirn / durch Stein vnnnd Schro-
fen geschlaipfft; Hieremias versteiniget;
Michæas enthaupt; Amos mit einem na-
gel durch die Schläf durchboret; Daniel
den Löwen fürgeworffen; Naboth ver-
steiniget; Elisæus verlacht; Job voller
geschwer / wirdt noch darzu angespißten;
Tobias mit Blindheit geschlagen; Sus-
fanna vmb vnschuld verdampft. Daß noch

wenig erzehlet. Vnd was vñs hat der
 heilig Paulus nicht außgestanden? Die
 anderen Apostel werden gegaßlet/ gecreu-
 ziget/ getödt. Gott verschonet der seini-
 gen keinem: Dann welchen der Herz-
 lieb hat/ den züchtiget er: Ergaß-
 let aber einen jedlichen Sohn/ den
 er auffnimbt. ^a Einen jedlichen/ keinen
 außgenommen. Dann alle so da Gottes-
 fürchtig leben wollen / in Christo
 Jesu/ die müssen verfolgung ley-
 den. 2. Tim. 3. ^a Hebr. 12.

§. IIII.

Ein jeder aber der dich ehret/ ^a
 (O Gott) der ist dessen gewiß/ daß/
 so sein Leben angefochten vnd ver-
 sucht wirdt/er gekrönt werde: Vñ
 so er in Trübsal ist / daß er erlöst
 werde/2c. Dann/ nach dem vnge-
 stümmen Wetter / machst du wi-
 der schön vnd still: nach dem wei-
 nen vñnd trawren / gibst du groß
 frewd. Selig ist dann der Mensch/
 der von Gott gestrafft wirdt. ^b
^a Tob. 3. ^b Job. 5. § 6 Helf-

Helffen wir mit leyden / so werden
 wir auch mit herrschen. ^a Darumb
 das Gaislen niemand fürchten soll; fürch-
 ten aber soll er / daß er nicht von GOTT
 enterbt werde. Durch die Gaisel werden
 wir vnderweisen / wie die ewige Erbschafft
 zubekommen sey / damit nicht / wann wir
 vns auff dem weeg belustigen / dessen ver-
 gessen / was wir in dem Vatterlandt zuer-
 langen begert haben. Wann du aufge-
 nommen bist (sagt der H. Augustinus)
 von den Gaiselstraichen / so bist du gleich-
 falls aufgenommen von der zahl der Kin-
 der Gottes. Sey nicht so Thorecht vnnnd
 Kindisch / daß du sagen dörffest: Mein
 Vatter hat meinen Bruder lieber weder
 mich / dann er gstat ihm alles / was er nun
 anhebt: Ich aber kan mich kaum rühren /
 so seind die straich gleich binden an mir.
 Du nartzisch Kind / erfreue dich vil mehr
 der straich vnnnd der guten zucht / dann dir
 wirdt das Erbthail vorbehalten / der Bru-
 der wirdt müssen leer aufgehn. Also / de-
 nen verschonet Gott ein zeitlang / die er in
^a 2. Tim. 2.

Ewig.

Ewigkeit verdammen will. Der tombe
gleich als durch lustige Wisnet vnd Ma-
ten zu der Gefängtnuß/ welcher durch deß
gegenwertigen lebens glück vnd wolfahrte/
dem verderben zulaufft.

Es haben etliche vermerckt / daß die
Rosen / so neben dem Knobloch gepflan-
ket / wolriechender werden als andere.
Der Himmelsche Gartner hat auch seine
wolriechende Rosen / die Menschen nemb-
lich / welche zum Paradenß verordnet
seind. Dieselben Rosen pflancket er ge-
meintlich also / daß sie schädliche / vergifft
gewächß vnd fräuter neben ihnen gedul-
den müssen. Dann je frömmere vnd
Gottsförchtiger einer ist / je mehr vnd fre-
cher stossen auff ihn die Bosshafftigen: je
mehr auch vberfallen ihn allerley elend vñ
trübseligkeiten. Also muß der liebliche ge-
ruch der Rosen / mit deß Knoblochs ge-
stank / geschärpft werden.

Man sagt noch zum vberfluß / daß die
Rosen / welche man durch sonderbare
kunst / ohne Dörner auffwachsen macht /

auch ohne geruch sehen. Die Tugenten/
vnd fürnemlich die Gedult/ haben weder
geruch noch geschmach/ wa keine Dörner
der Widerwertigkeiten vnnnd Trübsalen
verhanden seind. Gewiß ist/ daß keiner er-
kennet/ wievil er im Geist zugenommen ha-
be/ als allein in der Widerwertigkeit: So
hat auch der noch nit angefangen sich sel-
ber zuerkennen/ welcher noch nit angefan-
gen hat/ arm/ ellendt / vnnnd betrübt zusein.
Ben der Nacht scheinen die Stern/ beym
Tag bleiben sie verborgen: Also auch die
wahre Tugenten / die in glücklicher wol-
fahrt oft nit scheinen/ die lassen sich in der
Widerwertigkeit erst recht sehen. So hat
auch der König vnnnd Herz des Himmels
kein so grosses wolgsallen an denen Die-
nern / welche rühmliche Thaten begeben/
als an denen/ welche alle Widerwertigkeit
vnd starcke püß außzustehen/ sich Mann-
lich vnd beherzt erzeigen. Der Adler pro-
biert seine Jungen / ob sie den klaren glantz
der Sonnen mit den Augen bestehn kön-
nen: Der Goldschmid vnnnd Münzmai-
ster/

ster / probiert das Metal vnnnd Münz mit
dem streichsteinlein : Christus aber probire
seine Diener in dem Eamin der Trübselig-
keit. So mögen wir dann billicher sagen/
als vorzeiten die Römer: Starcke ding
thun/vñ leyden/ das ist Christlich:
Dann auff welchem weeg das Haupt vor-
gangen ist / auff eben demselbigen
sollen die Glider auch nach-
folgen.

Das sechste Anhörung des Worts Gottes.

Audiens sapiens, sapientior erit. Prouerb. 1.



*Qui designatur esse discipulus hominum, euadet
magister errorum. S. Greg. L. 1. Dial. capit. 1.*

Der weise Zuhörer / wirdt
noch weiser werden, Pro-
uerb. I.

Dem es verschmacht ein
Lehrjunger der Menschen zu
sein / der wirdt ein Meister
des Irthums werden. S.
Gregor. lib. 2, Dial. c. I.

Das

Das sechste
Zeichen der
 Göttlichen Erwöh-
 lung.

Die sechste Figur.

Est ein Feigenbaum / welchen Christus vnser lieber Herr / in seinen Predigen nit allein offtermalen genennt / sonder auch / als er demselben befolchen / er solle sein zier vnd grüne Blätter fallen lassen / vnnnd außdorren / hat er alßbald im Augenblick gehorsamet : Also daß man wol sagen möchte / diser Feigenbaum were ein geschwinder vnd getreuer Zuhörer des Göttlichen Worts gewesen : Darum durch disen Baum die anhörung des Worts Gottes bedeut wirdt.

Daß aber diß ein gewises Zeichen der
 Götts

Göttlichen Erwählung zum Leben / seye /
 haben wir dessen zeugnuß auß dem Mund
 Christi selbs: Wer auß Gott ist / der
 höret Gottes Wort. *a* Welches der
 H. Amhrosius herzlich erklärt: *b* Wie
 (spricht er) können die Wort Gottes süß
 in deinem Gaimen sein / in welchem die
 bitterkeit der Bosheit steckt? Das kombt
 ring anzuthun / das gern gehört wirdt. *c*
 Dise aber seind wahre Zuhörer des Gött-
 lichen Worts / von denen der Heylande
 sagt: Selig seind die / welche hören
 das Wort Gottes / vnnnd dasselbig
 behalten. *d* Das aber wirdt vmbsonst
 durch die gedächtnuß behalten vnnnd ver-
 wahrt / was nit zugleich auch mit dem Le-
 ben auffgezaigt wirdt. Etliche seindt / wel-
 che / was sie gehört / also behalten / daß sie es
 nit vergessen: Doch ist ihr Leben also be-
 schaffen / vnnnd gehet ihr thun dahin / daß
 kein besserung zuspüren. *e* Das Gemüt
 eines der von Gott zur ewigen Seligkeit

er.

a Ioan. 8. *b* in Psal. 118. *c* Isido. Soliloq.
d Luc. 11. *e* S. Aug. in Psal. 118.

ermöhlet ist / hat groß verlangen nach
 Göttlichen vnnnd heiligen dingen / ist drob
 vnnnd dran/ daß alle andere eusserliche Be-
 schäfte bey seints gesezt/ das Spilen abge-
 brochen / auch etwan das Essen vnderlas-
 sen / oder baldter dann sonst / geendet wer-
 de : Da ist ein starcks antreiben der Kir-
 chen zu / der Predig zu. Kein außpred/
 noch entschuldigung findt da plak : da hin-
 dert kein Regen / von keinem nassen vnlu-
 stigen Wetter / laßt man sich abhalten
 oder hinderen : Hergegen sey der Himmel
 so halter vnd schön/ als er immer wöll/ das
 Feld so lustig/ trucken vnd grün/ als es im-
 mer wölle/ dannoch ist ein solch gemüt lie-
 ber vnderm Dach vnnnd Gewölß der Kir-
 chen/ als vnderm freyen haltern Himmel:
 Da höret es mit allem ernst vnnnd fleiß zu
 dem Göttlichen Wort/ vnd kan mit demel/
 was es gehöret hat / nicht gnugsamb erset-
 tigt werden.

Die Seel/ spricht der H. Bernardus. a
 sucht das Wort/ deme sie zur besserung ge-
 hørche / dardurch sie zur Erkenntniß er-
 a Ser. 58. in Cant. leucht

leuchtet werde / darauff sie sich steure zur
 Tugend/ dardurch sie Reformirt vnnd ge-
 schickt werde zur Weißheit / deme sie mit
 eroberung zierlicher gestalt gleichförmig
 werde/ dessen sie zur frewd vnd lust genieß-
 sen möge. Ach wie oft schreyet das Ge-
 müß/ so dise Speiß genossen hat / mit dem
 Propheten Hieremia auff? Deine Re-
 den seindt von mir gefunden wor-
 den/ vnd ich habe sie geessen / vnnd
 dein Wort ist meines Hertzens
 frewd vnd trost worden.^a Dann/
 gleich wie hungerig sein/ vnnd lust zum Es-
 sen haben (als der H. Chrysostomus be-
 zeugt ^b) ein anzeigen ist der Gesundheit
 des Leibs ; Also/ begirig sein des Göttlichen
 Wortes/ ist ein groß anzeigen der gesund-
 heit in der Seelen.

^a Hierem. 15. ^b hom. 14. in Gen.

§. I.

Wer aber wolte glauben / daß ein ge-
 funde Seet der jenig habe/ welcher von der
 Wahrheit das ghör abwendet / zu den Fab-
 len aber vnnd dem lügenwerck gar spißig
 auff

auffmercket. Vnd weil man in den Kirchen die Sünd vnd Laster schilt vnd straf-
 fet/er dahaim dieselben verbringt vnd libet/
 an statt aber der Geiſtlichen Ermahnung
 vñ für die Predig/ainweders die Gläſlein
 wechſlet/ oder im Bret ſpilt / vñnd das
 Kärtlein miſchet / 2c. oder aller müſſig ſpa-
 zieren gehet / oder mit Hunden die Felder
 vñnd Wälder durchſtraiffet / Oder aber
 weil der Prediger auff der Sankel ſich ab-
 müdet vnd ſchwiht/er/ der ſaule tropff ſich
 noch im waichen Beth umbwalket; ja es
 geſchicht auch wol/ daß ſolcher ſchläfferiger
 Raß ſich nit ſchämet/ wann ihn ſchon die
 Mittagſonn noch in Federn vergraben li-
 gendt/ erwiſchet; ſpöttlich iſt es / daß man
 ſolches von den Chriſten ſchreibe / aber
 noch vil ſpöttlicher iſts/ daß ſies thun.

Das ſeind anzaigen deren allein/die ver-
 lohren werden / vñnd verderben wollen.
 Wen weit anderen merckzaichen werden
 erketnet die zum Leben außgewöhlet ſeind.
 Es begabe ſich aber (ſagt der Euan-
 geliſt Lucas ^a) da ſich das Volck zu im
 drang/
^a Luc. 5.

drang / auff daß sie möchten hören
das Wort Gottes / 2c. So groß vnd
heftig war diser heilige Hunger das Göt-
liche Wort anzuhören / daß ihn weder die
Synagoga oder Tempel / noch die Ring-
mauren der Stadt selbs / haben einfangen
oder schliessen mögen : Auff die breite wei-
te Felder zogen dise im Geist haifshungeri-
ge Leut hinauß : Die Einödin vnd
Wildnussen scheuerten sie nit / Manns vñ
Weibspersonen raifeten fort vngeffen vnd
vnruncfen / nur daß sie hören möchten
denjenigen Prediger / deme sie nachfolg-
ten wohin er nu vorgienge. Wir woh-
nen offte zu nechst bey den Kirchen / setzen
aber auch offte nit ein Fuß fürs Haus hin-
auß anzuhören dasjenige / davon wir
möchten freier werden / zugeschwiegen /
daß wir deswegen / vngeffen vnd vnrun-
cken / mit verabsäumung des Mittag oder
Nachmals / den Einödin / Wäldern /
oder Meer zuyleten. So gar haben wir
schier ab nichts anderem grossen vnlust
vnd vnwillen / als ab Götlichen vñ Geist-
lichen

lichen dringen. Zu diser zeit manglet es nit an denen/ die Gottes Wort fürtragen/ aber wol an denen die es anhörē: der Prediger seind vil genug/ aber nicht allwegen der Zuhörer. Weil wir dann also offte außbleiben vnnnd hinder die Predig gehen/ erdichten wir allerley entschuldigung vñ vrsachen/ vnseren erloschenen euser vñ trägheit damit zubeschönen. So findet man wol auch / die darumb allein nicht wollen Predig hören / daß sie nicht villeicht das schlaffende Gewissen auffwecken vnnnd vnruwig machen; dann der ihme selbs vñ bewußt / vñd sich schuldig weiß: / fürchtet auch sich selbst zum Richter zu haben/ vnnnd entsetzt sich vor dem Richterstul seines eignen Gewissens zuerscheinen.

Der Prophet Jeremias hat vorgezeiten bewainet / Daß die Strassen Sion trawren/ deßhalb/ daß niemandt mehr zum Hochzeitlichen Fest kombt. a Nicht weniger zu vnserer zeit trawren offtermals die Weeg vñ Strassen zu den Kirchen vñ Gottshäusern/ da

a Thren. I.

man

man frocket vnd jauchet auff den Gassen/ in den Wein/ Meth vñ Bierhäusern. Der zulauff vnd das geträng bey der Predig oder auflegung des Göttlichen Besahs vñnd Worts/ ist nicht sonders groß/ wirdt der ort nit bald zu eng / noch leichtlich jemandt darinn ertruckt : Wan aber ein bossierlicher Gauckler vñnd Abendhewer / mit etwan einem visierlichen Affen vñnd Sacknachtspil / auffzeucht / wenn ein Bräutvolck sich will einsegnen lassen / vñnd gen Kirchen gehet / wenn ein fürwiskiger Jahrmarkt vñnd Kramerer verhanden/ da richten wir vns bald auff die Füß / vñnd so vil wir nur Augen haben/ so vil bringen wir fleißig mit / da ist ein grosser zulauff/ vñnd vngewöhnliches geträng : Aber Gottes Botten vñnd Abgesandte müssen / wie man sagt/ am Hag nabziehen/ vñnd so man sie nit / als vorzeiten / verhonet vñnd verpottet/ werden doch ihre Reden vñnd Predigen für gering geschehet/ wa man vil außrichtet/ da sagt man / es war ein schöne Predig; vñnd darbey bleibis. Dessen sich dann

die heilige Schrift im andern Buch der
König Cronick gar schwerlich beklagt. 4

Es ist zwar nit allerdingß zuuernatzen/
daß deren vil seind / die Predig hören :
man muß aber darneben auch das bekenn-
en / daß deren wenig / die ernstlich begeh-
ren / nach gehörter Predig / dauon gebes-
sert / vnd frömmen widerumb haim zugeh-
ren. Haben also Ohren / manglen ihnen
aber Händ : Hörens / vñ thuns nit. Sehen
zu vñnd von der Predignicht eines Haar-
braits gebessert / werden nit anderst / bleiben
im alten vorigen wuest stecken. Es seind
wol auch / die an die Predig darumb gehē/
damit ihrem andächtigen fürwik / ein gnü-
ge gescheh. Andere gehen darumb in Kir-
chen / vnd hören Predig / damit ihnen die-
weil nit zulang werd / wöllens also fürken.
Etliche thuns darumb / daß sie beim alten
brauch bleiben / vñnd nit wider die alte ge-
wonheit handeln : Aber etliche / daß sie ge-
lehrter / nicht daß sie frömmen werden :
Wögen wol auch gefunden werden / die
deswegen in die Kirch kommen / damit sie

die Augen auff alle eck lassen außfliegen/
 vnnnd diejenige Personen ersehen / die sie
 glegner nicht könden ins Gesicht bringen:
 Jene aber kommen/damit sie gesehen wer-
 den/ vnd anderer Leute Augen auff sich zie-
 hen. Zu der Predig kommen auch offter-
 maln Spanvögel / welche etlich wort des
 Predigers aufffangen / damit sie darnach
 etwas zutalmessen / zutadlen / vnd zulachen
 haben. Es kömen dahin / die darben wöl-
 len ihr nöttigs geschwek verbringen / vnnnd
 ihre neue zeitungen ohnwerden / oder dem
 Schlaf ein stündlein schencken. Etliche
 andere kommen zwar wol zuhören / aber
 mit schon zuuor angefüllten vnd betadneten
 Ohren / hörens vnd fassens nit. Wenig/
 wenig seind / vnnnd dieselben allainig gute
 vnd fromme Zuhörer / die zur Predig ein
 beraites Gemüt vnnnd Herk bringen / alle
 Ermahnung willigan vnd auffzunehmen/
 kommen auch vmb keiner anderen vrsach
 wegen darzu / dann daß sie einzogner vnnnd
 frömmter darvon gehen / als sie darzu gan-
 gen: Lernen nit für die Schul / oder der

Kunst zu lieb / sonder dem Leben vñ Wandel zu lieb vnd zu gutem / nicht nur daß sie auß der Lehr geschickter werden / vnd mehr wissen vñ verstehen / sonder damit sie nach derselben ihr thun vnd lassen regulirn vnd richten / hören zu eines hörens / als ob ihnen beide Ohren an des Predigers Mund weren angebunden ; lassen auch nit leichtlich nach / sie empfinden sich dann zur Eurgent nur mehr genaigter vnd williger. Mit bald ist ein Mensch so wild / der nicht könne sam / haimisch vñ sikham gemacht werden / wenn er nur der Lehr gedultig vnd gutherzig will. zuhören. So tragen auch die Schäflein Christi / damit mans von den frembden künd vnder schaiden vnd teñen / ein merckzeichen / sonderlich in Ohren / hören das Göttliche Wort begirig an / vñnd gehorsamen demselben.

§. II.

Es wissen die von Gott zur Seligkeit verordnete Menschen gar wol / wie sorgfältig der H. Augustinus vermahne : daß der nicht weniger straffwürdig / welcher
das

Das Wort Gottes hinlänglich höret / als welcher durch sein sorglose vnachtsamkeit / den Leib Christi im heiligen Sacrament laßt auff die Erden fallen. Ist derentwegen nit so vil acht vnnnd auffmerckens zuhaben auff den / der Gottes Wort redt oder auflegt / als auff den der es ihme angibt / vnnnd zureden befiehlt. Wer bin ich (sagt der H. Augustinus ^a) als nur ein Korb dessen der da außsäet? Er hat sich gewürdiget in mich zulegen eben das / was ich bey euch außstrewen: wöllet nit ansehen wie verächtlich vnd schlecht der Korb / sonder wie er ei vnnnd gut der Samen / wie mächtig vnnnd gwalzig der Seemann sene.

Ein auffrechter Christ findet allenthalben gelegenheit etwas nütliches zulerne / ein guten forgang zuschaffen / vnnnd auch dises zeichen seiner Außermöhlung zuerkennen / welches da ist / mit Maria Magdalena sitzen bey den Füßen des Herzens / vnd anhören das Wort Gottes / vnnnd weder der Hausgeschafft wegen / noch wegen

^a Hom. 26. in lib. 5 o. hom.

des

deß murrens vnd anlagens der Schwes-
ter / noch auch wegen deß abholens
vnd wegkruessens der allerliebsten vnd
nächsten Freund / von dem Mund Christi
sich lassen abziehen.

Dieses zeichen aber der Göttlichen Für-
scheidung vnd Wahl / ist nit nur allein die
anhörung deß Wortes Gottes / sonder auch
die gedächtnuß oder behaltnuß / vnd die
vollziehung desselben / Warfür ist vnd nu-
tzer das Essen / so man das was erst ist gees-
sen worden / noch vnuerderwt gleich wide-
rumb außwürfft vnd von sich gibe? In
der Mutter deß Herzens / war diß grosses
lobs werth / Daß sie behielte alle diße
Wort / vnd erwögte sie in ihrem
Hertzen. *a* Ich hab deine Reden in
meinem Hertzen verborgen (spricht
der Königtliche Prophet David) auff
daß ich nicht wider dich sündige. *b*
Der guten Erd vnd Traidboden werden
verglichen diße / die das Wort hören / vnd
behalten in einem guten vnd besten Her-
zen

a Luc. 2. *b* Psalm. 118.

hen/vnd bringen Frucht in Gedult. ⁊ Dan
gleich wie da ist lesen/ vnd nichts verstehē/
also ist auch hören/ vnd nichts behalten/ist
schier balds / als mit einem süß Wasser
schöpfen. Das ist wol ein müßiger Ma-
ler/ vnd waißt die zeit nicht zbrauchen / der
mit Wasserfarben auff ein Tafel malet/
grossen fleiß vnd ernst anwendet/ aber als-
bald mit einem Schwam̃ darüber fehret/
vnd alles was er gemahlt / widerumb ab-
wischen/ der ist bey seiner weil ein fleißiger
Maz. Also legt auch sein zeit vbel an der
jenige Christ/ der Gottes Wort gleichwol
anhöret/ aber von stundan alles wider in
windt schlägt vnd vergißt: Er muß sich
befleissen/ dessen / was er gehört/ also inge-
denck zusein/ daß die Gedächtnuß nit faul/
sonder wachbar vnd vnüßig seye/ die da
mahne vnd antreibe/ daß man ins werck
richte/ dessen sie ingedenck ist/ vnd sein zaigt
wie es geschehen soll. So ihr solches wiß-
set/ selig seyt ihr/ wenn ihrs thut. Gewißt
haben / hat niemand in den Hüñel auff-
erhebt/ aber wol gethon haben: Thun

aber will der nit / welcher nit will wissen/
was zuthun ist.

Der aller klareste vnnnd ratneste Brunn
der wissenschaftt seind die Bücher der heil-
ligen Göttlichen Schrifft; vnd ob wol vn-
derschidliche vnd mancherley Menschen/
auß einem ainzigem Bronnen der Göttli-
chen Schrifft schöpffen / vnnnd solches offe
vnnnd vil / so ist doch niemandes / der disen
reichen Schatz / vnnnd Himlische Brunn
ader immer werde ergründen / erheben/
vnd erschöpfffen können. Die Natur oder
eigenschaft diser Reichthumb ist / daß je
tieffer man gräbt / je vberflüssiger sich der
Verstande Göttlicher anlegungen sehen
lasset: ein vnerschöpflicher Brunn ist es. **a**
Wie aber die Ameiß zur Sommerszeit
ihr Speiß für den künfftigen Winter zu-
sam trägt / also thut ihm auch ein Schrifft/
der empfahet Gottes Wort zu gelegner vñ
ruhiger zeit / damit er hernach bey den trü-
ben vnd vngestümen Wetter / sein Geist-
liche Nahrung vnnnd Speiß habe. Es ist
a S. Chrylost. ser. 4. de Lazaro.

kunde.

kundbar/ daß die verächter / so dise sache in
 Windt schlagen/ also bißweilen von Gott
 gestrafft werden / daß nicht allein sie selber
 solche straff empfinden/sonder auch ander
 Leut dises an ihnen warnemen vnd sehen.
 Gottes will ist es / daß je einer von dem
 andern vnderwisen werde vnnnd lerne/ daß
 auch einer dem andern sich vndergeb vnd
 vnderwerffe. Hochverständig vñ sehr weis
 ist gewesen der König David/ zum Lehr-
 maister hat er in vilen dingen gehabt den
 heiligen Geist selbst: gar wol war ihm be-
 wußt/ daß Ehebruch vnd Todtschlag ver-
 botten seyen/ dannoch hat er nicht ehe dar-
 über rew getragen vnnnd Buß gethan/ biß
 daß er den Propheten Nathan daruon
 hat reden vnd Predigen hören. Christus
 vnser HErr vnnnd GOTT hat Saulo auß
 den Wolcken herab geprediget/ nichts des-
 stoweniger sandt er ihn zu Anania/ daß er
 sich von ihm/ wie ein angehender Schu-
 ler / im Christlichen wesen ließ vnderwei-
 sen. a Cornelio dem Hauptmann/ hat der
 Engel verkündiget/ daß sein Gebett vnnnd

Almosen Gott lieb vnnnd angenemb/dar
 neben zaigt er ihm auff Petrum den Apo-
 stel/ von dem soll er weiter vnderricht emp-
 fangen. *a* Der Königin Candaces inn
 Mochrenlandt Kennntmaister/ als er in sei-
 nem Wagen daher führe/ vnnnd den Pro-
 pheten Ysaïam lese/ ist von Gott nit ein
 Engel/ sonder Philippus der Apostel zum
 præceptor vnd Lehrmaister gegeben wor-
 den/ von dem er/ den verstand dessen/ was
 er gelesen/ erlernen solle. *b* Von Moyses
 köndte man billich sagen/ er were Gottes
 deß Herzens gehaimmer Secretari / auch
 fürnembster vnd innerster Raht gewesen. *c*
 Nicht destominder wirdt ihm von seinem
 Schwäher Zethro / ob wol einem Auß-
 ländler / gleich als einem vnuerständigen
 Knaben vnnnd Lehrlingen/ die form vnnnd
 weiß/das Volck zuregieren/ zaigt vnd für-
 geschriben: Vnnnd solches zwar nit ohne
 scharpffes zureden vnd straffwort. Chris-
 tus die ewige Weißheit selbst/ sihet mitten
 vnder den Schrifftweisen vnnnd Lehrern/

a Actor. 10. *b* Actor. 8. *c* Exod. 18.

vnd

vnd fragt dieselben / gleich als wann er von
ihnen wolt lernen / vns zum Exempel. **¶**
Kein Geschlecht der Menschen / kein Or-
den / Sort oder Stand / wie der immer
sein mag / ist außgenommen oder befreyet
vom Predig hören. **¶** Luc. 2.

§. III.

Nun sprichst du aber: Ich bin der Ge-
lehrten einer / wird nichts neues hören/
was der Prediger sagen wirdt / das waiß
ich schon voran wol / ich bin nunmehr deß
alters vnnnd verstandes / daß ich mir selbs
kan Predigen. Secht mir da / vmb Got-
tes willen / deß Menschlichen sinns vnnnd
ingeniums, gelehrte vnd kunstreiche hof-
fart / vnnnd sage mir doch ainer / ich bitte
drumb / wer der jenige sey / der zu so hochem
Alter vnnnd Kunst gelangt / daß er nit noch
vilmehr nit künd vn̄ nit wisse / als er geler-
net hat? Befehlt aber / es sey im also / daß du
der allergelehrtesten ainer / vnnnd auß der
Predig nicht gelehrter werden mögest:
Also zwar wurdestu mit erkennnuß vnnnd
verstandt andere vberreffen: wie wirdt es

aber vmb den Willen / wie vmb die Memori oder Gedächtnuß stehen? Oder muß jener nicht bewögt vnnnd angetrieben; muß dise nit gemahnt vnnnd erinnert werden? Die Gedächtnuß wirdt gar leicht betrogen durch vergessenheit; gar bald verirrt der Will / fählet vnnnd strauchlet grob / man komme dann ihnen balden mit täglicher vnderweisung zuhilff; der Gedächtnuß / daß sie gestärckt; dem Willen / daß er von Sünden vnd Irthumb ledig werde. So ist es derowegen allen vnd jeden / nit nur allein nützlich / sonder auch notwendig / Predig zuhören; den Bösen / damit sie sich darauff besseren vnnnd frömmen werden; den Frommen / daß sie sich nicht verkehren vnnnd böß werden; den Ungelehrten / daß sie vnderweisen; den Gelehrten / damit sie ermahnet werden / vnd aineweders etwas neues lernen / oder doch das alte / was sie schon gelernt haben / widerumb zur Gedächtnuß bringen. Wer Weiß ist (spricht Salomon) der höret zu / vnd wirdt noch Weiser. ^a Vnd anders

derstwo: Der Weisen Ohr sucht die
 Lehr. ^a König Herodes/ gleich wol sonst
 von vilen Lasteren berühmte/ war doch so
 wild/ vnartig vnnnd thorecht nit/ daß er sei-
 nen Hosprediger (Joahmem den Tauffer)
 nicht gernhörete / vnnnd vil thetes/
 nachdem er ihn gehört hette. ^b He-
 rodes hat nit allein die gutwilligkeit zuhö-
 ren / sonder auch ein langmütige Gedule
 gehabt/ dann er auff des Predigers Jo-
 annis Vnderricht vnd Lehr/ nit vil wurde
 haben thun können / wenn er ihne nit offte
 vnd von vilen dingen hette hören Predi-
 gen. So ist auch nicht zuuermuthen/ daß
 Joannes die Laster des Königs/ allein mit
 schlechter andeutung vnd erinnerung der-
 selben gestrafft habe / sonder weisläuffig/
 mit darbringung vernünfftiger Argumen-
 ten/ vnnnd wichtiger vrsachen/ also / daß er
 ihme seine Laster nit nur bloß entdeckt/ son-
 der auch ernstlich vnd hefftig widerzathen/
 auch daruon abzustehen kräftig vnnnd
 scharpffermahnet wurde haben. Es fund.

ren des Königs Ehebrüch/ vnnnd souil an-
 dere seine Laster / mit einer ainziggen Pre-
 dig mit gnugsam gestrafft vnnnd gewaschen
 werden/ die wäsch war vil zu groß vnnnd zu
 vn sauber / jedweders Laster erforderte für
 sich allein ein besondere/ ja etlich Predigē:
 Ein Gemüt / welches in Sünden vnd La-
 stern verstockt vnd verhartet ist/ muß nicht
 nur ainmal mit Matvrbrechern angerent
 vnnnd zerflossen werden: Ioannes sparet
 da die Wort nicht/ vnnnd dannoch/ höret
 Herodes ihn gern. Vnd ob schon Io-
 annes ihm vnuerholen fürblewet / gut
 rund vnder die Augen ribe vnnnd sagte:
 Es zimbt dir nicht / daß du deines
 Bruders Weib habest/ vnnnd solches
 ohn zweiffel außführlich darthäte vnnnd er-
 wise/ dannoch/ höret er ihn gern/ so groß
 war der fleiß vnnnd embfigkeit Herodis in
 anhörung der Predigen Joannis. Es hat
 auch Ioannes da nicht gesehret/ die vbrige
 Laster alle des Herodis / hat er mit Politi-
 schem stillschweigen nit vbergangen: Ein
 treffentlicher vnd gar heller Zeug/ dessen ist
 der

der heilig Euangelist Lucas im 3. Cap.
 Herodes aber (sagt er) da er von ih-
 me gestrafft ward / vmb Herodias
 seines Bruders Weibs willen / vnd
 vmb alles vbeln willen / das Hero-
 des that / 10. So hat dann Joannes
 frey rund / vñ ohn alles scheuen / auch ge-
 strafft Herodis Tyrannen / Todtschlag / vn-
 billiche / so wol durch grossen Geiſſ einge-
 forderte / als durch vnzimlichen vberfluß
 verschwendte Gelder vnd Tribut / vñnd
 was dergleichen seiner Laster mehr gewe-
 sen / vñnd dannoch / höret er ihn gern:
 Auch mit so grosser Gedult vñnd Langmü-
 tigkeit / daß er weder wegen der ersten an-
 gehörten schärpfferen Straßpredig / noch
 wegen der anderen / noch auch der dritten /
 noch wegen viler nachfolgenden / ist vn-
 würsch / oder zornig worden: Er höret
 ihn gern. Herodes hat sich nit gedun-
 cken lassen / Joannes thue der sache zu vil/
 machs gar zu laut vñnd grob / sey im reden
 etwas zu eck vñnd frey / zu schärpff vñ bissig/
 oder zu gemein / schlecht vñnd einfaltig/
 sonder/

sonder/ Er höret ihngern/ vnd thet
vil/nach dem er ihngehört hette:
Wenn er nur auch im thun/ vnd vollzieh-
ung dessen daß er gehört/bestendig verhar-
ret were. Klagen hett er gewißlich nicht
könden/daß ihme das Glück die Warheit
mißgont habe. Der weise Römer Seneca
hat voreiten dise klag geführt/vnd gsagt: a
Ich will dir anzeigen / an weme es auch
den höchsten Häuptern / vnd größten Her-
ren fehle/vnd was denen/die sonst aller an-
derer ding ein vberfluß haben / mangle vñ
abgehe / nemblich/ ainer der ihnen die
warheit sage. Siehst nicht/ wie sie sich
ins verderben stürzen/ nachdem die frey-
heit zureden erstummet ist? Niemandt
ist / der sie nach naturrffe vñnd rechter ver-
nunft / straffen / ihnen etwas gutherkig
rathen/oder widerzathen darff; ihre beste
Freund seind in dem all vber ein Laist ge-
schlagen/ weil sie nur auff das gehen/ wie
sie einander auffß alimpfflichist betrie-
gen/ vñnd auffß höfflichist hinderts Licht
führen: ja auch wol hierinn miteinander
a lib. 6. de benefic. cap. 3. der

der streiffen/ welcher dem andern / einen
 lengeren Bart spinnen / das halmlein
 fänffter durchs Maul ziehen / den fuchs
 glätter streichen / vnnnd geschliffnere hálere
 Wort geben künde: Ioannes hat nit also
 Herodem betrogen/so auffrechten hergens
 vnnnd vnuerstopfften Mundes annahmer
 hat er sich erzaigt/das es sich ansehen vnnnd
 greifflich spüren ließ / er künde nichts we-
 nigers / als die Warheit verschweigen.
 Den Römiglichen Ohren blewet er stät-
 tigs für das Laster des Ehebruchs / mit
 abmahnung von demselben: Es zimbt
 dir nicht (Herodes) es zimbt dir
 nicht / daß du deines Bruders
 Weib habest. Wa seind nun vnserer
 zeit so hat die sárstling mit iren vnbeschnit-
 ten Ohren/ welche/wann sie vermainen/
 der Prediger habe sie mit etwan einem
 Wörtelein getroffen/das sie offrt selbst dahin
 gezogen / oder sonst vnrecht verstanden
 haben / von stundan den Prediger sambe
 seiner Predig/verwerffen vnd verfluchen/
 denselben nit mehr hören / noch sehen wöl-
 len?

len? weiß ich schier nit/ ob solche nit billich
für ärger vnnnd Gottloser zuhalten/ als der
Todesschlägerisch vnnnd Ehebrüchig Hero-
des; dann ob sie gleich wol (wie auch er
gethan) die Laster nit menden/ noch fliehē/
fliehen vnnnd menden sie doch(daß Herodes
nit gethan) die Predigen/ welche ein Arz-
ney seind der Laster. Der jenig raichet dem
verführer vnnnd betrieger die Hand / der sie
dem Lehrmaister verwaigeret/der aber ver-
traut einem Narren ein Schuler/ der sich
allein für ein Schul. vnnnd Lehrmaister helt
vnnnd erkennet. Wer dann jeho ben ihm
selber so weiß vnnnd klug sein will/ daß er nie-
mandes/ als allein sich selber/ zu hören/ sich
würdiget/ der erzaiget mehr sein hoffart vnnnd
vermessenheit/ als kunst vnnnd geschickligkeit.
So ist auch nit möglich/ daß einige lieb der
Tugend in deme sey/ welcher die Himlische
lehr hasset/oder ihr sonst nit vil nachfragt.
Ein anfang deß abweichens von Gott/ist
der vnlust vnnnd verdruß Göttliche vnnnd
Geistliche ding anzuhören: vnnnd lieber der
Gott nit/ der keinen Hunger nach Gottes
Wort/

Wort/vñ guten Ermahnungen hat. Der
Probstein zeigt an / was Gold oder nicht
Gold ist : das Euangelium Christi
aber / offenbaret die Gedan-
cken der Menschen.



Das sibende Allmufen mit herzhlicher Gütigkeit.

Vnicuique mandauit Deus de proximo suo. Ecclesi. 17

ELEEMOSYNA CVM
BENIGNO AFFECTV



Multò maius est, exorientem pascere Christum, quàm
in Christi nomine mortuos suscitare; nam illuc tu de
Christo bene mereris, hinc autem ipse de te. Cirys. hom.
36. ad pop.

Er hat Befelch geben einem
jedlichen von seinem Nech-
sten Eccli. 17.

Vilmehr ist es/ den Hun-
gertgen Christum speisen /
als in dem Namen Christi die
Todten aufferwecken. Dann
in dem ersten machstu dich
verdient bey Christo: In dem
andern aber mache sich er ver-
dient bey dir. Chrysoft. in der
36. Predig zum Volck.

Das

Das sibende Zeichen der Göttlichen Erwöhl- lung.

Die sibende Figur.

Sie ein Tabacstaude / ein
 vberauß hailßam gewächs / dessen
 Bletter sonderlich dienen / Ge-
 schwer / Anß vnd Wunden darmit zu hat-
 len. Ein groß Beschwer des Leibs / ist die
 Armut: Noch ein größers vnnnd vil bößers
 Beschwer der Seelen / ist die Sünd: Was
 de zu curiren vnnnd hailen / hat ein wunder-
 fürtreffliche krafft. Das Almusen / vnd
 sonderlich ein solches Almusen /
 welches den Armen vnnnd Dürffti-
 gen / mit hertzlicher gütigkeit / vnd
 miltigkeit erthailt wirdt. Vnd
 diß

disß Almusen wirdt durch die Tabaco
 stauden angedeutet. Solches lernen
 wir von dem Apostel : Ziehet nun an
 (spricht er) die hertzliche Barmher-
 zigkeit/ als Außerwöhlte Gottes.
 a. Dienur allein die Handt des Gebers/
 sonder auch das Herz vñ anmütige naig-
 ung/erfordert er. Warlich ist der Ses-
 lig/ der sich annimbt des Dürffti-
 gen vnd Armen/ an dem bösen Tag
 wirdt ihn der H^{er} Erz erretten. b. Dis-
 ses wirdt mit einem starcken Argument
 vnd vn widersprechlichen Schlußred auß
 der heiligen Schrifft beträffiget : Wer
 entlehnet/ spricht Salomon c/ der ist ein
 Knecht dessen/der ihme leyhet: Nun aber
 entlehnet der allerreicheste Herr vñ G^{ott}
 durch den armen Beeler / vnd nimbt alles
 an/ was ihme dargeraicht wirdt. Allda
 der Schluß leichtlich vnd bald gemacht ist.
 Den andern thail / oder nachspruch dises
 Arguments beweret Salomon : d. Der
 wuchert/ spricht er / dem H^{er} Erzen/

a Colos. 3. b Psal. 40. c Prou. 22.

d Prou. 19.

(oder

(oder/welches eben souil geredt ist:) Der H^{er}z entlehnet von dem / der sich deß Armen erbarmet / der mitlendig Mensch aber erbarmet sich deß Armen / so empfängt dann der H^{er}z seine Lehen von dem mitlendigen. Der H. Augustinus sagt/ Christus vnser H^{er}z erbeule das All^{er}musen also: Gib mir von deme / daß ich dir geben hab / von dem meinen beger ich: Gib mirs / vnd widerleg es: Ich bin dein Geber vnnd darlenher gewesen / mache du mich zum Schuldner / vnd fene mein Wur^{er}cher: Du gibst mir Zeitliches / Ewiges will ich dir erstatten: Dich will ich dir selber geben / wann ich dich mir selber zuuor gegeben hab.

Gregorius Nazianz. sagt: a. Sihe / daß du dem armseligen ein G^{ott} seyest / also / daß du der Barmherzigkeit Gottes nachschlagest / dann nichts Göttlichen kan der Mensch an ihme haben / als daß er sich vñ andere annemmet / vnnd wol verdient mache: Dir ist der Arm verlassen / gleich als einem G^{ott}. Ein solcher G^{ott} ist Job
a Orat. de amore pauper. auff

auff Erden gewesen : Ich / spricht er/
 war ein Vatter der Armen / vnnnd
 dern sachen / so mir nit wissend / hab
 ich mich mit grossen fleiß erkundis
 get. Dem Blinden war ich ein
 Aug / vnnnd den Lamen ein Fuß. a
 Tobias / der GOTT geliebte Mann saet :
 Allmosen entlediget von aller
 Sünd / vnd vom Todt / vnnnd laßt
 die Seel nicht inn die Finsterruß
 kommen : denn / Allmosen ist ein
 grosser Trost vor dem höchsten
 GOTT / allen denen die es geben.
 Tob. 4. a lob. 29.

§. I.

Der H. Chrysoftomus spricht : a Es
 ist besser die kunst Allmosen zugeben könn
 nen / als ein König sein : Dann diese kunst
 erbarwet Palläst vnd Häuser im Himmel/
 die nimmer einfallen / sonder allezeit be
 stehen vnnnd bleiben werden : Diese kunst
 lehret / wie du Gott köndest gleich vnd äh
 nlich werdē. Ein groß ding ist ein Mensch;
 a Hom. 33. & hom. 36. ad pop.

H

vnd

vnd ein köstliches Klainod ein Barmherziger Mann. Ein milter Mensch der zur Barmherzigkeit genaigt ist/ wirdt gesegnet/ weiler von seinem Brot den Armē gibt. *a* Darum dan/ damit ich mit eben diesem guldenen Mund fort rede: *b* Die gutthetigkeit gegē den Armen/macher Gott gleich; vnd eben dise ist ein Mutter der liebe; ein aigentliches tein zeichen der Tugend/ bey welchem die Jünger Christi erkennen werden: Dise ist ein Arzney vnserer Lastern; sie rainiget vnser Seel von ihrer vnsauberkeit; sie ist ein lauter/die an den Himmel raichet. Christus vnser HErr vnd Gott befiehlt: Samlet euch Schätz im Himmel. *c* Höret zu/ ihr Reichen / höret/ ein newe kunst die von Himmel kommen/ ein newe weiß Schätz zusämlen/ist/ Außgeben. Ihr habt bißher geirret/ dann mit Außgeben/wirdt man Reich/ nit mit zusamen scharren vnnnd behalten. Schätz hinderlegt diser in der oberen Welt / welcher sie inn diser vnderen

a Prou. 2.2. *b* Chrylost. hom. 6. in c.

3. epist. ad Tit. *c* Matth. 6.

Wele

Welt/vnder die Armē frengebig außtheilet.
 Ja / es ist auch vnnobt / ganze Händ voll
 Golds den Armen hinauß zuwerffen/ gebt
 Pfening/ gebt Haller/ gebt stücklein Brot/
 gebts allein mit gutem willen/ vñ mitlend-
 gem herzen/ so werdet ir zum Bucher em-
 pfangen ganze Städel vñ Schewren voll/
 reiche Schackkästen/ truhē voll Golds/ aber
 in einem bessern leben. Vorzeiten besuchte
 die Censores oder Straffherzen der Bur-
 ger behausungē/ schaweten zu/ ob sie nit et-
 wan Schaben finden inn den Klaidern/
 Würm vnd Maden im Fleisch/ Mäuß im
 Brot/ &c. Nit vergebens were dise arbeit/
 noch heutigs tags wurde man villeicht fin-
 den/ die lieber solches Viech wolten speisen/
 als die Armen. Nunmehr aber ist erfunden
 worden der ort/ stehet auch jederman der
 freye paß vñ zugang zu demselben offen/ da
 keine mäuß/schaben/würm noch madē zu
 finde. Samlet euch schätz im Himmē/
 da sie weder Rost noch Motten
 fressen/ vnd da ihnen die Dieb nicht
 nachgraben/ noch stehlen. Matth. 6.

Das Manna oder Himmelbrot/ welches das Volck Israel außhebt in der Wüſte/ verdarb ihnen nit/ ohn allein das / was ſie biß auff den andern Tag auffbehalten heten. Das Geld wirdt nicht verlohren/ daß allein daß man nicht verlieren will: ſicherer wirdt keines auffbehalten/ dann allein diſes/ welches man verſetzt in die Hände der armen Betler. Der Armen Bäuch vnd Mägen/ ſeind weite Scheuren / alles was man darein legt / iſt vor Fier vnd Brunſt verſichert / vnd mehret ſich mit groſſem Wucher. Wann Abſalon ſein goldfarbes Haar benzeiten hette ſtuken vñ abſchneiden laſſen/ ſo wurde er Haar auff dem Haupt/nit ſtrick / daran er endlich erhangen / getragen haben. Wann die Reichen ihre Güter/ zu vnderhaltung der Armen/ ſtuken vnd abſchnitten/ wurden ſie ſo vil Freund/ als gulden in der Truhen verſchloſſen haben: Mit nichts geben vnd ſparen: richten ſie das allein auß / daß ihnen vmb ſo vil deſto gefährlicher wirdt nachgeſtelt / ie mehr ſie deß Gelds haben.

2. Reg. 18.

Ver

Verleurt dein Gelt vmb deines
Bruders vnd Freundts willen/vñ
vergrab es nit vnder einen Stain/
daß es verrostete vnd verderbe: ratheet
Ecclesiasticus, *a* vñnd die ewige Weiß-
heit Christus: Gebt/so wirdt euch
gegeben werden. *b* Ein Schöpffbröñ/
wann er das seinig nit verleurt / wirdt er
kettechtig vnd kottig / häuffiger aber vñnd
rainer fleußt er/wann man ihn offte schöpf-
fet. Die zum Himmel fürsehen vñnd ver-
ordnet worden/wann sie ein Almusen ge-
ben/legten sie gern (so es ihnen nur mög-
lich) das Herk darzu / so gar ein milte
affection vñnd naigungtragen sie zu den
Armen vñnd Dürfftigen. Darumb hat
vñser lieber H^{Erz} Selig gesprochen die
Warmherkigen / nit die allein/welche vil
mitthailen vñnd dapffer geben könden / son-
der die sich gern aller vñnd jeder wolten er-
barmen: Der Philosophus Pythagoras
lehrete vorzeiten/ daß gleiche ding nit kön-
den/dañ nur von gleichen dingen begriffen

a Eccli. 29. *b* Lucae 6

wer.

werden: Auff dem Geistlichen Jarmarck
 dises lebens/ bekombt man allein auch glei-
 ches mit gleichem; das Del wirdt mit Del
 erkaufft: Willst du Barmherzigkeit fischen
 vnd zuwegen bringen? so würffe für ein
 Angel auß die Werck der Barmherzigs-
 keit. Ja sprichst du/wann ich anderen also
 wolt geben/so wurde ich auff die leest selbs
 müssen noth lenden. O du kleinnütiger
 Mensch / der du lieber deinem mißtrauen
 glauben gibst / als dem zusagen / vnd ver-
 schreibung Christi. Wie vil hat der Geist
 an Betrüß ab gebracht? das Almusen tel-
 len vberal. Gott enferet mit vnser ermil-
 digkeit / vnd lasset sich in der freygebigkeit
 von vns durchaus nit einthun oder vber-
 treffen. Gebt/so wirdt euch gegeben.
 Die Wittib zu Sarepta b / hat so vil
 vnkosten nit auffgewendet / an das truck-
 ne geschmeidig mählin/ das sie dem Pros-
 pheten Elias zubereitet / als vil sie darmit
 gewonnen hat. Die Wirthin des Pros-
 pheten Elisæi c / hat mehr empfangen vnd
 Luc. 6. b 3. Reg. 17. c 4. Reg. 4

auff

auffgehebt/als sie für ihren Gast hergeben/
vnd demselben auffgesetzt.

§. 11.

Nun findet man aber Leut/ doch nicht
auß deren Zahl die von Gott zur Seligkeit
fürsehen vnd erwöhlet seind/ welche selten
etwas geben/ sie gebens dann vngütig vnd
vntrewlich. Diejenigen aber geben vns
gütig vnd vntrewlich/ welche diß/ darab
ihnen grauset/ dessen sie gern wolten ab-
kômen/was sich kaum mehr essen oder ge-
brauchen laßt/ den Armen erst alsdann ge-
ben vnd mittheilen: Wenn etwan im
Hauß ist ein verstuckens Wildbret/ ein
schimligs Brot/ ein verrochner koniger
Wein/ein abgestandner Essig/etwas fau-
les/etwas stinckents/das man kaum einem
Hund dörfte fürwerffen/diß raicht man
bald den Armen/ gleich als ein frengebige
schandung/ vnd reichliche Gab. Ach/O
Ehrstê/wie offte betrieglich schmaichlen vñ
vberredē wir vns selbs? Das heißt nit Del/
sonder Delbeerstain vñ ferner opffern wie
solches der Prophet Baruch verweist vñ

fürzupffet/ ^a Gott der Herr (wie im Buch der Geschöpff gelesen wirdt ^b) hat auff Cain vnnd sein Opffer nicht gesehen/ dann er nur das aller schlechtest vnnd geringest von den Früchten der Erden Gott geopffert/ der doch wol bessers zu Opffern vermöchte hette. Kanst du wenig geben? So ist es dir vor Gott gültig vnnd verdienstlich/ daß du gern vil geben woltest. Vermagst du aber vil zugeben/ so sihe zu/ daß du nit wenig wöllest geben. Kanst du mit der that selber dem Armen nit helfen/ so hilff ihme mit tröstlichen Worten/ vnd mitleydigem zusprechen: Erbarme dich seiner zum wenigsten im Gemüt vnd Herzen. Die jenigen Israeliter/ seind nit verachtet worden mit ihrer Gab/die da Semmel vnnd Baißhaar geopffert haben/ dieweil sie nichts bessers gehabt. Wann sie aber Gold gehabt vnd zu Opffern vermögt hetten/vnd dannoch mit Baißhaare vnd so schlechten dingen gen Opffer kommen weren/ wurden sie (sagt Chryso-
mus

mus a) sampt ihrem Opffer von stundan
 verflucht sein worden. Etliche die geben
 nicht vntrewlich / oder vngütiglich; ver-
 mengen aber vnd beschmiken das Del der
 Barmhertzigkeit / mit dem wuest vnd vn-
 flat der Eilheit vnnnd Vnlautekeit / seind
 so willig zum Almosen / als genaigt zur
 Vnkeuschheit. Die Inwohner der State
 Anazarba / in der Landschafft Cilicia /
 glauben / der vberfluß vnd reiche Frucht-
 barkeit des Delgewächß ihres Landes /
 komme her von der Keuschheit vnnnd Kai-
 nigkeit ihrer Jungfrawen / die daselbsten
 alleinig die Delbäum pflanzen / vnnnd die
 Oliuē oder Delbeer ablesen. Dissen schreibe
 mans zu / wanns Del wol gerath / denen
 danck man drum. Die Christen sollens
 für gewiß halten / daß diser vnser Delbaum
 der Keuschheit / vnd der wild Venusbaum
 Myrtus, einander gar feind seind / vnd in
 einem Pflanzgarten neben einander nie
 nichten mögen gesetzt werden. **Q D E**
 dem H Erzen ist vnangenemb dises All-

a Hom. 32, in epist. ad Hebr.

Altmusen/deme die stinckende Gailheit des
Fleischs anhengig ist / vnd mögen ihm zu
gleich miteinander nit gefallen/ein frenges
bige Hand/vnd ein gailles Gemüt.

Andere seind/ die zwar in diesem Roth-
sumpff der Fleischlichen glüsten nit versun-
cken / weil sie aber ihres Altmusens halber
wollen gesehen sein/vnd gelobt werde/ ver-
schütten sie ihr Del vmbsonst vnnnd verge-
bens. Warumb aber mein Christ/waist
dein lincke hand/was die rechte thut? Der
fromme Job vergleichet dich einem Del-
baum / der sein blüe abwirfft / a dann diser
Baum (spricht der H. Gregorius b) ob
er schon fast blüet/so ihn doch ein allzustar-
cker Nebel oder Reissen / straißet / ist kein
Frucht darvon zuhoffen. Also der/welcher
alsdan fürnemblich Barmhertzig ist/waist
er zuseher hat/oder damit ers habe/verleurt
alle Frucht des guten Wercks/vom Nebel
des Menschlichen lobs / vnd eytlen gunst.
Das Altmusen eines von Gott dem Her-
ren Außerwöhlten Menschens / gibt acht
a lob. 15. b lib. 12. moral. c. 26.

nur auff ein Aug / aber welches alle ding
 ſicht: erwartet auch keines lobſ nit / dann
 nur von deme / von welchem es auch ge-
 wertig iſt der belohnung / nemlich von
 dem Allmächtige Gott. Vnd ob gleichwol
 das Allmuſen/nach deß H. Chryſoſtomi
 Lehr/ a guldine flügel hat/begert es dañoch
 nit/als ein Pfaw/viler Augen lob/vnd zu-
 ſehen zuhaben hie auff diſer Erden / die-
 weil es ſeinen vergelt im Himmel hat:
 Dahinauff ſchwinge es ſich mit ſeinen
 guldenen Flüglen/vnnd ſtellet ſich Chriſto
 dar / den es inn dem armen Betler erken-
 net. Das Allmuſen begehret ſo gar nicht
 in der Welt bekannt zuwerden / daß es/
 wenn es nur ſein köndte / auch ſeinem eig-
 nen Herzen wolte vnbekandt vnnd ver-
 borgen bleiben: Dann ein rechter war-
 haſtig Barmherziger Menſch achtet
 ſichs nicht / daß ihrer vil wiſſen / was /
 vnd wie vil er geben habe/ wanns nur der
 allein weiſt / der es dem Geber widerumb
 geben vnnd vergelten kan. Darumb
 heiſſet der heilige Cyprianus diſe gut-

willigkeit gegen den Armen / ein sichere
hülff vnnnd trost vnser hails / darmit wir
Gott zum Schuldner machen / auch
Christi des Richters gunst vnnnd gnad ge-
winnen.

§. III.

Am Tag des letzten Gerichts/ wirdt ein
scharpffes Examen, vnd strenge frag / der
geübten oder vnderlassne Barmherzigkeit
wegen sürgenommen werden. Vnd werden
die jenigen so eines vnmiltten / härten / vn-
barmherzigen Herzens gewesen / ein er-
schröckliches Decret oder Brthail / gleich
als in einer Tafel geschriben/ ablesen/ also
lautent: Gehet hin ihr Vermaledey-
ten in das ewig Feuer. *a* Aber dise/
welche die Göttliche Fürsorgung vnd Auf-
erwöhlung von Ewigkeit an/der lieben H.
Englen Gesellschaft zugeschriben hat /
werden verretwlicher vnd sicherlicher mit
dem Richter reden könden/vnd sagen dörf-
fen: *H*Erz/ gib vns/ dann wir haben dir
auch geben: Gibe dich / dann auch wir
deinetwegen geben haben : Wir haben
a Matth. 25. vns

vns anderer erbarmet / du aber erbarme
 dich vnser: Wir haben vollzogen/was du
 befohlen hast / vergilte / was du verhaissen
 hast. Solches anforderens / wirdt sich
 der Richter nicht schämen/ vnnd sich gern
 für ein Schuldner bekennen. Sehen wer-
 den die Außersöhlten in der senten Christi
 die weite/offne Rosensarbe Wunden/vnd
 darinn/ gleich als mit Edlensteinen einge-
 schriben: Kombt her ihr Gebenes-
 deytten / besitzet das Reich meines
 Vatters. Ihr habt erlangt / alles was
 ihr begehret. Ich bin wol ingedenck mei-
 nes versprechens / vnd lobe ewer Barm-
 herzigkeit / die sich billich vmb die beloh-
 nung anmelden kan: Nemmet dann nun
 ein den reichen Sold / der da ganz vner-
 schäcklich ist. Alles was ihr dem wenigsten
 auß den meinigen habt gethan / das habe
 ihr mir gethan. Ewer mitlenden vnnd er-
 barmnuß hat mich offtermals mit Speiß
 vnnd Tranc erquicket: Mit ewren Klai-
 dern bin ich bedeckt vnd erwärmet wordē:
 In ewren Häusern / hab ich als ein

Frembdling einkehret vnd Herberg gefunden: Erwer liebe gegen mir / hat sich auch durch die enge Gefengtnussen mich zubesuchen/eingetrungē: von ewrer Barmherzigkeit hab ich gelebt: Kombt her ihr Gebenedeyten. Ein stücklein Brots habt ihr geben dem Hungerigen? Sehet da ist ein Tisch auffs beste bereit / vnnnd auff das allertöstlichist zugericht / kommet das ewigwehrende Gastmal einzunehmen. Den Frembdlingen habt ihr nicht versagt die Herberg? Nun verschaff ich / daß ihr den Englen bewohnet / vnnnd ihre Mitburger seyet, Die erfrore Glider der halbnackenden / habt ihr mit eweren Klaidern bedeckt? Kombt herzu / ich will euch beklaiden mit dem Purpur Mantel der Bisterlichkeit: Kombt her ihr Gebenedeyten. Was ist doch dises für ein wechsel oder eintauschung. Vmb alte vñ zerflückte Klaidlein/vmb hällerle, vmb brösamlein die man vom Tisch zusamen fehret/das Ehrentkaid der Glory / die Schatz des Himmels/

die

die allerfrölichste / vnnnd immerwehrende
 Malzeit der Seligkeit einnehmen vnnnd
 ewig genießten? Alle Erbärmnuß
 vnnnd Gutthat wirdt statt vnnnd
 platz machen / nach dem verdienst
 der Werck / einem jedlichen / vnnnd
 nach dem verstand seiner Wals-
 fahrt. a Wann dise ding / als wahr sie
 seind / so wol allen Menschen eingiengen /
 wurde niemandt sein / der den Himmel
 nicht so wol sail kauffen wolte. Gang
 warhafftig hat gesagt der heilige Augusti-
 nus : Wenn du ein guter vnnnd weiser
 Kauffmann sein wilt / so gib was du nicht
 behalten kanst / damit du empfangest / das
 du nicht verlieren kanst : Gib ein wenig /
 gib ein schlechts / damit du es hundertfach
 wider einnimmest : Gib den Armen ein
 Pfennig / daß du von Christo erlan-
 gest ein Königreich : Gib ein brocken
 von deinem Brot / damit du erhaltest ver-
 zeihung deiner Sündē: Gib ein Klaidlein /
 damit

damit du verdienest die Stol der Glorh
vnd Herzligkeit: Gib schlechte vnd zeitlich
the ding/ damit du erlangest die ewigen.
Was ist aber das für ein Thorheit (spricht
Chrysoſtomus *a*) daß du deine sachen
an dem ort ligen laſſeſt / da du nie bleiben
kanſt/ vnnnd nicht an das ort/ da du Ewig
zubleiben begerest/ voran ſchieck eſt. So
lege wol an das deinige dahin /
da du dein Vatterland
haſt.

a Matth. 6.



Gerin

Geringe achtung seiner selber.

Nisi efficiamini sicut paruuli, non intrabitis in regnum cælorum. *Matth. 18.*



Nebū est quod nos ita et hominibus gratos faciat et Deo, quā si vito merito magni, humilitate simus infimi. *S. Hier. epist. 14. ad Celant.*

Es sey dann / daß ihr werdet
wie die Kinder / werdet ihr nit
eingehen in das Reich der
Himlen. Matth.

18.

Nichts ist / daß uns bey
den Menschen vnnnd Gott so
angenemb mache / als wann
wir durch gute verdienst deß
Lebens groß / in der Demut
aber die niedrigsten seind. S.
Hier. Epist. 14. ad Celant.

Das

Das achte
Zeichen der
Göttlichen Erwöhl-
ung.

Die achte Figur.

Sey ein Cypreßbaum. Dieser
jederzeit grünende vnnnd wolrie-
chende Baum / leydet kein säule-
vertreibt auch von anderen den bösen tödte-
lichen gestand: Wirdt derowegen nicht
vnrecht durch disen Baum verstanden die
Kingschätzung / kleine acht / vnd vernich-
tung seiner selbst / Welche das verborgne
Wurmlein der Hoffart vmbbringe / vnnnd
den Menschen nit so gar ersaulen vnd er-
stinken laßt / daß er ihm selber wolgefalle.
Gewißlich / ein vbelstinkender Aysß vnnnd
Nyttter ist es / ihme selber wolgefallen. Ich
schreyer

schreyet David auff / hasse die Hoffertigen / vnnnd treibe sie von mir ab. Wer mit Hoffart vmbgehet / vnd Hochmut treibt / wirdt nicht bey mir wohnen inn meinem Hauß. a Man sagt/dasß selten ein gute vnd kräftige Arzney gefunden werde/darinn nit etwan auch ein Gift/oder Zucker sene. Gewiß ist es / daß nicht bald ein Laster ohne Hoffart zu finden ist. Erzehe sie alle nach einander/so würdest du es also befinden. Der anfang aller Sünden / ist die Hoffart / vnnnd der mit ihr beschafft ist/ der wirdt erfüllet mit allerley fluch/ vnd sie wirdt ihn endtlich stürzē. b Hoffart ist ein zundel fast böser art / bricht mit vnderchiedlichen vnglückhafften lastern / als flammen / da vnnnd dort herfür/ ist vnderworffen der plag des haß/vnd der liebe/vnd allermait des neyds vnnnd mißgunsts. Seind auch keine angsthafftigere vnd vnratigere motus oder bewögunge / als deren Menschen / die dem lob so fast nachstreben/ als starck sie vermainen vnd

a Psal. 100. b Eccli. 10.

glaub

glauben / man sey ihnen solches schuldig.
 Dise argwohnen gar leichtlich / man ver-
 achts / vnd solchen hochmuth anderer (wie
 sie es auflegen) rechnen sie zum allerersten
 an ihnen selber / mit den allerbittersten sor-
 gen vnd gedanken. Vnnd eben dise wiss-
 sen nichts vmb ihre aigne vntugenten /
 noch vil weniger wollen sie wissen vmb an-
 derer Tugenten. Also muß disen auffge-
 blasnen / vnnd auffgeschwolnen Leuten /
 Gottesforcht / Glaub / vnd was sonst guts /
 lobwürdiges / vnd heiligs an anderen ist /
 nichts werth sein / vnd ihrem Ehrgeiß vn-
 derligen. Vnnd ist zwar anderer Vntu-
 genden vñ Laster materi oder gegenwurff /
 offtermals gar schlecht / vnnd verächtlich ;
 der hoffart aber / gemaintlich gar kostlich
 vnnd edel ; als welche / jede herzliche that /
 fürtreffliche kunst vnd geschickligkeit / grosse
 Tugend vnnd Heyligkeit / beschmiken / na-
 gen / vnnd beißen darff ; allerding / wie die
 Würm / nur die beste Birn vnd Depfel an-
 greiffen / zerfüßen vnd durchnagen. Dies
 mand thuts dem Teuffel gleicher / als der
 Hoffer

Hoffertige. Jener wolte dem Allerhöchsten gleich sein: Diser will anderen nicht gleich sein / sonder fürgezogen werden. Aber allenthalben widerstehet Gott den Hoffertigen. ^a Wie ein Kriegsmann auff den Zinnen der Ringmauren steht / vnnnd alle die hinauff steigē / mit seinem Schlachterschwerdt zuruck hinunder schlägt. Doch wirdt der Hoffertig biß weilen auch ohn allen gwalt von Gott gestürkt / gleich wie erwan die hoch auffgeschosne Kreuter ein Fürstlicher gärtner gleichsamb scherckweiß vnd mit ringfertiger Hand stukt / abschert / vnd einebnet. Saul / da er demüthig vnnnd niderträchtig / ist zu Königlichen Würden erhebt worden; da er sich selbst aber hoch vnnnd groß gedunckt / ist er widerumb herab geworffen vnd gestürkt worden. Es seind Menschen / die von Natur ein abschuehen an den Zwislen tragen; vnnnd seind andere / die ein angebornen natürlichen haß wider die Spinnen / vnd Raken haben: Dises aber ist Gottes Natur vnd Eigenschaft; Scheuen / nemblich / vnd

verfluchen alle Hoffertigen: Abominatio Domini est omnis arrogans: sagt Salomon inn seinen Sprüchen: **a** Jedlicher Stoltzer ist dem Herren ein Grewel. Wie nun aber die Pestilentiſche sucht vnd ſchwar an mancherley orten deß Leibs ſich erzeigen vnd ſehen laſſen/ also die Hoffart bleibt nicht nur an einem ort: Ben etlichen nimbt ſie die Augen ein/ ben anderen die Zung: Diſen kombt ſie in die Händ/ ben jenen verwicklet ſie ſich in den Klaidern: Ben vilen ſetzt ſie ſich auf die groſſe Kräß/ da iſt ſie ſo rutwig/ ſteiff/ vn- bewöglich/ ja ſo vnuertriben/ daß wol hundert Prediger/ diſe Kräßhoffart nicht künden auß ihrem Neſt heben. Es ſeind wol auch/ die man möchte darfür anſehen/ als hetten ſie ihrer ſelbs kein acht nit/ vnnnd weren abgeſaget feindt der Hoffart/ wann ſie nit ihre Gaſterenen vnd Walzeiten/ ihre Gebäw/ Kinder/ Haußgenossen/ Diener/ ja ihren Haußrath ſelbſt/ ſein in der ge- heit/ gleichſam/ vnnnd in der ſtille lehren Hoffart treiben. Also wiſſen wir vns in

allerley art vnd manier der Hoffart zuschle-
 cken/ wir gschwellen auff/ wie das Meer/
 von grobem vnd subtillem Wind. Vnder-
 weilen werffen wir vns selbstn hin auff
 äusserist/ wie Kehrtroth / da bucken vnn
 naigen wir vns/ weiß nit wie tieff/ vnd le-
 gen die Händ anderen vnder die Füß/ lau-
 ter höfliche hömigsüße Wort lassen wir hö-
 ren/ seidin vnn sametin sein vnserc reden/
 ist vns niemand zuschlecht / dem wir nicht
 gern zusuffen fallen/ wann wir nur erlan-
 gen/ was wir begehren/ vnd vber sich kom-
 men. Wann wir dann vber andere er-
 hebt sein/ vnn vns selbst in der höch sehen/
 alßdann mainen wir / es seye niemands
 weder ob vns / noch neben vns zgedul-
 den / alßdann haißts bey vns / jetzt bin ich
 Herr / ich laß mir nit maß vnn ordnung
 geben. Dellender Staub vnd Aschen/ O
 hoffertiger Laimfloh! was treibest du für
 Hoffart? mit einem ainzigem anblaser
 wirdt dich der Todt in ein grub verwähen/
 darauff du so bald nit mehr kommen wirst.
 Was gefallest du dir selbst geschwolner

Z

Auff?

Anß? Du stinckest vor den Menschen/vor
 den Englen / vnnnd vor dem allerhöchsten
 Gott. Du schmeckest nach der Erden/
 Daimknoll deß alten Adams/vnd wähest
 von dir den gestanck deß Lucifers. So du
 dir gefallen vnd belieben lasset nit nur al-
 lein den geruch deß Eynpreßbaums/ sonder
 auch sein höhe; wolan / so steige hinauff/
 verachte aber keinen weder allein dich selb-
 ber. Das wirdt für hoch vnnnd fürtrefflich
 geacht / in der höhe nit zu hochsinnig sein;
 wann du erhebt würdest/dich selbstn nider-
 trucken/ vnnnd (daß deren von Gott er-
 wöhlten eigenschafft ist) mit verdiensten
 an den Himmel stossen/ seinem geduncken
 nach aber / auff der Erden vmbkriechen.
 Der heilige Bernardus sagt : Demut
 pflegt allwegen mit der Gnad Gottes ge-
 mein vnd freundschaft zuhaben. Wa-
 ist dise so hochschwebende niderträchti-
 gkeit oder demut / die der angethanen ehr
 nichts nachgebe/ vnd von ihrem vorhaben
 nit etwas abweiche? Was sein die jenige
 Hom. 4. super Missus est.

die vom Menschlichen lob vnnnd ruhm nte
 ein wenig anheben zustoßieren / vnnnd in
 ihren aigenen Augen höher vnd länger wer-
 den? Es ist nichts groß oder besonders / in
 der verachtung demütig sein; aber wol in
 Lob/Ehren vnd Würden/ *rara enim vir-
 tus, humilitas honorata*, Geehrte De-
 mut ist wol ein selkamer Paradenßvogel
 in vnseren Länden: Hoch / fürtrefflich/
 gelobt/ gelehrt/ geehrt/ kunst, sinn, oder tu-
 gentreich/ darneben demütig darzu/ ist wol
 ein schönes Meerwunder. Höret ihr das
 ihr König/ Fürsten/ vñ Herren der Welt?
 Höret ihr diß ihr so Hochgelehrte / als
 hochgeschorne / so hochuerständige als
 hofferliche Herren? Höret ihrs / so hoch-
 tragende/ als wolhabende vnd reiche gesel-
 len. Ein vngewöhnliche / vnnnd gar dinn
 gesäte tugendt ist / *Humilitas honorata*,
 Geehrte Demut. Die eigenschafft
 aber wahrer Demut ist/ wie vil mehr einer
 zeugnuß der fromkeit vnnnd heiligkeit vor
 anderen hat / vmb so vil desto mehr auß
 aignem vrthail sich verächtlich schätzen.

Hat nicht Abraham/ von Gott hoch gerühmt vnd gelobt/ sich selbst für Staub vnd Aschen gehalten? *a* Petrus der Kirchen Gottes Selb vnd Grundfeste/ hat er sich nicht öffentlich vnd von herken für einen sündigen Menschen außgeschrien? *b* Hat nicht Paulus/ das außerslehtne Geschirz/ vnd Fürst der Apostlen/ sich selbst genennet ein Mißgeburth/ vnd der nit werth were/ daß er ein Apostel heiße? Warlich kein anderer anfang der erhöhung ist nicht / denn nur die Demut / ringschäkung/ vnd vernichtung seiner selbst. *a* Gen. 18. *b* Luc. 5.

§. I.

Hoffart ist ein fall vnd verderben aller Tugenten / vnd ein gar tieffe abstürzung der Menschen zugleich/ vnd der Englen. Was ist doch / O Gott / vorzeiten zwischen Himmel vnd Erden für ein tausch vnd abwächslung beschehen? Der aller schönste Engel vnder allen wirdt vom Himmel herunder geworffen / vnd der aller ellendeste Bettler wirdt von den Englen

len in den Himmel hinauff getragen.
 Dann dauon der hoffertig Lucifer ist ge-
 fallen / da hinauff ist der arm preschafft
 Lazarus gestigen/ welcher / als wol glaub-
 lich / öfter wirdt seine Anß vnd Geschwär-
 gezehlt haben / als seine tugenten: Vnnd
 ist kein zweiffel nicht / daß ihn alle Men-
 schen für gedultiger werden gehalten ha-
 ben/ dann er sich selbst / vnnd das auß-
 rechter seiner selbst verschmähung. Sein/
 vnd warhafft hat etwan gesagt ein Heil-
 ger: wenig ist der werth / welcher sich et-
 was werth schäket: Gar nichts werth ist/
 der vermaint/ er sey vil werth. Mit deme
 stimmt zu der H. Bernardus, vnd spricht:
Omnia illi desunt, quinihil sibi deesse
putat. Disem manglet alles miteinander/
 der darfür haltet / es mangle ihm gar
 nichts.

Man köndte wol darzu sehen / es habe
 das ansehen / die seyen zum Himmel nicht
 geboren / denen allein ihr wesen gefallet;
 Die anderer Leut thun vnd lassen/teck vnd
 hoffertig vrhalten vnnd verachten; das

übrige allein nicht mit geringerer eitelkeit/
 hoch schätzen vnnnd für gültig halten; wer-
 den also/ so wol in frembden dingen betro-
 gen/ als sie in ihren aigenen sachen blinklen
 vnd vbel sehen/ wiewol ihnen das ein an-
 nemblliche Blindheit ist. Weck mit euch
 ihr eytle / vbermütige Menschen: solche
 hofferlige Psawen gehören nit in Himmels.
 Die / welche zum Himmel fürsehen vnnnd
 erwöhlet seindt / vrthailen keines anderen
 sünden vnnnd leben so streng als ihr aigens;
 sie straffen oder verdammen keines ande-
 ren werck vnnnd thaten so offft / als ihre aig-
 en; anderen verschonen / vnnnd sehen sie
 leichtlich nach/ ihnen selbst niemalen; sie
 verfahren mit niemandt rächer vnd här-
 ter / als mit ihnen selbst. Wir elende
 Creaturen! Staub vnnnd Schatten seind
 wir/ müssen jetzt bald vnd vber ein kleines
 zum grossen hauffen wandern/ vnd dann
 noch rühmen wir vns vnseres Namens vñ
 Stammens / brangen mit vnserem Ge-
 schlecht vnd herkommen/ gleich als ob dise
 mehrer Menschen weren / die mehr An-
 herren

Herren vñnd Großvätter zehlen können.
 Homo vanitati similis factus est, dies
 eius sicut umbra prætereunt, sagt der
 heilige Propheet David: **a** Der Mensch
 ist der eytelkeit gleich / seine Täg
 gehen dahin / wie der Schatten an
 der Wand. Gott gebe wohin wir vnser
 Augen wenden / sehen wir allezeit / daß wir
 zuwainen haben. Schawen wir den
 Himmel an? sehen wir zwar das Vater-
 landt von ferren / befinden vns aber noch
 im Ellend vñ Jamertbal. Schlagen wir
 vnser Augen auff die Erden? so tröwet sie
 vns das Grab; vñ ob wir sie jekund gleich
 mit Füßen treten / wirdt sie sich doch nicht
 vberlang auff vnser Köpff legen / vñd mit
 denen irein gfallen nach vmbgehn. Sehen
 wir vns selbst an? O wol ein schöner/
 hüpscher / rothbackender Apffel? Steck
 aber ein Würmlein darinnen verborgen.
 Säule / Anter / Todt / stecken zinnerest in vn-
 serem Innigwald darinnen. Sehen wir
 in das Herz selbst hinein? O wol ein tie-
 fe heftliche Grueb ist dises? Was für ein
 a Psal. 143. J 4 grosser

grosser hauff der Mattern vnd Schlangen
 verbirgt sich darinnen? Ach / ach / wir
 wuelen von bösen glüsten vnnnd Lastern
 gleich wie ein fauler Käß von Maden vnd
 Würmlein / aber dannoch kommen wir
 das selbstn nit verächtlich für: Wir liegen
 da mit müheseligkeit / thorheit / bösen gewon-
 heiten / vilerley Sünden vberschüttet / vnd
 dannoch / wollen wir für glückselig / weiß /
 gelehrt / fromb / gehalten vnnnd angesehen
 werden. Die Außewöhlten bewögen jetzt
 erzehlte ding zu äusserster ihrer verwerff-
 ung / also / daß / je mehr sie sich vnnnd ihre sa-
 chen betrachten / je verächtlicher sie ihnen
 selbstn von tag zu tag fürkommen / vnnnd
 denen machen gar leicht alle ding ein vn-
 lust / wie dem heiligen Apostel Paulo / die
 zuuor an ihnen selbst kein sonderen lust nit
 finden: salt ihnen auch nit schwer alles zu-
 verachten / die vor allem sich selbstn ver-
 achtet haben. Wer dann nun immer ist /
 der da begehret selig zu sein / der lerne wie
 ers gern soll haben / wann ihn andere ver-
 achten /

achten/ ja er muß sich selbst/ vñnd alles anders/ auffser Gott verachten.

Die von Gott fürseheue oder erwöhlte verstehen wol/ wie warhafftig der heilige Chrysoftomus gesagt habe: *a* Minimū de se sensisse, tam magnum est, quā res maximas fecisse. Das ist / das geringst vñnd wenigst von sich selbst halten/ ist so vil/ als die größte ding gethan haben. Sie kennen die Stimm des ruffenden: Welcher vnder euch will der grösser sein/ der wirdt im Himmelreich (so er anderst dahin kombt) der kleinste werden. Sie wissen/ daß der weeg der Demut rauch/ vñ schrofig / anfangs sonderlich beschwerlich ist/ nach vñd nach aber kömmelicher vñ leichter. Ihnen ist nit verborgen / daß sie vber ein bühele oder berglen müssen/ dasselbe suchen sie nun/ vñd wann es ihnen von anderen gewisen wirdt / steigen sie begirig hinauff: Ist ihnen lieb/ daß man sie veracht vñd hinder sich schieb / vñnd wa sie es haben könden / versäumen sie nit bald die gelegenheit darzu / frewen sich nach der

a Hom. 3. in Matth. 35

erweisen schmach/ trügen vnnnd verspotten
 sich selbst mehr/ weder ainiger irer Fein-
 den thut. Niemand auß deren zahl trowet/
 daß er sein verachtung vnnnd schmach mit
 der wöhr rechen wölle / rechenß auch nicht
 mit einem ainigen Wort: Keiner zuck-
 den Dolchen/ keiner zeigt die Faust/ wider
 den Verächter oder Schmäher / als der
 ihme vmb so vil desto mehr nußet/ vmb wie-
 vil mehrer schmach er ihme erweiset. Die
 Fürsehne oder Erwöhlte von Gott / haben
 in der Schul Christi wol gelernet / vnnnd
 starck gefaßt/ daß man kein loch könde inn
 sie spotten/ daß sie auch durch die verach-
 tung nicht ringer / schlechter oder vnan-
 gnemer vor Gott werden. So groß ist
 ein jedwederer / als er in den Augen Got-
 tes ist / vnnnd nicht vmb ein Haar größ-
 ser. *a* **GOTT** vrthailt nicht wie
 ein Mensch sieht. *b* In Gottes An-
 gesicht seind wir klein/ wenn wir in vnserm
 groß seind: Groß aber seind wir vor ihme/
 wenn wir bey vns selbst klein seind. Ein
a Imit. Christi lib. 3. c. 50. *b* 1. Reg. 16.

Bronn

Brunn/je tieffer er ist/ je rainer vnd säube-
 rer ist sein Wasser. Je weniger ein Mensch
 auff sich selbst helt/ je minder er begert hoch-
 geachtet zu sein/ je ringer er sich selbst schätze
 vnd an sich schlägt/ je angenehmer/ gütiger/
 wolgefelliger ist er vor Gott. Die vnmaßi-
 ge / allzuhochfliegende Geister muß man
 nidertrucken/ die erhehte Gemüter eingra-
 ben/ all vnser hoffart vnd vnwissenheit/
 mit dem hauffen vnserer müheseligkeiten/
 mängen vnd gebrechen vberschütten vnd
 zudecken. Der Bisam/ sagt man/ bekomme
 sein guten geruch widerumb an stincken-
 den örtern : Also auch/ wann wir vns
 vnser sündengstands vnd vnsauberkeit
 wegen/ vns selbst ernstlich vernichten vñ
 für verächtlich halten / so werden wir den
 guten Geruch der Tugend / den wir bißher
 nit gehabt/ hinfür spüren lassen / wa der
 Cipressbaum ist der Demut/ da ist auch gu-
 ter geruch / des Christlichen leben vnd
 Wandels.

Ein gar Geistlicher Mann war gefragt / was für einen Weeg zum Himmel er bißher für nemlich gefunden habe / dar auff er geantwortet: Si se homo semper accuset: Diesen Weeg gen Himmel halreich für den allerbesten vnnnd gewisesten: **Daß der Mensch allezeit sich selbst anklage.** Diß/sagt der H. Augustinus/ ist fast die ganze Lehr vnnnd vnderweisung der Christen. *a* Der H. Ambrosius sagt: Es sene ein zeichen der Außergewählten/ vbel von ihm selber halten/vnd seine Wunden erkennen. *b* Der H. Gregorius spricht/ *c* Es sene denen/so von Gott verworffen/ eigenthumblich / allezeit böses stifften / vnnnd dasselbig niemals widerzueffen vnd vmbstossen/ sonder allwegen wollen noch recht darzu haben. Dann alles was solche thun/ vberzumplen sie mit blinder rechnung/vnd so lang sie nicht durch straff getrieben werden/ erkennen sie ihr vnthat nit. Die Außergewählten aber examiniren / vnd durchsuchen. *a* lib. de virg. c. 31. *b* in Apol. de Dauid, c. 2, c in c. 5. Iob, *c* den

chen alle tag/ ihr thun vnnd lassen / so gar
vom Brunnen vnd Ursprung an der ge-
danken / vnnd seind derwegen noch nicht
sicher / dann sie erkennen / daß Gott in
ihnen sieht/ was sie selber nicht sehen.

Ecclesiasticus gibt disen rath: *a* Je
größer du bist / je mehr demütige
dich inn allen dingen / so wirst
du vor Gott gnad finden. Dann
groß ist die macht Gottes allein/
vnnd wirdt von den demütigen
geehret. Warlich ist inn allen din-
gen die höchste vollkommenheit / erkandt
nus seiner vnuollkommenheit : vnnd
vil lobwürdiger ist ein solches Gemüt/wel-
chem sein aigne schwachheit bekandt / als
welches seiner gebrechen vergißt / vnd dar-
für die Dingmawren der Welt / den weeg
des Gestirns/kraft der Kräuter / die tieffe
der Erden/vnd höhe des Himmels durch-
grüblet.

Wist du gedacht / sagt der H. Augusti-
nus *b* / einen hohen Baw zuführen? so
a cap. 3. *b* de verb. Dom.

gedencke zuuor von dem tieffen fundamente
oder grund der Demut: Jederman belus-
stiget sich an der höhe/die recht stieg aber zu
derselbigen/ ist die Demut: das Vatter-
land ligt hoch/der weeg aber ist nider vnnnd
tieff: wer das Vatterland ernstlich sucht/
der waigert sich deß wegs nicht.

Nun befinden sich aber vil/ welches der
heilige Hieronymus billich bewainet / a so
dem Schatten der Demut nachsetzen/ we-
nig der warheit derselben: Es seind wol
wenig deren / aber selig seind sie / vnd zum
Himmel außervöhlte / welche / je mehr sie
sich selber sehen / je mehr sie auch ihnen sel-
ber mißfallen: Vnnnd seindt vor GDe
vmb so vil köstlicher/ je verächtlicher sie ih-
nen selber scheinen. Die sich weniger sehen/
mißfallen ihnen selbs auch weniger. b
Vil seindt/die vil wissen / allein sich selber
wissen sie nicht / solche seind in den Augen
Gottes vmb so vil kleiner/ je grösser sie in
ihren Augen scheinen. Ein guter vnnnd
sicherer steig ist zu GDe / die Erkantnuß

a Epist. 27. b S. Greg. l. 35. moral.

aigner nichtigkeit. Vnd warhafftig hat
 gesagt Cassiodorus : a Descendendo,
 cælum ascenditur: Durch demüthigs ab-
 steigen / steigt man Glorwürdig gen
 Himmel auff.




in Psal. 6.

Liebe gegen den Feinden.

Noli vinci a malo, sed vince in bono malum.

ad Rom. 12.



Grandis labor est inimicos diligere, pro persecutori-
bus supplicare: hoc nos negamus: labor quidem est
in hoc saeculo non parvus, sed grande vitæ es perniciem
in futuro. Aug. serm. 5. de S^{to} Stephano.

Lasse dich nicht überwinden
das böse : sonder überwinde
das böse mit gutem / Rom.
12. Cap.

Ein schwere arbeit ist es /
die Feind lieben / vnd für die
Verfolger bitten. Das ver-
nainen auch wir nicht. In
diser Welt ist es zwar nicht
ein geringe arbeit / es wirdt
aber auch ein grosse Cron
sein in fünffziger zeit. S. Aug.
Serm. 5. de S. Stephano.

Das

Das neunte
Zeichen der
Göttlichen Erwöhl-
ung.

Die neunte Figur.

Durch die zween Spiess inn
dem Gelranz wirdt bedeu-
tet die Liebe gegen den Fein-
den. Dann das Delsweig bey den Alten
für ein bekanntes Zeichen des Fridens je-
derzeit gehalten worden. Diser von Dels-
bletern gestochene Kranz/ verainiget dise
zwo feindtlich wider einander lauffende
Lanzen/ daß sie gleichsam ein anderen vñ-
sahen / als wie durch die Lieb / die Feinde
verainiget werden/ vñ einanderen freunds-
lich vñtsehen.

Ernst.

Ernstlich hat Christus gebotten / daß wir unsere Feind lieben sollen. Ich aber / spricht er a / sage euch / liebet ewere Feind / thut denen guts die euch hassen / vñnd bittet für die / so euch verfolgen vñnd schmähen / damit ihr Kinder seyt ewers Vatters / der im Himmel ist. Diß ist aber / sagst du / ein hartes vñnd schweres werck. Je schwerer es aber ist / je angenehmer ist es Gott / vñnd vns desto nützlicher. Lasset vns den H. Augustinum inn seinem Handbüchlein hteruon anhören. Das Allmusen / sagt er / ist mancherley / dardurch / wann wir es raichen / die Sünd außgelöscht vñnd nachgelassen werden: Nun vbertrifft diß Allmusen alle andere / wann wir denen von Herzen verzeihen / welche vns verlegt vñnd belaidiget haben.

Christus / als er jekund in der höch hlenge / hat er allein die Zung gehabt / welche von den Schlägen / vñnd Nägeln frey gebliben / vñnd diße hat er an dem hohen
 Creuz

Creutz vor allen dingen/ denen zum besten/
gelöset/ welche ihn mit ihren Händen vnd
Zungen gecreuziget hetten : Ein recht
wolberedter/ mächtiger Patron vnd Ad-
uocat/ für seine selbst aigne Feind. Vnd
hierinn hat diser Lehrmaister am Creutz/
gute Jünger vnd nachfolger gehabt / aber
sehr wenig.

Als S. Stephan für seine Feind bath/
ward ihm der Himmel eröffnet / gleich-
sam als wann alle Heyligen einem so edlen
Spectacul zu ehren/ von Himmel herun-
der zuschaweten. Eben diser sonders hei-
lige vnd erste Martyrer betrete für sich sel-
ber stehend; da er aber für seine Feind blit-
tet / fällt er auff seine Knye nieder/ vnd sihet
zugleich den Himmel offen / vnd Jes-
sum stehen zur Rechten der Krafft Got-
tes. Actor. 7.

Wann einer dörfte fragen: Herz/ wie
machest du es? gehet dann die belohnung/
vnd der Triumph vor dem Kampff. Der
Mundt S. Stephans hat sich noch nicht
auffgethon/ vnd die Himmelchor stehen
schon

schon offen? Dieser Leuit ist noch nicht gestorben / vnd jetzt sihet er dich schon? Ist ihm dann nicht also / daß du dich deinen Heiligen vñ woluerdienten Freunden erst zu erzaiigen pflegest in deiner höchsten Wohnung droben? Wie kombt es dann / daß die seligkeit/ia du selber S. Stephan zu lieb mit dem lohn vorkömest/vñ für des Himmels thor herauß entgegen lauffest? Dieser Kempffer ist noch nit auß den Schranken treten/er streitet vnd ficht noch auff dem Blaz / er bitter vnd bettet noch / vñnd zwar für seine Feindt: O glückseliges / O kräftiges Gebett!

Laßt vns aber erwögen die ursach / warum die belohnung so hefftig da enle? So angenehm vnd werth ist Gott dem Herzen die vergebung vñ nachlassung der schmach vñ vnbildt / vñnd das cristliche Gebete für die Feindt / daß der sanfftmüthigste Gott/ alle sein Majestät da gleichsam auff ein ort legt/wider sein gwonheit die täglich ordnung vmbgehet / allein darumb / diess weil er seinem trewen Diener vnd dapfferen

ren Ritter nit erst vor seinem Königlichem
Thron wolt krönen/ sonder mit dem danck
vorkommen/ in dem er verschafft / daß die
Seligkeit mit dem gwinnet / solte für des
Himlischē Palasts Portē vñ Thorheraus
ihm entgegen gehen/ damit diser sein aller
glückseligste Kempffer/der seine verbitter-
ste Feindt vñ Todtschläger/ geliebt / für sie
weinend vnd sterbend gebetten/ vber den
gemainen Proceß oder brauch / auff das
aller ehrlichste / zum Triumph berueffen
vnnnd geladen werde. Diß ist des ewigen
Königs Priuilegium oder Freyheit/ so er
vergoñet denen/ die der erwishnen schmach
vnd vnbildt/ nicht wollen mehr gedencken.
So gar nicht der/ welcher das vbel leydet/
sonder welcher das vbel thut/ der leydet
vbel.

Der sißame Dauid/ welcher mit Bären
vnd Löwen gestritten/ vnd sie überwunden
vnd erlegt : Diser herkhaffte vnnnd vner-
schrockne Held/ als er seinen Todtsfeindt
den König Saul/ öffter/ als ein mal vnder
seinem Spieß/ vnd schon allbereit in der
fluyß

kluppen gehabt / hat er ihme doch lieber
 verschonen/ als das Leben nehmen wollen.
 Vnd ist das seiner Ritterschafft gleichsam
 das fränkische vnd ehren Lied gewesen/ daß er
 also singt: *a* Hab ich denen böses ver-
 goltten/ welche mir haben für guts
 böses gethon / so müßte ich billich
 fallen vor meinen Feinden ohne
 hülf. Der starck vnd mannliche Pau-
 lus/ welcher ganze Kriegsgeschwader/ wel-
 cher den Todt/ welcher die Hölle selber zum
 Kampff heraus zu fordern keinen scheuch-
 hette / der ist gegen den Feinden so mild
 vnd gütig gewesen / daß er sagt: *b* Wir
 werden vermaledeyt/ vñ benedeyen:
 Wir leyden verfolgung vnd stehen
 solche beharrlich auß: wir werden
 gelästert / vnd entgegen betten
 wir. *a* Psal. 7. *b* 1. Cor. 4.

§. I

Die allertapfferiste vnd mannlichste
 Rath/ ist dise / verzeyhen / da du dich
 rechnen köndtest. Bilrühmlicher vnd
 auch ehrlicher ist es / den Feind vberwin-
 den

den mit stillschweigen / weder mit antwor-
ten vnd zanken : Es ist dem Mann
ein ehr / sich vom Hadern abziehen
(spricht Salomon ^a) aber alle Narren
mischen sich gern in Hader. Der H.
Ambrosius sagt: ^b Sich rechen ist kein
werck oder that der Starckmütigkeit / son-
der der zagheit oder forchtsamkeit : Der
vberwindet nit / sonder wirdt vom Feinde
vberwunden / der sich rechet. Mit anderst
halt hievon auch Aristoteles ein Fürst
der Philosophen oder Weisen / vnd gibe
dise gleichnuß: ^c Wie ein schwacher Ma-
gen härte oder grobe Speiß nicht kan ver-
dauen / also ein kleinmütiger Mensch kan
ein härters oder räckers wort nit gedul-
den. Niemand erzaigt vnd erweist besser
daß er ein Christ sey / als der seinen Feinde
lieb hat. Zu rechter übung der Tugend / ist
einem vnnöthigen / ainwiders ein auff-
rechter Freundt / oder ein gar scharpffer
Feind / dem keiner jemals so vil geschadet
hat / daß er nit ihme selbst noch mehrern

^a Prou. 20. ^b lib. 1. offic. c. 36. ^c lib. 4.

Ech. c. 3.

Schaden

schaden zugefügt. Des heilige Chryso-
 stomi mainung ist: *a* Nachgirtigkeit des Her-
 zens / sey schädlicher als ein vergifftes Ma-
 ter: Dann nicht ein geringers vbel ist/
 vnbild wollen widergelten / als zussügen.
 Schlagst du den Feindt? Hast du dich
 schon vor selbst tödtlich geschädiget. Vnd
 das ist anderst nichts/dann Bluet von der
 Fehrrstatt nehmen / aber zum ersten ihme
 selbst die Händ darmit verbrennen / dar-
 nach erst auff andere außstrewen vnnnd
 werffen: Also gehet allwegen der erste
 thail des vbels/ vber seinen anfänger auß:
 bißweilen auch der letzte: Dann vntrew/
 wie das sprichwort laut/ erisset gern ihren
 aigenen Herzen: Da doch mehrmalens
 der jenige/ deme das vbel vermaint vnnnd
 gemessen worden/ vnuerleht verbleibet. *b*
 Ein jeder der den andern hasset / verwun-
 det zum ersten sein aigne Seel. Wer nie
 liebet / der bleibt im todt. *c*

Es ist aber schwer (sagen andere gleich
a Hom. 41. in Act. Apost. *b* Lactant.
 de ira Dei. *c* 1. Ioan. 3.

K

was

was sie wollen) vnd kombt hart an / den
 Feindt lieb haben : Vil schwerer wirdt es
 sein / vnd vil härter ankommen / vnder vn-
 zahlbaren feinden in der Höllen brinnen.
 Es fällt schwer disen lieben / welches
 kaum werth ist / daß man ihn hassen soll /
 noch vil schwerer wirdt es fallen / vom
 Richter ab dem Regenbogen hören er-
 schallen die erschröckliche Stimm : Ge-
 het hin von mir ihr Vermaledey-
 ten in das ewig Fewr. a Das gsag
 ist aber gar zu hoch gsant / welches da ha-
 ben will ich solls dem schencken / vnd lassen
 hingehen / der mich so oft verletzt vnd be-
 laidiget hat : Nun wirdt aber diser dem
 Berg nit auffsteigen / der mühe vnd ar-
 beit fleucht : Den Himel fleucht der / wer
 er immer ist / der seinen Feindt hasset. Wir
 lauffen oft Pilgramsweiß Kirchfahren /
 von einem ort / an das ander ; kommen vn-
 derweilen leger haimb / als wir feindt auß-
 gezogen ; vberlegen die Altär mit Wachs /
 behalten daroben staimene Herzen Bes-
 mühen vns den Aulaff oder Jubeliahr zu
 Maria. 25 gewin-

gewinnen / hören doch nicht auff rach zu
 suechen : Den Ablass/mein Christ / vnd
 das Jubeljahr / hat Gott der Herr vnd
 der dein Hauptkür gesetzt ; mit einē Wörte
 sein kanst du es gewinnen ; sag nur : Ich
 verzeihe / so hast du aller Sünden verge
 bung vnd Ablass erlangt : Vergebt/so
 wirdt euch auch vergeben. ^a Dañ
 so du deinen Leib verbrennen ließest / bet
 test aber die liebe nicht / auch gegen den
 Feinden/so ist es dir nichts nuß ^b

Für reich wirdt der gehalten / den
 man vil schuldig ist : Die Feinde / wel
 che dir vnbillichs thun/ feindt dir vil schul
 dig/so magst du dann/ so du wilt / von ih
 nen reich werden. Setze dich jekundt/
 vberschlage / vnd mach die rechnung / wie
 vil man dir schuldig bleibe / vnd wie vil du
 anderen ? Reich wirst du sein / so du nie
 bezahlest die vnbill denens du schuldig
 bist. Lieber/wie tieff steckest du im Schuld
 Register/ Gottes des Herzens ? Vnd bist
 nun durch dein vbelhausen so weit komen/

^a Luc. 6. ^b 1. Cor. 13.

R 1

das

daß du nicht hast / noch vermagst ihn zu bezahlen: En warumb weisest du ihne dair nit auff deine Schuldner / vnd warumb stellest du ihn nit durch sie / zu freiden / welches durch dich nimmermehr vermagst? Vergibe / so wirdt dir vergeben. **a** Vergib deinem nechsten was er dir zu layd gethan hat / dann also werden auch dir / so du bettest / deine Sünd vergeben. **b** Grosse schulden sicht dir GOTT nach / so du anderen kleine nachsiehest. Betant ist der Spruch des heiligen Hieronymi: Erschröcklicher Sontenk vnnnd Bruchail! Wann wir vnseren Brüdern nit verzeihen / oder nachlassen das kleine; wirdt vns von GOTT auch nit nachgelassen werden das grosse. Ein jeder verhoffe ein solche verzeihung von Gott / dergleichen er gibt seinem Feind: Gleich wie du deinem Feinde / also wirdt auch dir GOTT nichts schencken: Vnsinn dich wol.

§. II.

So erbarme dich dann / O Mensch /
a Luca 6. **b** Eccli. 28. zum

zum wenigsten deiner selbst / vnd damit du
 dich nicht selbst hassst / so hab lieb deinen
 Feindt. Der lust vnnnd ergeßigkeit so du
 von der Rach hast / wehret nicht lang / der
 Frucht aber / welchen die Barmherzigkeit
 mit sich bringt / wehret ewiglich. Lieber /
 ich bitte / *a* Lasse dich das böse nicht
 vberwinden / sonder du vberwinde
 das böse mit gutem. *b* Hungert deis
 nen Feindt / so speiß ihn mit Brot /
 dürstet ihn / so trānck ihn mit Was-
 ser : Den du wirst glüende Kohlen
 auff sein Haupt hauffen / vnnnd der
 Herz wirdt dirs vergelten. *b* Ubers
 winde das böß mit gutem. Von diesem
 vberwinden sagt der heilige Chryso-
 stomus : *c* In dem Olympischen Streitt o-
 der Kampff / so jedes fünffte Jahr / dem
 Teuffel zu ehren gehalten worden / wars
 der brauch / *malefaciendo vincere* , den
 Sig mit deß anderen schaden daruon tra-
 gen ; das Feld erhalten / aber den anderen
 todts schlagen ; das gwinnet erlangen / zu

a Rom. 12. *b* Pröu. 25. *c* in cap. 12.

ad Rom.

K 3

uor

vor aber den Feind gen Höl schickem.
 Weit anderst / O weit anderst gehet es zu
 auff Christi Kampffplatz / da ist ein anderer
 brauch / ein anders gsatz / dem ganz vnnnd
 gar zuwider : Dann da / wirdt als ein
 Obfiger gekrönet nit der / welcher schlägt /
 sonder der / welcher geschlagen wirdt /
 weicht / vnd sich vberwinden laßt. Wann
 wir sanfftmütig weren vnnnd vns gegen je-
 derman sükam erzaigten / wurden wir vn-
 vberwindlich sein / vnd durch vnblidt vnd
 schmach anderer / so bald nicht in vngedult
 fallen / vnd vns selbst verlieren. Dar-
 umb / so sprich nicht : Ich will Böses
 mit Bösem vergelten : harre / vnnnd
 warte deß Herrens / der wirdt dir
 helffen. *a* Sprich auch nit : Wie
 man mir thut / so will ich wider
 thun. *b* Sag lieber / warumb wilt du
 mit deinem schaden einem anderen böses
 thun ? O Hund was beissest du in stain ?
 Klags der Hand die gworffen hat. O
 nachteul / O blinder maulwerff / was tho-
 best vnnnd wütest du vber deinen Widers-
a Prou. 20. *b* Prou. 24. sacher?

sacher? Laß ihn fluchen / dann der
 Herz hats ihn gehaissen / daß er dir
 fluche. ^a Der zum todt verurtheilt ist/
 wirdt nit vntwirs vber den Züchtiger / aber
 wol vber den Richter / der ihn dem Züch-
 tigen vbergeben hat : Warumb / dann O
 armseltiger Mensch / zürnest du wider dei-
 nen Züchtiger? Sich auff den Richter.
 O Du istst / der dir einen solchen Wider-
 sacher geben hat / aber dir zum besten / zur
 billichen verdienten Straff deiner verbre-
 chen. Dem H. Job hette der Teuffel nichts
 ein ainzig Schäßlein könden zucken /
 wäns O Du nicht hette verhenget. Der
 Herz hats geben / der Herz auch
 hats genommen: ^b Nicht der Teuffel
 Du hetttest kein macht vber mich
 sagt Christus zu Pilato / wann sie
 dir nit were von oben herab gege-
 ben. ^c Eben das antworte auch du dei-
 nem Feind. Ihren vilen haben mehr ge-
 nußt die Feind / als die Freund. Nimb
 die Tyrannen all hinweg / wo werden die

^a 2. Reg. 16. ^b Job. 1. ^c Ioan. 19.

Martyrer sein? Hebe auff die Feinde
vnd Feindschafften / so werden zugleich
aufgehebt sein viler belohnungen: Nicht
weniger hat der wüthrich Diocletianus
die Kirch Gottes erweiteret mit seiner
grausambkeit vnd mit dem Schwert/als
Kaiser Constantinus mit seiner freyge-
bigkeit/vnd mit dem Gold.

Der Euangelische Hausvater hat
gewölt / daß der Weizen vñ das Unkraut
zugleich mit einander auffwachße: Laß
set beyde mit einander wachsen/
(sagt er) Biß zu der Ärnd. • Wir aber
räschnitzige Menschen / seind so gäch vnd
schnell zum aignem verderben/ daß/so bald
wir nur ein schädlichs Krewtlein ersehen/
schreyen wir von stundan: Weck mit den
Distlen/ins Feuer mit ihnen/ fort mit dem
Unkraut in Ofen mit ihm: hinauß/hinauß
mit den Feinden in die Höll mit ihnen. Ge-
mach an/ liebe Gesellen / gmach an: Nicht
also muß man vor der Ärnd den Felderen
scheren: Zur zeit der Ärnd / wirdt den
Schnitteren befolchen werden: Samb-
let

Iet zuvor das vnkraut / vnd bindet
 es in büschlen / daß man es verbren-
 ne. *a* Warumb verdainen wir dann vn-
 ser Begird selbst / mit so vnzeitiger gäber
 vngestümer rachgirikkeit? Warumb zie-
 hen wir die Feindt / so schnell zur Straff?
 Dise art des Vnkrauts / wirdt der Sichel
 vnd dem Feuer nicht entrinnen / aber die
 ärndt ist noch nit vorhanden. Als Chri-
 stus vnser Heyland seine Jünger hat ler-
 nen Betten / vnd ein sibensaltige bitt dem
 Himmlichen Vatter auffopfferen; *b* hat er
 auß disen sibensitten / nit ohne vrsach / al-
 lein die / von vergebung der Schulden /
 widerholt vnd außgelegt. Was aber hat
 er mit solcher außlegung anders erklet?
 als / daß etliche ding müssen gezeitigt / etliche
 gleichsamb auch eingebleut werden? Dañ
 dasjenige nie zu oft vnd vil gesagt wirdt /
 daß man nie gnugsamb faßt vnnd lernet.
 Eben daher lobt das Göttliche Gesaß der
 heilige David vnd spricht: Latum man-
 datum tuum nimis. Dein Gebott ist

a Matt. 13. *b* Matt. 6.

sehr breit. *a* Warhafftig ist dises sehr
 breit/als welches gebeut/bekandte vnd vn-
 bekandte ; Gutthäter vnnnd Bbelthäter/
 Würdige vnd Vnwürdige / die Feindt so-
 wol/als die Freunde / zu lieben / vnnnd also
 mit außgebraiten Armen der liebe / alle zu
 gleich ihm Herzen zu umbfassen. Keiner/
 ob er schon ein drysfache guldene Ketten
 vmb den Hals trägt / bewehret vnd pro-
 birt so gewiß daß er Reich/Gelehrt / oder
 vom Adel sey / als gewiß sich der ein Kind
 Gottes sein erzaigt vnd darthut / welcher
 seine Feindt lieb hat. *b*

Wer aber (sage mir/bitt ich dich) ist
 allwegen so gar bey ihm selbst/ der nicht et-
 wan/wann sich die Wellen des Zorns er-
 heben / seinem Feindt drieff vnnnd Beyln/
 sambt aller plag auff dem Kopff wünsche?

Nun stehet aber einem Christen Men-
 schen zu/den Zorn zudemmen / vnd solche
 vngestüme Wellen oder bewegungen zu
 stillen. Schön sagt der heilige Augusti-
a Psal. 118. *b* Chrysoft. hom. 2. in
 epist. ad Philip.

aus: 4 Hast du gehört die Lestertung vnnnd
 schmachrede? Dife ist der Wind: wirst
 du zornig? Das seyn schon Wellen: Wann
 nun der Wind wähet / vnnnd die Wellen
 sich erheben vnnnd auffbäumen / ist das
 Schiff warlich in gefahr / stehet mißlich
 vmb dein Herk. Du hast die schmach
 gehört / vnd wilt dich an dem rechen/der
 sie wider dich hat außgegossen: Sihe
 zu/in deme du dich rechest / scheitterest du/
 vnd leidest ein Schiffbruch. Fragst war-
 umb? Darumb: Dann Christus schlaffe
 in dir / du hast Christi vergessen / dir ist
 nembllich abgefallen vnd bist nicht inge-
 denck / daß Christus / als er ist Creuzigee
 worden/seinen Feinden/nicht das Creuz/
 sonder vergebung/von seinem Himlischen
 Vatter mit haissen Zäheren begeret hat.
 Sihe derowegen / wie Christus inn dir
 schlaffet / der dich für die Feind nicht nur
 hat Wachen / sonder auch Sterben geleh-
 ret. En so wecke dann Christum inn dir
 auff / vnd halt mit dir selbst also sprach:

4 Ser. 3, inter 17. hom.

Wer bin ich doch / daß ich so hefftig Rach
 begere? vñlleicht wirdt mich der Todt vor
 hinnenemen / ehe ich mich an meinem
 Feind rechnen kan; die von dannen schais
 dende Seel aber / wirdt Christus der Herr
 von sich verstoffen / als der mit Worten
 vñd Exempeln die Sanfftemut vñnd Gedult
 gelehret hat / nit den Zorn vñnd grim
 men / ein Præceptor ist er vñd ein Spies
 gel der Demut / nit der Rach: Ein Ma
 gister oder Lehrmaister der Liebe / Gedult /
 vñnd vergebung der Sünden ist er / nicht
 des haß vñd der vngütigen Straff.

§. III.

Nun hat aber die Rach vñd Straff
 giriakeit weder Augen noch Ohren / geht
 gehörloß vñd blindt darein / wohin sie die
 zornig vngestümigkeit ziecht vñd treibt /
 daß der alte Poët nit vnbillich darüber vn
 willig wirdt vñd sagt:

— *Verum ita sunt isti nostri diuites ,
 Si quid benè facias , lenior plumâ est gratia :
 Si quid peccatum est , plumbeas iras gerunt.*

Plaut. in Pæn. act. 3. scen. vlt.

Mit

Mit Reichen ist ein sollich ding /

Für Guttbat ist ihr danck gar ring.

So du ihn aber böses thust /

Ihr zornigs Maul groß hüßen must.

Dan deren seind gar vil / die gemainlich schwäre / klaine Herzen haben / thun fast alle andere ding fahrlässig vnnnd nur oben hin / allein die empfangne iniuri oder vnbildt vergelten sie mit allem ernst. Zu allen dingen schier könden sie durch die Finger sehen / wann man ihnen aber etwas thut / sehen sie dreyfache Brillen auff. Mit der geringsten belaidigung / mit einem frummen tritt verschüttet man bey ihnen alle gunst vnd gnad / hergegen die erwisñne Schmach versencken sie mit großem Haß / als mit angehencktem schwären bleyflossgen / zutieffest in ihr Herz hinein. Vergebt / vnnnd verzeicht einander / O meine Christen / schämet euch daß ihr hierinn von den vnglaubigen vnd Abgötteren solt vberwunden werden : Ihre Bezeuchnussen / so wol als auch Exempel / straffen vnd verdammten vns / daß wir an jenem letzten

Gerichtstag der Welt / kein entschuldigung nit werden haben können.

Pompeius Magnus, oder der Groß / hat souil Ruhms vnd Lob nicht erlangt / daß er vber drey thail des Umbkreis der Erden mächtig triumphiert vnd obgesiegt / als daß er (wie Paterculus *a* schreibt) gemachte Freundschaft / so steiff vnd beständig erhalten / in gefaster vngnad so leicht zuerbitten; vnd in annemung der genugsthuung so baldt zuersättigen gewesen ist.

Da Kayser Augustus, Cinna, der ihn hinderlüstig zu tödten begerte / das Leben geschenkt / sagte er darzu: O Cinna / das Leben schenck ich dir noch einmal; erstlich als einem Feindt / jezo aber / vnnnd das ander mal / als einem mörderische außspäher vnnnd Todtschläger. Hat ihme darneben auch das Burgermeister Ampt auffgetragen. Begert jemandt zuuernemen / den außgang diser sachen? Cinna ist hernach allwegen der aller beste Freund Augusti gwest / vnd hat ihn auch zum Erben aller seiner Güter ins Testament gesetzt.

Phocion der Athenienſer General
 Obrſte / ward gang vnſchuldig zum Tode
 verurtheilt / da ihm nun ein Statt-
 knecht Gift in einem trunck zu nehmen
 dargeraicht / wurde von ſeinen verwand-
 ten gefragt / was fürn Befelch er ihnen ge-
 be an ſeinen Sohn ? Diſen gib ich / ant-
 wortet Phocion , daß er vergeſſen vnnd
 nicht mehr gedenccken wölle diſes truncks/
 welchen mir die Athenienſer gebracht /
 vnnd auß dem ich ihnen jeko gleich will
 beſchaid thun.

Iulius Cæſar , wie die ſag / hat anderſt
 nichts jemals vergeſſen / weder allein die
 erwähnte Schmach vnd Unbildt. Wel-
 cher aber vnder vns / will diß als vergeſſnig
 ſein / oder darfür gehalten werden ? Wie
 ein ſtarcke vnnd ſteiffe gedächtnuß haben
 wir gematnlich allesamt / wann es vmb
 erlittenen vnſueg zuthun ? Die empfang-
 ne Gutthaten ſchreiben wir in Sand vnd
 Staub / vbelthaten aber / graben wir in
 Küſel vnd Marmelſtein ein / die Schrifft
 deß vnbilds bleibt ſich im Herzen hinder-
 legt /

legt/vnd weicher da keiner nicht/obs schon
 Gott selbst also befelche vnd haben wolt.
 Schon vorlängst hat Gott der HErr al-
 le Rach verboten / vnd ganz ernstlich ge-
 sagt : Die Rach ist mein / ich wils
 ihnen vergelten zu seiner zeit. *a* Mit
 desto weniger / wer ist / der sich nicht Gott-
 loser weiß wider dieses verbott setze / vnd sa-
 ge : Mein HErr / die Rach ist mein / sie ge-
 höret mir zu / ich wils vergelten. Gott
 setzet widerumb dargegen : Mir gebürt
 die Rach / vnd ich wils vergelten. *b*
 Abermals widerstrebt der Mensch / vnnd
 spricht : HErr / mir gebürt sie / ich wils ver-
 gelten / du lasset dich gar zu bald erwaiten
 vnd erbitten / rechest auch vil zu spat vnnd
 zu langsam Also ganz böshaffteiger vnuer-
 messner vnnd fräuentlicher weiß / greiffen
 wir Gott für / massen vns seines Gewalts
 an / stehen ihme ins Ampt / vnnd das
 Schwert / welches seiner Göttlichen
 Majestät allein gebürt wider vnser Feind
 außzuiehen vnd zugebrauchen / zwingen
a Deut. 32. *b* Rom. 12.

wir

wir ihme / lasterhafftiger weiß auß seiner Hand heraus / vnd scharmüßlen mit vnder vnseren Feinden herum. Vnd wie wol wir als einparthen vnd anfläger / solten auff bschaid vnd vrthel warten / so gebrauchen wir vns doch der Person vnnnd strenge des Richters / vnd wollen gleich all vnserer Widersacher todt haben.

§. IV.

Es erzehlet Ruffinus Aquileiensis, vnd andere der Griechischen Scribenten mehr / wie daß einer / der Schmach vnnnd Unbildt erlitten hett / zu dem fast Geistlichen Mann Sisoius kommen / vnd was ihme für vnßueg begegnet / mit trüßigen Worten vnd Geberden erklärt habe / vnd gesagt : Ich bitte dich / Vatter / vergonne mir / daß ich ein Mensch seye / vnd mich rechnen dörrfe. Der alte Vatter aber / bate ihn hinwiderumb ganz fleißig vnnnd ernstlich / er wolte doch nicht also ein Mensch sein daß er zu einem Teuffel wurde: Gott werde ihme sein erlittne Schmach lassen angelegen sein / deme soll er alle Nach vbergeben

geben / er sey starck vnnnd mächtig genug/
 Rach vnd Schuld einzufordern/ der/ wel-
 cher ihme vnbilliges gethan / werde seiner
 Göttlichen Hand nicht entstehen mögen.
 Mit also/ spricht der belaidigte / einmal/ soll
 er mir das nicht gen hof tragen / ich werde
 nit nachlassen/ so lang/ biß ich ihme gleiches
 widergoltten / vnd eben mit der maß einge-
 messen habe / mit der er mir hat außge-
 messen.

Der Alte hellt weiter an / vnd sagt:
 Ich bitte dich/ vmb Gottes willen/ sey ein
 Mensch/ aber ein Christen Mensch / vnnnd
 gib acht/ nit auff das/ was der gäbe Zorn/
 sonder was die rechte vernunfft erhaltet/
 vnd haben will.

Die vernunfft (antwortet er) erfor-
 dert diß/ daß deme nit verschonet werde/
 der anderen auch nit verschonet hat. Dar-
 gegen sagte der Alte: Das aber gebürt
 dir nicht / weder zu wollen / noch zuthun.
 Das Recht deß Schwerts in disem han-
 del/ gehört allein Gott zu. **GOTT** ein
 Herz der Rach / **GOTT** dessen die
 Rach

Rach ist/hat frey gehandelt. *a* Vns Menschen ist dise Freyheit zu handeln nit vergonnet. So ist dir / glaub ich / nicht vnberuſt / deß Herren Gebott / welches befiehlt / den Feinden nit nur allein zuuerzeihen / sonder auch für sie zubitten / sie zu lieben / vnd ihnen guts zu thun.

Darauff sagt der entrüſte : Vatter / mein Gemüt vnd Herz ist ein auffblasens Meer / mag auch nit ruhwig ſeyn / ſo lang biß ich mich gerochen hab. Dieweil du dann (ſagt Siſoius) ſo ſteiff auff deinem fürnehmen verharreſt / wölleſt zum wenigſten / bitte ich / nit gar zu gäck vnd vnbeſonnen darein gehen / ſonder laſſe vns zuvor etwas wenigß Betten. Sie können banden nider / der Alt bettet dem Jungen vor / vnd begert er ſoll ihme nachſprechen / mit folgenden Worten : O Gott vnd Herz / deiner hülff haben wir für / hin nicht mehr vonnöthen / bitten auch nicht / daß du weiter für vns ſorgeſt : Wir ſelbſten wollen alles thun vnd verrichten : Die Rach
a Pfal. 39. ſtehet

stehet vns zu / vnnnd wir wöllens
widergelten / gehē auch gleich jetzo
mit dem vmb / daß wir vnserer Feind
zum schämel vnserer Füß legen. a
Dise wort / haben deß rachgirigen Men-
schens Herß so hart getroffen / sein zornigs
Gemüt so gar erwaichet / daß er sich von
stundan mit dem gangen Leib für die Füß
deß Alten nider auff die Erd geworffen /
vñ ime mit nassen Augen verhaßten hat / er
wölle / die erwißne Schmach vñ Unbild /
nit mit einem ainzigem wörtlein rechnen.

Diß ist deß aller Gerechtfisten Rich-
ters Gebott : Diß ist das eigentlich kei-
nichen der Kinder Gottes / nemlich :
Dem belaidiger gern verzeihen / vñ
noch darzu das Böse / mit einer
Gutthat vergelten. Sehet zu
(spricht der heilig Apostel Paulus) daß
niemandt böses mit bösem jemandt
vergelte / sonder trachtet dahin
allezeit / daß ihr einander gutes
thut / dergleichen auch gegen jeder
a Psal. 9. b 1. Theß. 5.

man.

man. Vergeltet niemandt Böses mit bösem. ^a Dises hat Paulus / aber noch vil deutlicher vnd ernstlicher / hat dises Christus beuolchen: **Luch** ^b (spricht er / die ihrs höret) **sage ich: Liebet ewere Feindt / thut wol denen die euch hassen / benedeyet die euch vermaledeyen / vnnnd bittet für die / die euch Belaidigen.** Vnd wie ihr wolt daß euch die Leut thun solten / also thut ihr ihnen gleich auch. Vnnnd / so ihr liebet die euch lieben / was dancks verdienet ihr damit? Dann es lieben doch auch die Sünder ihre liebhaber. Vnd wann ihr ewren Wolthätern wolthut / was dancks habt ihr daruon / dieweil auch die Sünder dasselbig thun? Aber / liebet ewere Feindt / **ic.** So wirdt ewer lohn groß sein / vnnnd werdet Kinder deß allerhöchsten sein / dann er ist gütig vber die vns danckbaren vnd bößhafftigen.

^a Rom. 12. ^b Lucæ 6.

Dises

Dieses alles Herz / gebeutest du zwar
 recht vnd billich / vnd verhaiffest den lohn
 dafür gang frengelig : Aber / O lieber
 Jesu / wie vil seindt deren / die dich nicht
 hören ? Vnd bey denen dein Gebott so
 vil ansehens nit hat / daß sie darumb ihren
 Haß wolten hin vnnnd ablegen ? Beken-
 nen frey rund her auß / sie wollen so wei-
 bisch vnnnd verzagt nicht sein / daß sie also
 leichtlich verzeihen / nichts fönde ihnen
 liebers noch lieblicheres sein / als mit gleicher
 barer Münß / die zugefügte Schmach
 außzahlen : Vnd wann mans ihnen
 freystellen solt / wie dem König Salomon /
 zu begeren was sie wollen / wurden sie nit /
 wie er / begeren weißheit / sonder Rach : Rei-
 ner were / der nicht wurde schreyen : Da
 mihi animas & cetera tolle tibi. b Bis
 mir Herz / in die Händ meine Feinde / das
 ander will ich dir alles lassen. Dis ist der
 eigentliche Geist / vnnnd angeborne vnart
 der Rach : Nichts nach Gottes Gebot-
 ten fragen : Seine betroungen ringach

a 3. Reg. 3. b Gen. 14.

ten :

ren : Das vnbildt nit allein nicht vbertragen / sonder widergelten / die ganze Ball / auff ein schelches wörtlein / herausspeyen / dem vngstümmen vnfinnigen inern antrib des Zorns / vngedult / vnnnd rachs girtigkeit gleich folgen : Seines Feindts vnheil vñ vertilgung in allweg wünschen / begeren / vnd suchen. Dise begird der Rach (spricht Tertullianus a) befürdert einweder den handel der Ehr / oder der Bosheit : Aber die Ehr ist allenthalben eytel / die Bosheit aber / dem Herzen verhasset / vnnnd hie zum allermäisten / dann sie das böß / welches einmal geschehen ist / dopplet. Dann was für ein vnderchied ist zwischen dem / so da rauffordert / vnnnd diesem der rauffgefordert wirdt / als allein / daß jener der bösen that ein anfänger / diser aber ein nachseher ist / seindt bande vor dem belaidigten Götter straffmässig. Der H. Erz lehret dich / du sollest dem der dir ein Backenstraich gibt / auch den anderer Backen darbieten. Dein Gedult mach fremb-

a lib. de patientia cap. 8. 9. 10. 15.

de

de boßheit müd : Mehr schlägst du den
boßhaften mit gedulden vnd stillschwei-
gen/als mit starckem verfechten / dann er
wirdt erfahren die schwere Hand dessen/
vmb welches wegen du solches vnbild leis-
dest.

Was werden wir aber Gott dem
Herzen für ein Ehr lassen/wann wir selbst
vnser aigne Schutzherrn sein wollen ?
Ein Schidman der gedult/ ist Gott/ so du
bey ihme hinderlegst die empfangne
schmach oder vnbildt / ist er ein rechter
Zahlmaister : Hinderlegst du bey ihme
den zugefügte schaden/ist er ein Vergelter:
Hinderlegst du den erlittenen wehetagen o-
der schmerken/ist er ein Arzt : Hinderlegst
du endlich bey ihme den todt/ so ist er ein
reicher Belohnner vnd geber des lebens.

§. V.

So hör ich wol / ich müste mich nur
schänden vnd schmähen lassen / vnd dörff-
te nie hinwider schänden vnd schmähen/
als ob ich ein vnempfindlicher sinnloser
Stoß were / der weder hören/ noch reden
künde.

köndte? Ich müßte das vnbildt von anderen nur einnehmen/vnd dörffte es nicht widerumb außgeben / Gott geb wie offte man mich stumpffieret vnnnd plaget? Ja mein Christ/ nie solt du solche Müñß außgeben / ob du schon hundertmal / vnd tausentmal/vnnnd noch öffter dergleichen einnehmen müßtest / ob du schon vnzahlbar vilmal/ geplagt vnd durchächtet wurdest. Wann du ein Kind Gottes sein wilt / so vbergibe den gangen handel deinem Vater : Du aber schweig still darzu / leid vnd gedulde dich. Die schuldigen/ die dich belaidigt haben/ werden vmbkommen / vnnnd die sich deines vnfalls gefrewet haben / werden gestrafft werden. ^a Wer aber vnrecht thut/ der wirdt empfangen / was er vnrechts gethon hat. ^b Nun so sey es halt/ weils je sein muß/ ich wilß vergeben / aber nicht vergessen ; weil ich lebe/ kombts mir wol auß meiner Gedächtnuß nicht. Schau wunder zu ist das dein grosse frey-

^a Baruch. 4. ^b Colos. 3.

£

gebig.

gebigkeit? En so erwarte nur auch du keiner größern von Gott. Der Mensch (spricht Jesus Enrach cap. 28.) der gegen einem Menschen zorn trägt/ wie darff er von Gott vergebung/ oder gnad begeren? Der einem Menschen/ der ihm gleich ist/ nicht erbärmtd beweist / wie darff er umb verzeyhung seiner Sünden bitten? Er ist nur Fleisch vñd Blut/ vñ hält den Zorn/ wie darff er vergebung begeren? Wer will dem seine Sünd von Gott abbitzen? Es ist ein pur lauters Färblein vñd eytler anstrich der gürtigkeit/ sich zwar nicht wollen rechen/ aber doch nicht wollen vergessen. Wilt du was schencken/ so schenck es recht/ gibbs völig/ oder lasse die hoffnung zum Himmelreich fallen. Wißt du nicht/ was Christus rowet: Also wirdt auch mein Himlischer Vatter euch thun/ so ihr nicht von Herzen vergeben werdet/ ein jeglicher seinem Bruder. a Du möchtest aber sagen: Ich were

a Matth. 18.

meines:

meines thails zur verzeihung nit vnertlich-
lich/ wolte mich leicht lassen bewögen/ vnd
bereden. Aber/ es hat ein andere mainung
mit mir / ich bin ein beambte Person / hab
bey der Gmain ein ansehen/ kan mich nit
also lassen hinwerffen/ muß mein Ehr vnd
Würde beschützen/ darumb soll ich die er-
wisne schmach vnd vnbilligkeit / nicht vn-
gerochen lassen.

Ich bitte/ liebe Christen / laßet vns in
dem/ was vnserer Seelen hail vnd seligkeit
anrufft/ nit so subtil vnd spießig sein.
Weck mit disem anstrich / vnd gefärbten
worten: weck mit diser auffgemuckten ent-
schuldigung. Der H. Stephanus war
auch ein beambte Person / nicht in gerin-
gem ansehen bey der Gmain / hat dan-
noch / als er versteiniget worden / keinen
Stain hinwider geworffen auff seine
Feind / auch sein Ehr vnd ansehen nit so
sehr geliebt vnd verthädiget/ daß er nit von
gankem Herzen ernstlich auffschreie:
Herr/ setz ihnen diß nicht zu einer
Sünd. a Jesus vnser Herr vnd Han-

land/da man ihn ans Creuß gehende/ hat nicht allein als eines Menschens / sonder auch/ als Gottes Sohn/ flehentlich/ mit vergießung der Thränen auß seinen Augen / den Himmlichen Vatter für seine Feind vnd Creußiger gebetten/sprechend: Vatter/vergib ihnen. *a* Niemand ist so hoch an Würden / daß ers ihm selbs für ein schand rechne/ das vnrecht nachsehen. Niemandt soll den wohn haben/ es sey im spöttlich / vnd wider sein reputation oder ansehen/ wann er die iniuri oder vnbilligkeit/ fürnemlich welche seiner aignen Person erweisen worden / nachlasse vnd vergehe. Einmal befiehlt GOTT der Herr: Du solt nicht Rach suchen / auch nicht gedencken deß vnrechtes deiner Burger. *b*

Ich hab aber / sprichst du / dem lauren nichts laits gethan / hab ihme zur vnbilligkeit nicht vrsach geben/ warum muß eben ich behalten? Hattest du ihn dazv veruracher so were es kein vnbilligkeit nicht/ das du leydest / sonder were gleichs vmb
a Luca 23. *b* Leuit. 19. gleichs/

gleichs/ baiderseynes gieng es gleich auff vñ ab. Mein/ was sicht dich an/ daß du deinem Feind nicht vrsach geben hast? Was hat Joseph seinen Brüdern für vrsach gegeben des grossen nends; was schadens litten sie/ da er ihnen seinen Traum erzehlet? Dannocho hat er all ihr bößhaffte vnbilligkeit/ da er auch schon ein Herz vnnd Berowalter in Egyptenlandt war / mit dapfferem stillschweigen vnnd Brüderlicher lieb verfocht/ vnd alles lassen hin sein.

Es ist aber/ sagst du / nicht ein geringes vnbildt/ so mir zugefügt ist worden. Wie schwer wägt es dann? Wievil Centner halt es wol? Wie groß machst du es nur? Wann das vnbildt / welches du nachlast/ klein vnd schlecht ist/ wirdt dein lohn auch nit fast groß vnnd fürtrefflich sein: Vnd wirst du an Tugendt nimmer groß werden/ du erlendest dann groß vnrecht vnnd vnbilligkeit: grosse Bedult / grosse Eron. Höre hievon den heilige Hieronymum. **G**ott der Herr / sagt er / ist der Schmid / die Feind seind die Säulen vnd Hämmer / in cap. 5. Matth. dar.

darmit er die seinige reiniget/ abglättet/ vñ
 heilige Leut auß ihnen machet. Aber vil-
 leicht bist du schon mit Paulo gestainiget/
 mit Christo gekreuziget/ vñnd Creuziget wor-
 den? Ja (sprichst du) ich bin aber dan-
 noch der vñd der/ ein guter vom Adel; Er
 mein widersacher/ ist ein schlechter Gsell/
 vñd gleichet mir im wenigsten nicht. **U**
Erdscherben von Samo. *a* Eben
 von dem Laim bist du/ von dem auch dein
 Feind ist. Wann du dich die begirdest zur
 Rach vberwinden lassest/ bist du kein Rit-
 terlicher Edelmann / sonder ein Slau vñ
 Knecht der Sünden. Gedencke dann
 vilmehr der letzten ding / vñnd hör
 auff Feindschafft zutragen. *b* Ja/
 sagstu weiter / ob ich mich schon nit reche/
 kan ich mich doch dahin nit zwingen / daß
 ich mich nicht rechen wölle. Du kanst/
 wann du nur wilt: So lang du aber Haß
 vñnd Feindschafft in deinem Gemüt sein
 warm erhaltest / ist alles / was du gedens-
 cest/ ein bitterer Vermuth: Nessel/Di-
 stel/vñd Dörner trägst du in deinem Her-
 zen/

ken / darmit dein ellendes Gewissen erbärmlich gebrennt/ gestochen/ vnd verletzet wirdt.

Sag was du wilt / (sprichst wider) ich binne vor Rachgierigkeit. So du dieses Feuer nit bald vndertruckest vnnd außlöschest / hast du dir die Thür zum Himmel verrieglet / vnnd lauffest eylendes dem höllischen Feuer zu / da du in Ewigkeit brinnest. Die Thür / oder Porten zum Himmel / ist vbertragung vnd erduldung der vnbilligkeiten. Der sich aber rechen will / der wirdt Rach vom H^o Erzen finden / vnnd er wirdt ihm seine Sünden gewißlich behalten. *a*

Ach / ach / (klagstu jetzt) ich hab aber mit der weiß kein ruhe / kein rechten schlaf / da schmeckt mir weder essen noch trincken / so lang ich Mardocheum / den losen Mann / vngestraft in wolffahrt da sitzen / mein Feindt / der mir so vbel will / vngeröthen sehen muß. Gar sein lieber Mensch / dich selber vnd sonst niemands betreugst du / vnd ladest groß vbel auff dein aignen

Kopff. Der Prophet Ezechiel cap. 32. erzeht von etlichen Kriegsmännern/ welche ihre Schwerdter vnder ihre Häupter gelegt / vnnnd seind also mit ihren Wassen hinunder zur Hölle gefahren. Sehet da/ vnd lasset mir diß ein schöne neue gattung eines Hauptküssens sein/ ein Schwerdt. Auff ein solches Küss oder Bolster/ legen ihren Kopff alle rachgirige / die sonst kein ruhe haben / noch finden können / als im schmähen/ lästern / trowen / im schlagen/ harwen / stechen/ im bolderen/ zanken/ nachreden. Also ist der erste Schuler oder Lehrjung des Teuffels (solchen titel gibt der heilig Basilius dem Cain) mit Mörderischer Handt auff seinen Bruder Abel zugeloffen / damit er das Lob vnnnd Priesß seines Bruders vndertrucken / das seinig aber herfür rucken möchte / welches ihme gleichwol weit gesehlet/ vnnnd vilmehr das widerspil begegnet ist.

Esau/ Saul/ vnd Antiochus/ haben nit ohne Zäher Gottes Barmherzigkeit begert vnd angerueffen/ seind aber nicht erhört

hört worden. Esau (sagt der heilige Paulus *a*) fand kein Statt der Buß /
wiewol er sie mit Trähern sucht. Also auch der König Saul / vnd eben also
Antiochus seindt vom Altar der Barm-
herzigkeit / darzu sie ihr Zuflucht genommen /
verstoßen worden / vnnnd nicht vnbillich:
Dann auch sie denen weder verzeihen /
noch verschonen wollen / die sie für ihre
Feind geacht haben. Ein vrtheil ohne
Barmherzigkeit wirdt ergehen vber den /
welcher kein Barmherzigkeit erzaigt. *b*
König Dauid hette mit schändlichem fall
sein Sünd gedoppelt / vnnnd die Gailheit
mit Blut vermischt / den Ehebruch mit
einem Todtschlag gehäuffet / so bald er
nun aber ein Zeichen der Reu vnd Buß
geben / vnd kaum zwen wörtlein / peccauit
Domino: Ich hab gesündigt wi-
der den Herren: außgesprochen *c*; hat
er von stundan von dem Propheten Na-
than gehört: Der H^{er} hat dein
Sünd hinweg genommen.

a ad Hebr. 12. *b* Eccli. 28.

c 2. Reg. 12.

§ 5

Wie

Wie oft hat Antiochus/ daß er gesün-
 diget habe/ bekennet / auch die Gnad vñnd
 Barmherzigkeit Gottes nit ohne grosses
 heulen angerueffen / in heiligen Tempel vil
 geschenck verlobt/ auch sein leben hinfür an
 zubesseren versprochen? Ist dannoch leer
 abgewisen worden/vñ hat nichts erlangt.
 Ist auch kein wunder nicht: Dann diser
 Assyrische Tyrann Antiochus/ vil anderst
 sich gegen seinen Feinden vñnd Widersa-
 chern verhalten/ als obgedachter Hebrei-
 scher König David gethan hat. David
 liesse sich von keinem König vbertreffen im
 Kriegen vñ Obfigen/ vbertraffe aber auch
 weit alle andere/im verschonen vnd nach-
 geben/ als der ihme selbs nichts weniger
 zuliesse/ als sich an seinen Feinden rechen.
 Er wise sich also gütiger vnd freundlicher
 gegen den Feinden/ als Antiochus gegen
 den Burgern vnd Freunden: welcher an-
 derst nichts/ denn nur nach Schwerdt/
 Gewr/ Blut / Rach / Mordt vñnd Todes-
 schlag trachten there.

Die

§. VI.

Die Arket geben ihre Patienten vnnnd
 Krancken ehe nicht auff / biß sie vermer-
 cken / daß es nunmehr vmb sie gethan / vnd
 ihre abgematte Kräfte dem Grab zuwen-
 den. Doch ist wol auch ein Kranckheit so
 hefftig / vnnnd an ihr selbst tödelich / daß der
 Doctor gleich anfangs derselben kan wiss-
 sen / wies stehet / vnd sagen: machts Grab/
 der Mensch stirbt euch / er ist deß Todes ai-
 gen. Also gänzlich / ob man gleichwol artz-
 keines Menschens hail / durchaus ver-
 zweifeln solle / so lang Leib vnd Seel benein-
 ander; doch in diser Kranckheit / wann
 nemlich das ersaulte ingewaid mit Gall
 vberschwemmet / das Gemüt mit Haß vnd
 Rachgirikheit beladen ist / fellt der heilig
 Apostel Johannes den Sentenz gut rund
 vnnnd sagt: *a* öffnet dem armseligen das
 Grab / der kombt mit dem leben nicht dar-
 uon: Est peccatum ad mortem, non
 pro illo dico vt roget quis: **Es ist ein**
Sünd zum Todt. dafür sag ich nit/
 daß jemand Bitte. Seltē können die zur
a 1. Ioan. 5. § 6 besser.

besserung/ welche einmal das Gemüt haben verhärtet lassen in der Rach. Wa bitterkeit ist / da ist keinguter geschmack. Eccli. 21.

Wiewol aber alle Weise schreyen / alle Propheten rufen / alle Apostel lehren / alle Engel ermahnen / wir sollen des vnbildts vergessen / mit liebe einander vmbfahen : Nichts destoweniger dörfen wir noch ganz frecher vnd halßstarriger weiß / alle versöhnung außschlagen / Rach / vnd gleiche widergeltung begeren. Es ist endlich vnder allen weisen Menschen der aller weiseste / ein Doctor vnd Lehrmeister der Propheten / ein König der Englen / mit höchster macht vnd gewalt antommen / nit daß er zu solcher versöhnung oder verainigung nur schlecht ermahnet / sonder daß ers befelche vnd gebiete : nit daß er desßhalben nur einen rath gebe / sonder ein Gesaß gar aufrichtete. vnd dannoch dörfen wir vns noch ganz vnverschämt darwider setzen.

Höret zu wie Christus der Himlisch König

nig gebiete: höret zu wie die irdische Vnderthonen sich sperren/ vnd darwider aufflainen/ Christus stehet da / vnnnd besücht in seines Himlischen Vatters namen/ vnd sagt :

Ich aber sage euch / liebet ewere Feindt. *a* Die rebellische/ vnnnd widerspennige Vnderthonen stehen/ vñ schreyē : O Ehrste / dein sagen ist vmbsonst: Dein schafften vnd gebieten ist vergebens.

Euch sag ichs : Euch die ihr Christen seyt. Sag was du wilt / vnd so oft du wilt : wir haltens hierinnen mit den Haiden / da höret man dich Ehrste nicht.

Liebet ewere Feindt. *b* Wo ist der/ so dises thut? schwerlich wirst du einen finden/der da gehorsam sey / vñ folge.

Ich aber sag euch / daß ihr nicht widerstreben solt dem übel. Ja / ja/ da wurde man vns für saul vnnnd bleig halten ; da wurde man sagen / wir weren verzagte Leiffengen.

a Matth. 5. Luc. 6. *b* Matth. 5.

Bittet für die/ so euch schmähen
vnd verfolgen. Wie langsam/ selten/
vnd wie kalt gehet es mit diesem Gebett zu?
wir köndens nit herauß bringen.

Auff daß ih̄ Kinder seyt eweres
Vatters der im Himmel ist. Der
Titel ist gar zu thewr/ vnd zu hoch an-
geschlagen/ wer will ihn kauffen.

Thut guts denen so euch hassen.
O H̄Erz/ was schaffest vns da? ist doch
wider die Natur: Schaffe vnd gebiete
vns etwas ringers vnd leidenlichers.

Vergebt/ so wirdt euch vergebē.
Das könden wir nicht thun / damit du es
H̄Erz/ eben wol wissest/ wir köndens nicht
thun. Das ist: wir wollen nicht. Den
Zorn wollen wir nicht innhalten / die spi-
ßige Zân nicht abfeilen lassen / die giff-
ige Hând nicht in Busen schieben / das vn-
sâm̄bt maul nicht zuhalten / vnd wer kan
die Gedancken gefangen nehmen?

So ihr vergebet den Menschen
ire Sünden/ wirdt euch ewer Him-
lischer Vatter auch vergeben ewre
Missethaten. Matth. 6. Wir

Wir wollen lieber verderben / wenn nur zu
gleich mit vns verderbt der Feindt / vnnnd
mißgönnner.

§. VII.

O Christen / O liebe Christen / seht ihr
dann dem Himmel so gar abhold vnnnd ge-
hässig / daß ihr so eylendts mit Segel vnnnd
Ruder der Höllen zufahret? Wa bleibet
dieses ewer täglichs Gebett vnd begeren an
Gott? Vergibe vns vnserre Schul-
den / als auch wir vergeben vnsern
Schuldigern. Da folgt vnuermenden-
lich / daß ihr aintweders ewere Feindt lies-
ben müßt / oder euch selber den strick so offte
an Hals werffen / als offte ihr mit diser bitte
für Gott kommet: Als / vnd wie wir
anderen vergeben / also / O Gott /
vergibe du vns auch. Wir aber
vergeben vnnnd verzeyhen keinem /
sonder / vnerbittlich / wollen wir
alles vnbild mit geschöpfftem Haß
vnd Zorn rechnen / vnd straffen: So
lasse dann auch du an vns nichts
vngerochen / oder vngestraftt hin-
gehen.

gehen. Ein anderer Bettet sein still in
sein Huert hinein/ vnd sagt / wie der Phas-
riseer bey ihm selbs: Ich kan vnd will nicht
verzeihen/ man heb mit mir an was man
wölle. Derowegen thue / O GOTT /
wie ich thue: Ich lasse meinem
Schuldiger die schuld mit nichten
nach: Lasse du mir mein Schuld
auch nicht nach: Ich vergib vnd
verzeyh ihme nit / vergib vnd ver-
zeyhe du mir auch nicht.

Solche weiß vnd manier zu betten / ist
der Gottlosen vnd verworffnen/ das ist ein
rechter Psalm für die Teuffelkinder/ vnd
nicht die so von GOTT fürschen vnd auß-
erwöhlt seind. Dann dise könden so hart
vnd schwerlich nicht verlegt/ noch belaidi-
get werden/ daß sie nicht herkhlich rueffen
soltten: Vatter vergib ihnen. Herz/
rechne ihnen diß nicht zur Sünd.
Ich verzeihe ihnen alles / laß alles nach/
begere mich im wenigsten nicht zurechen.
Das seind die helle Stimmen/ diß ist das
ernstlich Gebett vnd begeren/ deren/ welche
von

von Gott außerkorn seind zum ewigen Leben.

Ehe vnnnd zuuor ich aber beschliesse/ bitt ich euch alle miteinander/ vnd frage euch/ die ihr solches gleichwol leset/ vnd dannoch im Haß gegen eweren Feinden fortfährt/ glaubt ihr auch/ daß dise ding wahr seind? Wir glaubens/ werdet ihr antworten/ daß sie wahr seyen/ es habe dann die Warheit selbst liegen/ vnnnd Christus betriegen können. Wann nun dise ding wahr seind/ wie sie gewißlich seind/ was ist dann diß für ein Gottlose halbstärzigkeit? was ist diß für ein hartnäckige verhöhnung des Göttlichen Gesages? was ist das für ein vbermüthige / widerspennige verachtung der Gebotten Gottes? Christus schreiet/ vnnnd befiehlt: Verzeicht / vergebt/ liebt nicht allein die Freund/ sonder auch alle ewere Feinde. Ihr aber verharret noch auff ewerer köpffischen eigensinnigkeit? hasset noch die Feind? verzeihet dannoch nicht? liebet dannoch im wenigsten die nit / so euch durch ihr vbel wöllen vnnnd reden

reden mehr nutzen/ als schaden? Vermag
dann Christus nicht so vil bey euch? ver-
mag bey euch so vil nicht Gottes Gebott?
gilt dann weder der Himmel / noch das
ewige Hail vnd Seligkeit ewerer Seelen/
so vil bey euch/ daß man doch nur ein ain-
ziges / aber von herken ernstliches Wort
auß euch herauß presse / daß ihr doch nur
sagt: Ich verzeyhe / ich schenck vñ
lasse nach / Gott verzeichs auch al-
len denen/ die jemalen etwas wider
mich gethon oder geredt haben? O
ihr härte stain vnd schrosen/ stehet ihr noch
da ohne sinn vñnd empfindelichkeit / ohne
stimme vnd red / ohn ainige bewögun-
g zu gütiger verzeyhung? Ist ewer härtes stäh-
lins Herß noch nicht erwaichet? begeret
ihr noch Rach? schreyet ihr noch : an
Galgen mit meinem Feindt/ driesß vnd beyn
komme mein mißgönner an? wünschet
ihr noch: Endaß ihn der Hagl erschlag/
daß er den Halß abfall/ daß ihn der Teuf-
fel vnd sein Mutter hoken solle? So hass-
et dann noch der Zorn vñnd Haß wider
ewere

ewre Feinde / in ewren herken? So will
 dann das Wort / Ich verzeih von herken/
 noch nit herauß? So gehorsamet ihr dan
 noch nit dem Gebott vnnnd Befelch Chri-
 sti? So ziehet nun hin / ziehet immer hin/
 ihr Maulchristen / geht fort woauß ihr
 wöllet / werdet nirgent fählen / sent auff dem
 rechten weeg / köndt nit irz gehen / sicher vn-
 gewiß kombt ihr ins Teuffels Gebiet vnnnd
 Herrschafft / darauff ihr zihlet : Thut keck-
 lich die Augen zu / vnd gehet blindt dahin/
 zur Höll führet euch jekund ein jeder weeg
 vnd fußsteig : Dann zu disem termin vnd
 zihl / gehet man nit gewiser / als mit fählen
 vnd irz gehen : vnd ist diser Spruch gewiß
 vnd vnfehlbar : Der kan Gott nit lie-
 ben / welcher nit auffhöret sein
 nen Feind hassen.



Das zehende Ernstliche absagung der vor- rigen alten Sünden.

Veniam tibi citò, et mouebo candelabrum
tuum de loco suo, nisi pœnitentiam egerit. *Apoç. 2.*

DETESTATIO PRÆTERITORVM
PECCATORVM.



*Dum dolemus admīssa, admittenda excludimus, et fit
quædam de condemnatione culpa, disciplina
innocentiæ. Amoros. L. 2. de pœnitent.*

Ich würde dir bald kommen/
vnd deinen Leichter von seiner
stell bewögen/ wo du nit Buß
thust. Apoc 2.

Wañ wir laid tragen vmb
das was vergangen ist / so
schliessen wir das auß / was
künfftig möchte begangen
werden. Vnd da folget auß
der verdammung der schuld/
ein disciplin vnd zucht der
vnschuld. Ambros. lib. 2.
de pœnitentia,

Das

Das zehende
Zeichen der
Göttlichen Erwöhl-
ung.

Die zehende Figur.

Ist ein Gaisel vnd Ruth/ durch welche bedeutet wirdt die verfluchung vñ abscheuhen der begangnen vorigen Sünden.

Der heilige Augustinus helt es für ein abscheuliche verfluchte That/wann einer an die vergangne Sünden gedencft/ damit er sich derselben berühme/ vnd darinn frolocke / da man doch vber dieselbige schmerzlich solle laid tragen/ vñ mit altem gwalt darwider streben. Das bekräftiget bemelter H. Augustinus, vnd sagt: *a*
Wer an sein Brust klopfft/ vnd sich doch
a lib. 5. de lib. arbitr. n^o 10.

nicht bessert / der thut die Sünd nicht ab/
sonder stärckt vnd machts häuffiger. Der
trawrige vnnnd laidtragende Dauid / sage
von ihme selber: *a* Mein Sünd ist
immerdar wider mich. Vnd darumb
bitter er Gott so kläglich/vnd spricht: *L*ut
raines Hertz schaffe in mir / *O*
Gott / vnd einen rechten Geist er-
nere im innersten meines Her-
zens. Selig/ die so kläglich trawren/vnd
die Sünd mit so adelichem Haß verfluch-
en/denen auch nichts laiders ist/als daß
es ihnen nicht noch laider ist: Vnnnd eben
daher wirdt ihr trawrigkeit vmb so vil des-
sto grösser/dieweil sie fürchten vnd vermai-
nen / sie trawren weniger/ als billich were/
vnd sich gebürte. Dise Gott wolgfäl-
lige trawrigkeit wircket Buß zu
beständiger Seligkeit / *b* spricht der
Apostel Paulus. Welches wol/ vnnnd mit
fleissigstem nachsinnen zumercken.

Vilerlangen das Hail vnd die Selig-
keit durch die Buß/aber laider nicht ein be-
ständige Seligkeit. Darumb ermahnt
a Psal. 50. *b* 2. Cor. 7.
Chris

Christus mit' gang außtrucklichen Worten: *a* Es sey dann daß ihr Buß thüt / so werdet ihr alle zugleich verderben. Dem Lateinischen Text nach/sagt er deutlich vnd klar/ daß wir nit allein Buß thun/sonder/Buß haben/ (nisi pœnitentiam habueritis) vnd die selbige behalten sollen. Dann die Buß soll nit also beschaffen sein / als wie ein entlehntes Geld nur auff ein bestimbte zeit/ nach welcher mans widerumb von sich gibt/ vnd haim lifert; nicht also da/ sonder verharlich muß die Buß sein / vnnnd mit steiffem Fürsah bestetiget/ die soll man nit so fürüber rauschen vnnnd fliegen lassen. Heut büßt; aber morgen wider; übermorgen nicht nach gelassen. Also lehret der H. Thomas von Aquin: *b* Ein wahre vnnnd ernstliche Buß (sagt er) die reiniget nicht allein von begangnen Sünden/ sonder sie behüt vnd verwahret auch vor den künfftigen. Der hat nicht rechte reu vnd laid/ noch rechte Buß/ welcher nicht ein steiffen

a Lucae 13. *b* 3. p. q. 84. a. 8.

Für

Sürsak hat/ sich hinsüran weiter in die vorige verbrechen nimmermehr einzulassen.

§. I.

Christus vnser lieber H^{er} / hat dem Sichtsüchtigen/ den er gesundt gemacht/ gebotten/ daß er sein Beth auff sich nemen solle: vnnd also bald hat er sein Beth auff sich genommen / vnnd fortgangen. ^a Die vrsachen vnd gelegenheiten zu Sünden muß man verhüten/ abschaffen / vnnd auß dem weeg raumen / vnd also mag vnser lauff das zihl/ zu deme/ was erbar vnd recht ist/ leichtlich erzaichen.

Als der Euangelische verschwender mit dem eussersten Hunger gepreßet/ schier wolt vor hunger verschmachten/ da sprach er: ^b Ich will mich auffmachen/ vnd zu meinem Vatter gehen. Da hat er nicht nur gesagt / ich will gehen / sonder ist gangen: Vnd er macht sich auff/ vnnd kam zu seinem Vatter. Allda verlieren wir fast alle stärc vnd fräffen/ werden lam an händen vnnd füßen/ vnnd

^a Marc. 2. Luc. 5. ^b Luc. 15.

solches auß aigner schuld. Die Zung ist
 hurtig/ vnnd hurtig/ aber das Werck nicht:
 Im Maul seind wir nicht faul / aber in
 den Händen. Wir spannen wol den Bo-
 gen/trucken aber nicht ab/vnnd lassen kei-
 nen Pfeil fliegen: Da nemmen wir vns
 für/diß vnnd jenes zuthun / vnnd geschichte
 darneben nichts: versprechen vil / thun
 wenig/ oder gar nichts: Wort vñ Werck
 gehören zusamen. Nach geschehnen Sün-
 den/trawren vnd seuffzen wir ein wenig/
 daß wir aber solche hinsüßan vermenden/
 vnd vns nicht mehr hinein lassen/da ist ein
 schläfferige wacht/vnbsendiger will/vnnd
 geringer fleiß. Gern zwar wolten wir/daß
 die Wunden were zugehailt / vnd stellen
 doch das Blut nit: Wir legen der Sünd
 ein Pflaster vber/vnd lassen doch die naig-
 ung vnd begird gegen derselben nit fallen:
 Da schieben wirs von tag zu tag auff/ biß
 wir alte trippel werden/vnnd nimmer hin-
 fünden. Weil wir dann allezeit in einem
 thon bleiben/ ich wills thun / ich will mich
 besseren / darneben besseren wir vns nie/
 sonder

sonder kommen allezeit wider auff vorigen weeg / vnnnd gehn also im alten trab fort ; wir nemmens vns wol gut für / verhaissen auch vnd versprechen hinfüro besser auffzusehen / geschicht aber nit / vñ folgt schlechte besserung. Treiben also das ellend wesen so lang / biß derweilen vnser gute Jahr verschwinden / vnnnd das leben hindurch wischt. Wirdt also auß vnserem eyelen vnnnd faulen wöllen / nichts als ein rauch vnnnd dunst / der in lufft vergehet. Endlich ertappet vns der Todt inn vnserem so lang verschobnen Fürsah / vnd lachet vnser / daß wir so vil lange Jahr / diß vnn jenes guts haben thun wöllen / vnnnd doch nie gethon haben : da kombt billich spott vnd schaden zusamen. Der heilig Augustinus war vorseiten auch ein solcher gsell / blibe aber nit lang in solchem stand. Er hat bey guter zeit / vnd vor seinem Alter darzu gethon / vnnnd ins werck gestellt / so bald er gesehen / was ihme zuthun vonnöthen. Ich sagte (spricht er) bey mir selber inwendig : Schau thus jezt / thus jezt. Vnd

M 2 weiß

weil ich das redet / gienge vnd griffe ich die
 fach mit lust an / vnd da ich es schier thäte /
 da thät ichs nicht: jedoch bin ich nicht zu-
 ruck gefallen in das alte wesen / sonder
 stunde also in der nähe / vnd verschmauffte
 ein wenig: Mich hielte auff / nichts / als
 lauter lapperen vnd gauckelwerck / entelkeit
 vnd leichtfertigkeit / meine alte Gespielen /
 die zopfften mich bey meinem fleischlichen
 Klaid / hetten ein heimlichs mumlen / vnd
 frägleten klagsweiß in der stille: Vileicht
 du vns also auffgeben vñ verlassen wilt? a
 Ja / diß vnd kein anders / er hat sie verlas-
 sen / vnd das Joch von sich geworffen / vnd
 sein voriges Leben dermassen verflucht /
 daß er ein gang anders an sich genomen /
 vnd geführt hat / ist ein anderer Mensch
 worden.

a lib. 8. Confess. c. 11.

§. 11.

Wir heben zwar mehrmalen auch ein
 bessers Leben an zu führen / lassens aber bey
 dem allein beruhen / daß wir angehebt ha-
 ben / darbey bleibts / vnd nit weiter. Wür-
 den also das angezeelter buch gewispe nit
 auß;

auff; bringen das gut / so wir angefangen
nicht zum end: treten vom weeg der Tug-
gent nit allein bey seits auff / sonder schla-
gen vns wol widerumb inn vorigen alten
Wald der gewohnten lastern vnnnd vntu-
gendten.

Niemand zweiflet daran/dasß deren vil/
die sich Gottseliger werck vnderfangen/
heilige Gedancken/gute Anschläg/raineste
Sürnemmen haben: Aber mehrer theils
seind wir Athenienser/vrthailen vñ schlies-
sen fast wol / verrichten aber/was wir ge-
schlossen haben / gar vbel / oder doch seind
wir in verrichtung dessen / nit verharlich
noch bestendig. Wir schreiben vns gar
gute vnd hailfame form vnd weiß zu leben
für/ so bald vns aber nur ein klainer ver-
druß oder vnlust anstoß / weichen wir
von stundan/vnd laufen wider zuruck: wir
nehmen vns wol heilige vnnnd grosse ding
für/Wann sich aber das aigne Fleisch dar-
wider setzt/ die Gesellschaft anderstwo hin
lockt/der Teuffel zum bösen anraißt/ geben
wir vns gern vnnnd willig gsangen / lassen

vns in deß vorigen lebens wuest / vnnnd
Sündenbrühe widerumb hinder sich zie-
hen : so vnbestendig vnnnd kurz ist vnser
New vnd Buß.

Hastu dann mein lieber Christ / dich ent-
schlossen / ein rainers / keuschers leben an-
zustellen / die gefährliche gelegenheiten zu-
vermenden / den mutwillen deß Fleischs
zudemmen? Ja. Also recht. Erkennest
du auch / daß die Augen der fleischlichen
Lieb postbotten / vortanker / vnnnd kupler
sein? wilt du sie forthin besser bewahren /
vnnnd zuschliessen? Ja. Bist recht daran.
Hast du jetzt schon angefangen schambaff-
tig zureden / vnraine Bücher vnnnd Bilder
von dir zuthun? Ja. Ist wolgethan.
Hast du dir sürgenommen den Zorn zu
mässigen / allen Haß abzulegen / den Neid
auß deinem Herzen zuuerjagen? Ja. Lob
dich drum. Hast du dir ein steiffen Für-
sak gemacht / deinem Munde vnd Zungen
ein Biß einzulegen / zuschweigen / wann an-
dere vbel nachreden / zu gedulden / wann sie
mit stichworten an dich kommen? Ja.
Ja

Ist alles gut/ fürtrefflich vnnnd rühmblich/
alles gemess der rechten Regel vnd Richt-
schnur warhaffter Bußfertigkeit. Wievil
besser vnnnd rühmblicher aber ist es / rechte-
schaffen darauff setzen/ im forgang vnnnd
lauff eines solchen Lebens steiff vnd stand-
hafftig verharren?

Wievil haben sich gesteriges Tags ein-
gezogen/ die Zung inngehalten/ vnnnd den
mutwillen gedämbt / den Zorn gebrochen/
sich selbst vberwunden? Die sich heut
schon wider in deß vorigen Lebens freyheit
aufgiesen / dem Joch der vnwendigen
Zung/ vnd vnordentlichen Gelüsten / sich
widerumb vndergeben / dem Zorn saum
vnd zigel hengen / den Lastern / wie zuvor/
dienen? Das ist kein warhaffte Buß/ wel-
che nit steiff vnd verharlich ist: Ein unbe-
ständige vnd wackelmütige leichtsinnig-
keit ist es.

Was für Fechter/ was für Kämpffer
seind wir? Die wir zwar zierlich mit Lufft-
springen gaucklen/ künstlich auffheben vñ
vorsechten / wann man aber das Rapier
ernst.

ernstlich brauchen / den Mann bestehen/
die geschwinde strach vnd schmißten hurtig
aufschlagen soll / zaghafft zuruck weichen/
vnd im abzug ein Wunden empfangen / die wir auff dem Plan betten sollen
verwenden.

Was für Lauffer seind wir? Die wir gleich anfangs des weegs/
so dapffer drauff trucken/die Arm hin vnd her werffen/die Fuß hoch auffheben/schier
schon schwitzen / bald aber / ehe wir das halbe zühl erraitcht haben/ermüden/stillhalten/
erliegen / allgmach wider vmbkehren. Ach wie offte vnderfangen wir vns für
trefflicher werck / heben an mit lob / fahren ein weil fort / voll guter hoffnung / allgemach
werden wir faul vñ träg/ fallen bald nider zuruhen/vnd endlich liegen wir nach
lengs da. Vergebens brangt der Baum mit seiner blüe / vnnd verhaist vil Frücht/
wann ers nit auch zu seiner zeit trägt. Der Baummaister legt den Grund vmbsonst/
wann er nicht darauff Baut; Mäur oder Wände nicht aufführt. Was hülffte es den
Schiffmaister / daß er den Mastbaum auff.

auffrichtet / die zwerchstangen anbindeet /
 die Segel auffhenger vnd außspannet / die
 Ruderknecht anstellet / wenn er vom Lande
 nit abstossen / oder gestrackt widerumb zu-
 lenden will? Also legen wir offtermals
 mit den Bawmaistern die Grundfeste /
 vnd geht doch der Baw nicht auff: Sahen
 an mit den Oratorn oder Rednern zure-
 den / vnnnd perorirn oder beschliessen nie-
 malens: Seglen ab mit den Schiffleu-
 ten / wenn sich aber ein vngestüm erhebt /
 kehren wir widerumb zum gstat / dauon
 wir abgefahren: Stets singen wir nur
 ein gsänglein: Ich wils thun / will mich
 besseren / besseren vns doch nie recht ernst-
 lich: Durch rechtmessige empfahung der
 heiligen Sacramenten gehen wir zwar
 auß der Sünden gefängtnuß freyledig
 herauß / verlieren aber mitten auff dem
 weeg / herß / sinn / vnd muth / fallen wider
 ins vorig lueder / vnd ligen so starck als zu-
 uor nimmer: Laßt sich also kein anzaigen
 mehr sehen / vnserer Beicht / Buß / Com-
 munion / vnd verainigung mit Gott. So

starck wir dann ingedenck seindt der empfangnen schmach vnnnd vnbildis / so vergessnig seind wir des guten fürsaks vnnnd vornemmens.

Für das allersürsichtigste vnd weiseste Thier wirdt zwar gehalten der Mensch / Polybius aber sagte / er komme ihm für / als wer er das aller thorrechtste vnd nârrischste Thier. Dann die andere Thier / wo sie einmal gestrauchlet / oder angeloffen / hüten sie sich fleissig / vnd kombt der Fuchs nicht bald widerumb in die strick / der Wolf nit mehr in die Gruben / der Hund nit zum Brigel: Allein der Mensch / das vnfürsichtig / vnbehutsamb / vnnnd vergessnig Thier / sündiget heur wie ferndt / von einer zeit zur anderen / salt immerzu in die vorige strick vnd gruben / in die alte Sünd vnd Laster. O Christen secht auff: gut ist die Buß / wann sie bßendig ist.

§. III.

Durch den Prophten Isaias klagt Gott der Herr / vnnnd spricht: a Du (O Seel des Menschen) hast es nicht zu
a II. 47. her

herzen genommen/daß du gedächtest/wie es enden werde. Vnd ich habe gesagt / als sie solches alles vollbracht hette / sie solle sich widerumb zumir kehren / aber sie hat sich nicht bekehret. *a* Buß/oder Reu ohne die besserung (sagt der H. Bernardus *b*) wirdt nicht nußen. So einer Sawet / der ander wider abbricht/ was nutzens haben die / dann arbeit? *c* Dann / der sich von wegen einer Todten leich waschet / vnnnd aber dannoch den Todten wider anrühret/was ist dem das wasche nutz? *d* Ein Befehl der warhafftige Buß oder Reu / ist die besserung/daß du nemlich iekund sammest den Traß / tödtest die Gailheit/vndertruckest die Hoffart/vnnnd dienstbar machest deinen Leib der Heiligkeit/welcher zuuor gedienet hat der Vngerechtigkeit. Dises alles verhaissen vnnnd versprechen wir zuthun/ geht aber kaum

a Hierem. 3. *b* Ser. 3. in Vig. natiu.

Dom. *c* Eccli. 34. *d* Ibid.

ein tag hin/offtermals nit gar ein stundt/
 so kehren wir widerumb zu vnserer art vnd
 vorigem schlag: Vnd (welches der Pro-
 phet Jsaias cap. 56. bewainer) verkehren
 das hailsame laid/ in ein schädliche frewd:
 Kompt her/wir wollen Wein ho-
 len/ vnnnd wollen vns voll sauffen/
 daß wir truncken werden: vnnnd es
 solleben morgen sein/wie heut: vnd
 noch vil mehr. In dem fall schlagen
 wir dem König Pharao starck nach/ von
 deme sagt die heilige Schrift: Da aber
 Pharao sah/ daß der Regen/ Don-
 ner/ vnd Hagel nachgelassen hett/
 versündiget er sich weiter/ vnd ver-
 mehrte sein Sünd. ^a Also auch wir/
 nachdem wir vergebung der schulden er-
 langt / vermehren wir offtermals erst die
 schuld. Wie oft seind wir am morgens
 Schâflein/ am abendt Löwen/ vnd vnder
 Menschlicher gstalt grausame Tigerthier?
 Wie oft seind wir am morgens Engel/die
 wir abends faum Menschen erfunden
 werden? Also ziehen wir ein laruen vber

die ander/ein schembart nach dem ande-
ren für/vnnd den zwar zum öfftesten vnnd
liebsten / welcher der heßlichest vnnd ab-
schewlichst ist: Also werden wir auß Ge-
fässen oder Geschirren der ehren/verände-
ret in Gefäß oder Geschirz der vnehr/wel-
che veränderung ja laider nur gar zu offe
sich bey vns begibt vnd zuträgt.

Gleich aber wie den Krancken (sprichet
der H. Chrysostomus a) wenig nuhet /
wann sie nur ein tag drey oder vier / gute
maß vnd ordnung halten / wann sie nicht
allwegen ordenlich vnd mässig leben: Also
auch die da sündigen / wann sie nicht im-
merdar fürsichtig vnnd behuettsam hand-
len / wirdt ihnen die verbesserung zwener
oder dreien tagen/nicht nuhen. Die jun-
gen Hünlein / die gleich erst jekund anhe-
ben gefüderet zuwerden/lauffen offtermals
im Hof / oder Garten herum/ sehen die
fliegen/ mucken/ vnnd würmlein auff/ die
ihnen ein annembliche speiß sei. Derwei-
len besicht / vnnd zehlt sie flüssig ab / der
Arenwen oder Geyer / so hoch im luft ob
a hom. 3. ad pop. M 7 ihnen

ihnen schwebt: wenn nun diser fliegende Dieb/allgemach sich herunder laßt/vmb-
 sicht/vnd gleichsam bsinnt/wie er auff den
 raub herab schießen wölle; gehling vnnd
 vnfürseher sach ist er da/durchsticht vnd
 spißt mit seinem schnabel ains auß den Hen-
 nelein / vnd weil das arm Thierlein/ vnder
 den flatten noch zablet / führt ers darvon/
 für sein Abendbrod. Die noch vbrige Hün-
 lein / voller forcht vnnd schrecken / ducken
 sich schnell vnder die fligel der Bruthen-
 nen/bleiben doch nicht lang darunder ver-
 borgen / haben der forcht bald wider ver-
 gessen / wollen nit mehr vnder disem tuch
 sein / wischen widerumb auß diser Feder-
 hütten herfür/thailen sich gleich als zuvor/
 durch den ganzen Hof auß/vnd suchen ihr
 speiß. Es kombt aber der gefiderte Kau-
 ber widerumb/ergreift gähling/ vnd führt
 darvon das ander Hünlein/ die andere al-
 ler erschrocken/ nemmen abermals ihr zu-
 flucht vnder der Mutter fligel/wehret aber
 solcher schrecken vñ forcht niemalen lang/
 vnd wirdt diß spil/beydersents/so lang vnd
 vil

vil gespilt vnnnd getriben/ biß daß der Hof
von jungen Hünlein fein sauber aufges
lart ist. Gerad ein solches spil/ spilet auch
mit vns der Todt/ diser zwack vnnnd zuck
vns da hinweck einen guten Nachburen/
dort einen guten bekanten/ nicht weit von
dannen / einen Blutsfreunde / da ein
Schwester/ dort ein Bruder: Wir seuff
ken vnd trawren darüber/ vnd dieweil wir
nit ohne vrsach besorgen/ das vbel möchte
vns zunahet kommen / vnnnd auch an vns
springen/ erschrecken wir / vnnnd fürchten
vns vor disem Rauber dem Todt; verhaif
sen darauff besserung deß Lebens. Aber/
wie lang verbleibet dise nützliche vnd hail
same forcht? Wie lang wehret solches
seuffken vnnnd trawren? Ein tag/ oder
zween/ darnach so lauffen wir widerumb
vnseren wütmlein vnd mucken nach/ ver
wenden die trawrigkeit in leichtfertigkeit/
das wainen in ein glächter/ kehre widerum
zu vorigen gläsern vnnnd tanten/ zum wu
cher vnnnd vnrechten gwinne/ zu dem ver
schwornen Leibswollust/ mit einem wort
zum

zum vorigen laster/rahen/vnnd lang gewohnter weiß zu leben / dises treiben wir freuentlich vnd sein sicher/ so lang/biß daß wir die letzten Zähler vergiessen / vnnd der Todt vns schon in seine klatten gefaßt hat. Alßdann wirdt das thun wollen/ gar zu spatt sein/ vnd allein das gethan haben/helffen: Vnnd was zuuor hart ankommen war zulencken/wirdt damals lieblich sein zudencken.

Solche ding aber / glauben wir weder anderen / noch vns selbst genugsamb: Verfluchen wir vnd verhasen die Sünden heut / morgens begehen wir eben dieselben/ oft noch mehrere vnd größere dazug/spilen vnnd schercken mit dem gütigen Gott/haben kaum/was wir ühels gethon/bewaint/von stundan thun wir abermals/ das von newem zubewainen ist: Also schwaissen wir ein fetten aneinander von Lastern; welches der Prophet Isaias bewainet/vñ deßwegen trowet/sprechend: a Wehe euch / die ihr das vnrecht (oder Schalckheit) ziehet mit
 all.cap. 5. trug

trug stricken/ vnd die Sünden mit
Wagensailern fürstrecket. Das ist
vnsrer brauch vnd alte gewonheit/ Sünden
vber Sünden hauffen/ vnnnd gemainlich
nur ärger vnnnd böser werden. Vnnnd wie
Antiochus Epiphanes ein fromer Knab/
aber ein böser Jüngling/ vnd der bosshaff-
tigist Mann gewesen / also steigen auch
wir fast eben durch diese Stafflen hinunder
in die tieffe. Dann nach dem wir vnser
Sünden durch Beicht vnnnd Buß abge-
legt / seind wir vñlleicht die erste Wochen
etwas wärmer vnnnd enserig; die ander
law/ die dritte gar erkaltet vnnnd erfroren/
endlich verschwindt vnnnd fahrt auß aller
guter Geist / also sterben wir widerumb.
O wir Monatsichtige/ die wir nicht nur inn
einem Monat / nicht nur in einer Wo-
chen/ sonder bißweilen inn einem tag dem
Geist nach wachsen/ vnd abnehmen/reich
vnd arm seind. Vnnnd wie vil Meerwirbel
tragen wir doch in vnserem engen hercken
herumb? wie vil mancherley vnbeständig-
keiten befinden sich in vnsern Gemütern?
wie

wie oft lassen wir von art guter Delbäume
 vnd verwilden schändtlich? Ach wie wan-
 ckelbar/vnd vnbestendig ist nicht allein das
 glück / sonder auch der Menschliche will/
 welcher/wann er auffhört gut zusein/ nach
 vnd nach der allerböseste wirdt. In Sum-
 ma/ Der Gottloß thut ein vnbesten-
 dig Werck. *a* Aber der Gerechten
 weeg / glantzet wie ein Liecht das
 da fortgehet/ vnd leuchtet biß an
 den vollen tag. *b* Die von Gott er-
 wöhlte tragen ein solches abschewen ab der
 Sünd/das sie dieselb all ihrem vermögen
 nach fliehen vnd meiden/haltens für ein
 gar vnsehers ding / dises spil mit Gott
 dem H Erzen abwechseln / das sie die bes-
 gangne Sünden heut bewainen/morgens
 widerumb begehen / das sie zubewainen
 haben: Vergessen demnach Gottes / den
 sie einmal verlegt vnd belaidiget haben/
 nimmermehr / seind allezeit ingedenck nit
 ohne seuffken/der nachgelassenen Schuld.
 Daher kommen sie bey G D E E ihrem

a Prouerb. 11. *b* Prou. 4.

H Er,


H Erren in grosse Gnaden: Dann Gott
vergibt / daß er ist belaidiget worden /
wann wir seiner / als belaidigten
gedencken.

Neigung des Willens zum guten.

Inclinaui cor meum, ad faciendas iustificationes tuas in æternū, propter retributionem

Pl. 118.

VOLVNTATIS IN BONVM
PROPENSIO



Nihil offertur Deo ditius bonâ voluntate. voluntas autem bona est, nulli, quod pati non vis, facere; nulli, quod tibi iustè impendi desideras, denegare. Gregor.

hom. 5. in Euang.

Ich hab genaiqt mein Herz
zu thun deine Rechte immer
vnd ewiglich vmb vergel-
tung. Psal. 118.

Kein reichere Gab wirdt
Gott geopffert/ als ein guter
will: Ein guter will aber ist/
daß du keinem thust/ was du
selbst nicht leyden wilst: Vnd
was du mit billigkeit gern
hettest / keinem andern ab-
schlagest. S. Gregor. Homil.
5. in Euang.

Das

Das ailffte

Zeichen der
Göttlichen Erwöhl-
ung.

Die ailffte Figur.

Est ein Ancker/vnd bedeut/ein
willige naigung zum guten/
welche sich endlich vnd alsdann
rechtgschaffen erzaiget vnd sehen laßt/waß
einer sich ernstlich entschleußt/vnnd ein
steiffen Fürsak macht/nimmermehr ein
ainige schwere Sünd zubegehen/oder inn
dieselb zubewilligen / ob ihme schon
all seine Haab vnnd Güter/vnnd gar
das leben solte dar über gehn. Ich
hab geschworen(spricht David a) vñ
mir fürgesetzt/zuhalten die Vrthe
deiner Gerechtigkeit. Wann vns
a Psal. 118.
vns

vnser eigens Hertz nicht strafft/ so
haben wir ein vertramē zu Gott. ²
Ludouicus Granata sagt: Er halte es
für ein gewises Zeichen der verwerffung
oder verdambnuß/ wann einer liederlich
von einer Todtsünd in die ander felt/ ohn
alle schmerzliche empfindlichkeit. Bar-
boßhafftig ist der/ welcher/ was gut ist/ für-
seßlich nicht wollen will. Hergegen ist das
ein grosser thail der besserung vnd fromb-
keit/ wann einer ernstlich begert sich zu
besseren vnd fromb zusein.

Die/ welche zum Himmelreich fürsehen
vnd außertorn seind/ damit sie nie nichts
wollen das böß ist/ so wollen sie das ainig
vnd allein/ was Gott will. Alle stund vñ
augenblick schreyen sie mit Paulo: Herr
was wilt du / daß ich thun soll: 6
Nichts ist / daß ich vmb deiner wegen zu-
ienden außschlage: Nichts soll mir zu hart
vnd rauch sein/ nichts zuschwer vnd vner-
träglich: Alles will ich auff mich nehmen/
alles mit meines Gottes hülff ertragen/
aufstehen/ vnd vberwinden. Vnd alles
a. 1. Ioan 3. 6 Actor, 27

das meine Kräfte nicht werden vermögen / will ich mit inbrünstiger begirdt zu wegen bringen: Vnd wohin mich die Füß nicht werden tragen / dahin sollen mich die flügel der Gedancken führen: Vnd gleich wie die Sonnenblum sich zu ihrer Sonnen / Also will ich mich HErr allwegen zu deinem heiligen Willen wenden. Im anfang des Buchs ist von mir geschrieben: Zuthun deinen Willen / mein GOTT / das will ich mit lust / vnd dein Gesetz hab ich mitten in meinem Herzen. *a* Mitten in meiner Gedächtnuß / in meinen Verstand / vnd in meinen Willen hab ichs gesetzt vnd hinein losiert.

Der heilige Bernardus war solchen schuldigen dienst dem Göttlichen willen zulassen gar kge.igt vnd fertig / darumb sagter: *b* Ich armer Mensch / hab nichts denn nur ein ankltigen Haller / meinen Willen: vnd wie soll ich den nicht außgeben nach dessen Willen / der sich selber

a Psal. 39. *b* Serm. dequad. deb.

gank vnd gar vmb mich geben/ vnnnd mich
mit seinem Blut ihme erkauft hat? Recht
vnd billich ist es/ daß der Göttliche will deß
Menschlichen willens Richtschnur vnnnd
Ancker sey.

Epictetus spricht: *a* Meinen willen/
hab ich nach dem Göttlichen willen ange-
stellt/ vnd demselben gleichförmig gemacht.
Will er/ daß mich das Nieber schütte? so
will ichs auch: will er/ daß ich soll was an-
fahen? so will ichs auch: daß ich soll et-
was erlangen? so will ichs: will er daß ichs
nit erlange? so will ichs auch nit: will er
daß ich sterbe? so will ich gern sterben.
Wer ist dann jeko/ der mich könne hinde-
ren/ oder nötigen/ als der Will? warlich
nicht vmb ein haar mehr/ als G Dtt selber/
welcher weder gehindert/ noch genötiget
werden kan.

Ein schand ist es / daß dises die alten
Handen/ so in der blinden Nacht deß vn-
glaubens gesteckt / sollen gesehen haben/
die Christen aber bey dem klaren Sonnen-
schein deß Glaubens/ als wenn sie stock-
a dissert, 3, c. 26. *N* blind

blind weren/ dises nit sehen sollen. Dein
 Will geschehe; dein Will / O mein
 Gott/ dein Will geschehe/ wie im Him-
 mel/ also auch auff Erden. So rüffet euch
 derhalben/ vnd haltet euch Mannlich/ da-
 mit ihr streitet wider die Feind (wider den
 anlauff der Laster) wie aber der Will im
 Himmel ist/ also geschehe es. 1. Nach. 3.

§. I.

Alle Statthoren pflegt man zurichten
 nach der grössen vnd fürnemsten: wa-
 rumb solten dann die willen aller Men-
 schen/ als die kleinere Uhrwerck/ sich nicht
 auch nach der grossen Himlischen vhr/ das
 ist / nach dem ainigen Göttlichen willen
 richten? Wie der Will im Himmel
 ist/ also geschehe es. Unausprechlich
 ist es/ wie lieb vnd angnehm solches Gott
 dem Herzen sey/ vnd wie hoch es vor seinen
 Göttlichen augen geachtet werde. Was
 hat Gott nit für ein frolocken gehabt / als
 ob einer sach/ die ihm vber alle massen ge-
 fallen: Ich hab (spricht er ^a) gefunden.
 David / ein Sohn Jesse / einen Mann.

^a Actor. 13.

nach.

nach meinem herzen / der all meinen
 willen thun wirdt. So hat dann Gott
 lang gesucht / vnd sucht noch solche Men-
 schen / deren gemüt vnnnd willen also be-
 schaffen / daß sie allezeit / vnnnd in allen din-
 gen ainig vnd allein das wollen / vnnnd nit
 wollen / was er will / vnd nit will. Vnnnd
 wann er ein solchen Menschen findet / da
 kan der allergütigste Vatter sein frewd vñ
 frolocken nicht verbergen: Ich / sagt er /
 hab einen gefunden / der nach allem mei-
 nem willen thun wirdt. Darumben der
 Sohn Gottes selber / all seinen Willen /
 nach dem Willen des Vatters gerichts vñ
 angeordnet hat: Ich bin / sagt er / vom
 Himmel herunder gestigen / nicht
 daß ich meinen Willen thue / son-
 der den Willen dessen / der mich ge-
 sandt hat. a Von diser Regel eines
 rechten vnnnd guten Willens / ist der sehr
 weit abgewichen / der nicht allein seinem
 Willen / sonder auch seinem Gebott vnnnd
 außdrucklichen befehl / sich widerwertig /
 vnnnd ungehorsam erzaigt. Ein Weiser

förcht sich / vnnnd sündert sich ab
vom bösen : Ein Clari aber fährt
reck vnd gutes muths hindurch. *a*
Das haisset Essen/vnd das Maul
zwischen/vnnnd darnach sagen: Ich
hab nichts vbel gestifft. *b* Wer ei-
nes solchen Gemüts ist / der versetzt sein
Seel dem Teuffel/ vnd lacht darzu/er ver-
scherzt den Himmel/ vnd merckt den scha-
den nicht/ als wanns vnder allen schäden
der kleinst were/ vnd für nichts zuachten.

a Prou. 14.

b Prou. 30.

§. II.

Herentgegen aber stärken vnd bekräf-
tigen die/so zu dem Himmel/vnd zur Sel-
ligkeit fürsehen worden/ ihr Gemüt also in
dem guten/das sie sich nicht allein vor al-
lem dem/ was ein bösen schein hat / sonder
auch vor dem schatten der Sünd entsetzen
vnd erschrecken / vnnnd können ihnen das
nicht gefallen lassen/ was GOTT mißfellt/
also/ das ihnen sinn vnd herz allein dahin
stehet/vnd sehen nur darauff/ das ihr thun
vnd lassen GOTT gefalle / ob es schon sonst
jeder

Jedermeniglich / der gangen Welt miß-
fallen solt; darnach fragen sie nicht/wann
es nur dem ainigen Gott gefällt. Das
gedencken sie/ dauon reden sie auch: vnnnd
ist kein zweiffel/ ihr Will werde offtermals
dermassen entzündet / daß sie vil enseriger
vnnnd Geistlicher/ weder Epictetus, auff-
schreyen: Mein Gott/ mein Trost / mein
Lieb/ vnd all mein Gut/ es sey ferz von mir/
daß / was du wilt / ich nicht wölle: Oder
das / was du nicht wilt / ich wölle: Dein
will/ist mein will/ja mein will/der ist nicht
mehr mein / dann er dein zusein hat ange-
fangen / vnnnd darumb so muß ich folgen
deinem willen/ dann er mein zusein hat an-
gefangen. Eben das muß ich wölle/daß
du wilt/ vnnnd das allein auch/ Herz/ will
ich. Wilt du daß ich Kranck sey? so will
ichs auch: daß ich Arm sey? so will ichs
auch: daß ich Schmerken hab? ich wills
eben wie du: daß ich soll Schmach vnnnd
Unbildt leyden? das will ich eben so wol
auch: daß ich soll veracht sein / vnnnd von
andern verworffen werden? auch dises/

Herz / ob ichs schon starck empfinde / will
 ichs doch auch von deiner wegen: wilt du
 daß ich ohne Trost lebe? so will ichs auch:
 daß ich mit ängstigung des Gemüts ge-
 truckt vñ geplagt werde? so will ichs auch:
 vnd ob du schon woltest / mein H^Erz / daß
 ich solches biß an den Jüngsten Tag leyden
 solle / dannoch will ichs auch: wilt du daß
 ich deren dingen aller / welche mir zum lieb-
 sten seind / beraubt werde? obs gleichwol
 schwer zugeht / liebe ding verlassen / will ichs
 nichts destoweniger mit dir: dir zugesa-
 llen / sey alles hin: wilt du auch daß ich ster-
 be? vnder allen schweren dingen ist zwar
 biß das aller schwerest; wie dem / bin ich
 dannoch willig vnd bereit hundertmal zu-
 sterben / wenn ich nur in den Göttlichen
 Armen deines allerheiligsten Willens / zu
 sterben / würdig mag sein. Wilt du daß ich
 Jung / oder vor der zeit sterbe? so will ichs
 auch vnd gern / ob schon die Natur vngern
 daran kombt: wilt du mich in den Himmel
 erheben? Ich wills / O H^Erz / ich wills / ich
 wills ja frehlich auch: wilt du mich in die
 Höll

Höll verstoßen? ach Herr / ach gütiger
 Jesu / daß du diß mit recht vnnnd vrtheil
 woltest/hab ich zuuor mit meinen wercken
 gewölt vnnnd wol verdient: Aber / daß ich
 diß nicht wolte/ woltest du/vnd verdientest
 es mit deinem Blut. Vnnnd wann auch
 eins auß disen zweyen sein möchte/vnd ge-
 schehen köndte/ (wie es gewißlich nicht sein
 kan)daß aintweders dein allergerechtester
 Will vnkräftig vnnnd vngiltig werde/damit
 ich selig sey ; oder ich verdambt werde/
 damit dein allergerechtester Will kräftig
 vnd giltig verbleibe ; so bekenne/vnnnd sage
 ich vnuerholen frey herauß : Es ist besser/
 ich werde verdambt/vnnnd dein Will ge-
 schehe/ als daß ich selig werde / vnnnd dein
 Will geschehe nicht. Aber O vnendliche
 gute / ich waiß gar wol/ daß du nicht
 wilt meinen Todt / der du deines ainigen
 geliebten Sohns Todt darumb gewölt
 hast/damit du köndtest den meinigen nicht
 wöllen. Derohalben/O Himilischer Vater/
 durch disen bittersten Todt deines vn-
 schuldigen Sohns/ bitte ich dich/ erhalte
 mich

mich vor dem ewigen Todt. Sihe an die Wunden/ sihe an das Blut/ welches dir für mich ist geopffert vnnnd vergossen worden: Dem Sohn woltest du nit verschonen / damit du verschonen köndtest dem Knecht. Ich dein Leibaigner vnd Sclau/ D vnsterblicher König/will mich auf alles vñ jedes andeuten deines heiligisten Willens/ wenden vñ hin vnd her kehren lassen/ wie es dir gält: süß vñ lieblich soll mir sein alles/was mir von deinem Göttlichen willen widerfahren wirdt. Beraitt O Gott ist mein Herz. Psal. 107. beraitt ist es.

Dise lieber der himlische Monarch vnd König / die auff ihres Herzens ainzigem runcf mit wachsbaren Augen achtung geben / also / daß des Herzens will / des Knechts Befehl werde / welcher allwegen mit frölichem Angesicht sagen soll : Der Herr ist es/ was gut ist inn seinen Augen/ das thue er. Dann / Nichts ist Besser/als den Herren fürchten/vnnnd nichts lieblicheres vnd süßers/ dan acht haben auff die Gebott des Herzens. Eccli, 23.

§. III.

Es mögen die Griechen ihren schönen
spruch loben/so hoch sie wollen: Ne quid
nimis, Thue ihm nicht zuvil. Du
aber/ O Gott/du hast gebotten deine Ge-
bott/nimis, mit eusserstem fleiß zuhalten. &
Gott will/das seine Diener/ auff alle Ge-
bott/ig auff ein jedes wincken vnd andeu-
ten/ fertig vnd bereit seyen / welche auch
wol auff ein tag/ohn angesehen sie in höch-
ster kumernuß vnd trübsal stecken/nichts
destoweniger tausentmal mit Mund vnd
Herzen sagen sollen: Was Gott will/
vnd wie Gott will. Also geschicht/das
alles/was die Menschen eines so auffrecht-
ten vnd guten Gemüts/wollen/Gott eben
dasselbig auch wolle. Dann sie standhaff-
tig alles das/ was Gott nicht will/ vnd ein
abscheuen darab hat / auch nicht wollen.
Daher solche Menschen / auch alles was
sie begeren/ erlangen. Weil sie je nichts
anders begeren/ als das sie sich dem ainig-
en vnd ainigen Willen Gottes gleich-
förmig/vnd gemess verhalten/vnd erzeigen
Plal. 118, M 5 mö

mögen. Dañ sie wissen/wie recht vñ war-
 hafft der H. Hieronymus von dem abster-
 ben Bleſilla an Paulá geſchriben: Gott iſt
 gut/vnd alles was er thut/das kan anderſt
 nicht als gut ſein/was Gott thut/iſt wol
 gethon. Die Menſchen aber ſo eines gu-
 ten Willens ſeind / können das nicht für
 vbel haben / noch für böß halten / was von
 Gott dem höchſten gut iſt. Seind ſie
 geſund? ſo ſagen ſie dem Schöpffer danck.
 Seind ſie Kranck? ſo erkennen ſie auch in
 diſem den willen ihres Herzens/vnd loben
 ihn: Leyden ſie ein verluſt guter vnd lieber
 Freunds? ſo trawren ſie/weil es je alſo ge-
 ſchehen / in deme ſie aber wiſſen / daß es
 Gott alſo gefallen hat/nemen ſie es willig
 vnd gutherzig an: Wirdt ihnen ein eini-
 ger Sohn dahin geriffen/vnd ſtirbt? das
 iſt zwar hart/doch aber leydelich/dann der
 hat ihn hinweg genommen/der ihn gege-
 ben hat. Kommt vñ leicht ins Hauß die
 bittere Armut / oder ein Sucht / die noch
 ſchwerer iſt/ als die Armut? Thut verach-
 tung vnd ſchmach wehe? Schmürken ſo
 vber


vberhauffte vnbilligkeiten? Da lassen aber
 solche Menschen kein andere Stimm nicht
 hören/als dise: Wie es dem H^{erren}
 gefallen hat/ also ist's geschehen: &
 also ist's auch wol geschehen: der Name
 deß H^{erren} sey gebenedeyet / vnnnd
 sey G^{ott} auch in disem gelobt vnd gepria-
 sen in ewigkeit. Durch disen guten willen/
 gleich als durch ein Ancker / waren sie
 standhafft vnnnd beharlich auff die letzte
 stund: vnnnd alles vbel achten sie für
 kurz/weil das End/ so hernach
 folget / vnaussprechlich
 besser vnd ewig
 ist.

• Iob. 1.

Messigung der Begirden.

Sub tē erit appetitus eius, et tu
dominaberis illius. *Genes. 4.*

MODERATIO AFFECTVVM



Discretione magni moderamini, carnis cura frenanda est, ne quasi domina animum vincat, sed subacta mentis dominio, quasi ancilla famuletur.

Greg. I. 9. mor. C. 40.

Vnder dir wirdt ihr begirde
sein/ vnd du wirst vber sie herr-
schen. Gen. 4.

Mit bescheidenheit / muß
man die sorg des Fleisches im
zaum halten / damit das
Fleisch nicht / als Frau im
Hauß/ das Gemüt oberherr-
sche / sonder daß es der Herr-
schafft des Gemüts vnder-
worffen / als wie ein Diern
diene. Greg. l. 9. Mor. c. 4.

Das zwölffte
Zeichen der
Göttlichen Erwöhl-
ung.

Die zwölffte Figur.

Stein Lauten / durch welche
bedeut wirdt die mäßigung
der Begirden/ oder/ die vber-
windung vnnnd sig wider die An-
sechtungen.

Welche Christi seind/ sagt der H.
Apostel Paulus mit freyen vnnnd runden
worten a) die haben ihr Fleisch ge-
creuziget/ sambt den Lastern/ vnd
ihren Begirden. Schön vnd gütlich
redet der H. Bernardus von Christo / wie
er vns freundlich zu sich ruest vnd ladet : b

a ad Gal. 5, b Serm. de S. Andrea.

Wer

Wer mir nachfolgen will / der ver-
 laugne sich selber. Als wann er sagte:
 Wer mich begert / der verachte sich: vñnd
 wer meinen Willen thun will / der lerne
 seinen willen brechen. Was aber den
 Kämpffer matt vñnd müd macht / das frö-
 net den Obsiger. Vñnd das heißt das Le-
 ben gewinnen / ihme selber / vñnd seinen Be-
 girden täglich absterben. Wo die Begir-
 den leben / da ist die Vernunft aintweder
 blind / oder todt. Darumb sagt der heilig
 David / Erleuchte meine Augen / so
 will ich betrachten die Wunder
 von deinem Gesatz. *a* Ich weiß Herr /
 daß in deinem Gesatz grosse vñnd hohe Ge-
 heimnussen begriffen / ich aber bin ein
 Mensch / mit ein Fleischsack beschwert /
 vñnd vñllen Begirden vñnderworffen: So
 ist mir auch nit vñnbewußt / wie groß deren
 macht ist / welche mein Gemüt betrüben /
 verwirren / vñnd verblenden: So lasse es
 du an deiner gnad vñnd güte nit erwinden /
 mir meine Augen zueröffnen / vññ den dickē
 Nebel / mit dem sie vberzogen / zuvertreibē.

Warhafft schreibt Seneca von den
 Begirden vnd Anmutungen: *a* Ringer
 ist es/ ihren anfang zuuerbinden/als ihr
 vngestüme macht zuregieren. Dann gleich
 wie der Leib / so gen Berg ab in völligen
 lauff ist/seiner nit mehr mächtig sein kan/
 also daß er in seinem angefangnen lauff/
 weder widerstehen / noch still stehen kan/
 sonder hat hülff vnnd raht/durch die geh-
 ling abstürkung verlohren: Also auch das
 Gemüt/wann es sich in Zorn/ Liebe/ oder
 andere Begirlichkeiten stürket/wirdt es die
 vngestüme bewögnuß nicht leichtlich vn-
 dertrucken / sonder wirdt von der Natur/
 so allzeit zun lastern genaigt / mit macht
 hinunder gerissen in abgrund. So ist der-
 halben das best/ daß man dem Samen ei-
 ner jeden bößhaftigen anmutung vnuer-
 züglich widerstrebe. In den Gränken muß
 man den Feind zuruck treiben / dann da
 man ihn zum Thor hinein kommen laßt/
 wirdt er ihme von den Gefangnen nit las-
 sen maß vnd ordnung geben. Wie vil
 besser ist eingedultiger/ als ein star-
 cker

der Mann/vnnd der vber sein Gemüt herrschen kan / als einer der Stätt bekriegt: Prou. 16.

§. I.

Der heilig Augustinus spricht: a Selig seind die Fridesamen in ihnen selber/ welche alle bewögnussen des Gemüts stillen/ vnd der vernunft vnderwerffen. Selig die/ welche nach dem sie die Fleischliche begirlichkeiten beherrscht vnd gmaistert/ein Reich Gottes werden / in welchem alles ordenlich zugehet / in welchem das Gemüt herrschet/vnd gebietet ohn alle widersprechen der Diener/ das ist/ der sinnlichkeiten des Leibs. Disen Frid haben die Engel in der Geburt Christi verkündiget / welcher aber ohne Wöhr/ Waffen / vnnd Ritterlichen Kampff/nicht mag erobert werden.

Dann / warum hat Gott vnder dem Schall der KriegsTrommeten / Mosi das Befehl in seine Hand vbertracht? b Were ein liebliche stille Music / für der Kirchen Gottesdienst vnd Andacht/ dahin

a lib. 1. de Serm. Domini cap. 2.

b Exod. 19.

das

das Befehl vermaint / nit fuegsamer gewes-
 fen? Trommeten taugen besser ins Feld
 für die Soldaten / als in Kirchen für die
 Priester. Recht / mein Christ. Nun aber
 seind auch wir in das Feldlager zum
 Scharmüßel vnd ernstlichem treffen be-
 ruffen / von deme / der das Befehl geben
 hat. Der aber wurde jeko das Befehl vbel /
 ja gar nit halten / welcher wider die Feinde
 des Befehls zu kriegen sich waigerte. Sein
 Fleisch hat keiner jemalen mit liebkosen vñ
 kienklen überwunden : Die anraichung
 des Teuffels / wie auch der Welt schmaich-
 len oder wüthen / hat ohne Kampff vnd
 Streitt keiner nie vnder sich gebracht vnd
 gemastert. Zur gegenwöhr muß man
 sich setzen / vnd Mannlich fechten / wider
 jede vnd alle böse anmutungen / welche die
 Feind Göttlichen Befehls auffwigen vnd
 anstifften. Wer allein vber seine Sünd
 zürnet / den anmutungen aber alles vber-
 siehet / vnd Zollsreien paß gibt / der handelt
 als wie einer / der einem bösen Baum die
 Rast abhawet / die wurckel aber vnberürt
 bleiben

bleiben laſſet / auß welcher gleich newe geſchoß vnd naß herfür ſchieſſen. Alſo der H. Chryſoſtomus in erwegung der Wort Chriſti: Wer ein Weib anſchawet ſie zu Begeren / der hat ſchon mit ihr die Ehe gebrochen in ſeinem Herz. **3c:** Mit allein die Kranckheit / ſpricht er / ſonder auch die Wurzel der Kranckheit / reiſſet Chriſtus herauß. Die wurzel deß Ehebruchs / iſt die ſchamloſe Begirlichkeit: Darumb ſtraffet er nicht allein den Ehebruch / ſonder auch die Begirlichkeit / als die Mutter deß Ehebruchs. Alſo auch verbeut er nicht allein den Todtſchlag / ſonder auch den Zorn / der ein weegweiſer zum Todtſchlag iſt: Ja ſo gar auch trifft er die Schmachwort / welche ein zündel vnd antrieb deß Zorns ſeind.

Zorn / vnd liebe / ſeind zween gar hefftige / vngestüme affectus oder anmuttungen / welche vmb keine / dann nur gar ernſtliche vnnnd ſcharpffe Befehl geben / durch milde freundliche Gebott / oder Befehl / werden ſie kaum gebessert. Der Zorn
 a Matth. 5. tringt

tringe vnd reiſet das Gemüt nicht an/wie andere Laſter/ſonder führt es gänzlich hinweg/ ja vberſtärket. Vnd ob ſchon keiner den Feind ſo hart zuſchlagen begeret/ daß ihme die Hand in ſeiner Wunden ſtecken bleibe / oder er ſich vom ſtraich nicht widerumb könde zuruck halten / iſt doch der Zorn ein ſolcher Spieß/den man kaum widerumb kan an ſich zuruck ziehen / wann man zu weit damit hinauß geraichet hat. Der Zorn hat kein abſcheuen von ainem gem Laſter/ vnd wann er ihme auff einen zu haglen/ vnd mit ſeinem ſtral zu treffen ſürgenommen/ laſſet er ſich mit keinem anderen/ als tödlichem ſtraich ſtillen. Ein Zorniger iſt gleich als ein Feuerſtein/ welcher zu allem ort Feuer außſpenet/ wa ihn der Stachel oder Reißlingſtein antrifft. Ein zorniger Mann richtet Zader an/ vnd der ſich leichtlich erzürnen laßt/ der wirdt zu Sünden genaigt ſein. *a* Wüten / vnd Zornig ſein/ ſeind zwey grausame ſchewliche ding. *b* Vnd iſt kaum ein vbel/das dem

a Prou. 29. *b* Eccli. 27. Menſche

Menschlichen Geschlecht mehrer schaden
thut: Dann / Einen vnwitzigen
schlägt der Zorn zutodt / vnd den
Kleinmütigen tödtet der Vleyd. *a*
Darumb dann / allerliebste Brüder / sage
der H. Augustinus, *b* wöllet euch / bitt
ich / kein solch vbel / vnd so schädliche Burd
lassen auff den Hals binden; Zorn ist ein
Kranckheit / nemlich der Seelen / ein Fin-
sternuß der vernunft / ein absündigung
von Gott / ein vergessen der freundlichkeit /
ein anfang des Kriegs / der aller ärgeste
Teuffel. Welcher zwar vmb so vil desto
mehr zusuchen vnd zuuermeyden ist / je
mehr er auß vns täglich / wie ein wütiger
Hund anfällt. In alle Personen / spricht
Seneca, *c* entzündet sich diser affect vnd
anmutterung des Zorns: Er entspringt vnd
wächst so wol auß der Liebe / als auß dem
Haß: Befindet vnd erhebt sich eben so wol
in ernstlichen sachen. als vnderm spilen vñ.
firkweilen. Vnd ligt nicht daran / auß
was grosser vrsach er erwachse / sonder /

a Iob. 5. *b* lib. 4. de ciu. Dei cap. 6.

c Epist. 18.

was

was für ein Gemüt er antreffe/ vnnnd ein-
 nemme. Als wie auch nicht daran ligt/ ob
 ein Feuer groß sey oder nicht/sonder/wo es
 eingreiffe: Dann in dürrer Hobelschait-
 ten/ helt sich ein kleines Füncklein so lang
 auff/biß ein grosse Brunst darauß wirdt.
 Jedoch/sagt er/ a ist nichts so schwer/noch
 so hart/welches das Menschliche Gemüt
 nicht vberwinde. So seind auch keine so
 wilde/ noch zuchtlose/ vnnnd zollfraye Be-
 girden/welche durch ernstliche disciplin
 vnd zucht/nicht möchten gemaisert/vnd
 vndertrückt werden. Was ihme das
 Gemüt selber immer vnd je gebot-
 ten / das hat es erhalten. Was kan
 aber größers sein / als dem höchsten vbel
 entrinnen/ dem Zorn / sag ich / vnnnd mit
 ihme/der rasenden sucht/dem unsinnigen
 toben / dem rachgirigen wüthen der grau-
 samkeit / vnnnd anderen Gefährten / oder
 Mitgespanen dises affects vnnnd anmut-
 tung?

a. lib. 2. de Ira. cap. 12.

§. II.

Eben das/ was diser weise Römer vom
 Zorn

Zorn gesagt / kan auch von den bekanten
 Furien / Hoffart / vnd Mord / auch von ih-
 ren boßhafftigen Schwestern der Gail-
 heit vnnnd Schlemmerey / vnnnd von dem
 gangen Heer der lasterhafftigen anmut-
 tungen gesagt werden ; nemlich : was kan
 doch größers sein / als disen allerhöchsten
 vblen / vnd müheseligkeiten entrinnen / vñ
 das Gemüt zu einer seligen ruhe / schönen
 zusammen stimmung / aller Begirden ver-
 ainigung / vnd ainheiligkeit bringen ? Se-
 lig ist derhalben / der / welcher den begirden
 vnnnd anmutungen / vmb so vil weniger
 vber sich / vnd nachhenge / je weniger er ein
 Knecht der Laster sein will : Vnd damit er
 der Vernunft das Regiment vnnnd gebü-
 renden Scepter steiff erhalte / zeiget er den
 Begirden den spiz / vnd stellt ihnen für das
 verdiente / vnd jederzeit beraite Creutz.

Welche auff die Gallen verdambt sein /
 haben ihre gewise / wiewol kurze zeiten / zu
 welchen sie die Ruder mögen schren lassen /
 könden bißweilen ihre müde Arm rasten
 lassen. Welche aber den vnordenlichen
 affecten

affecten vnd anmutungen dienen / haben
 kein rüwiges Gemüt nie nicht; es erhebe
 sich bey ihnen ein Aufruhr vñnd tumult
 der Gedancken / vber den anderen. Ihr
 werdet (spricht der Prophet Jeremias)
 frembden Göttern dienen tag vñnd
 nacht / die werden euch kein ruhe
 geben / noch gnad beweisen. *a* Dero-
 wegen sagt Ecclesiasticus: Deinen bö-
 sen Begirden gehe nicht nach. *b* Ein
 widerspennigs / hartbendigs Pferd muß
 man mit Biß vñnd Zaum zwingen / ein
 faules aber mit Gerten vñnd Sporn an-
 treiben. Eben also muß man mit den af-
 fecten oder anmutungen umbgehn / deren
 etliche mit antreiben / andere / vñnd maistes
 theils mit innhalten / besser regiert wer-
 den. Niemand kan sich mehr hassen / als
 welcher sich selbst so bößlich liebet / daß er
 den wollusten Zaum vñnd Zigel so weit
 hengeret / daß er ihme selber weder etwas
 schaffen vñnd gebieten / noch etwas abschla-
 gen vñnd verbieten / mit einem wort / sich
 selber nicht regieren noch ziehen kan.

a Hier. c. 16. *b* Eccl. c. 18.

Dise

Diese aber sollen wissen / was ihnen der Apostel weissaget: **W**a ihr nach dem Fleisch lebet / sagt er / *a* so werdet ihr sterben müssen: **W**a ihr aber durch den Geist / die fleischliche Werck tödtet / so werdet ihr leben. Niemand hat ein weitere Regierung / vñnd grössere Herrschafft / als der seiner selbst Herr ist: Hingegen ist kein ellendere dienstbarkeit nicht / als wann einer seinen eignen glücken vñnd anmutungen dienet. Niemand triumphiert rümblicher / als der / welcher den Sieg wider sich selbst hat erhalten: Dieser Scharmüchel wehret nicht lang; der Sieg aber ist herzlich / vñnd der Sold ewig. Nun hat der seine böse Anmutungen überwunden / der ihnen nicht dienen will: Der aber dienet ihnen / sagt der H. Ambrosius, *b* welcher herck vñnd muth durch forcht verleurt / oder der belustigung sich gfangen gibt / die begirlichkeiten sich ziehen laßt / auß hefftiger vngedult irret / vor kummer in kleinmütigkeit fällt.

a Rom. 8. *b* lib. 2. de Iacob, &c

vita beata,

Q

Vñnd

Vnnd ist kein schändlichere dienstbarkeit
 nicht / sagt Seneca, als die freywillige/
 da einer der Gailheit / ein anderer dem
 Ehrgeiß / der dritt dem Geltgeiß dienet.
 Der Gerecht vnd Fromme/wie Augusti-
 nus bezeugt/ ob er schon dienet/ ist er doch
 frey ledig/ aber der böß vnd Gottloß/ob er
 schon herrschet/ist er dannoch ein Knecht
 vnd Leibaigner/vnnd nit nur eines Men-
 schens/sonder (welches schwerer ist) so vi-
 ler Herren / wievil Lastern er dienet. Nun
 aber seind die Begirlichkeiten der Men-
 schen/gleich wie die Angesichter/welche/ob
 wir schon alle/ einer wie der ander/ Men-
 schen seindt/ dannoch so gar vnderschied-
 lich vnd vngleich seind/dasß keins dem an-
 deren in allem gleich gefunden wirdt. Also
 beliebet disem das / jenem ein anders / ja
 auch in ainerlen dingen haben wir nit alle
 gleichen lust. Diser hat grosse Begird zur
 Bosheit/Muthwillen vnd Gailheit/jener
 wirdt mit Gelt vnd Gut gefangen: Den
 wirget der laidig Meyd/ ein anderer will

Epist. 47.

ihme den Hals abtrincen/ diser sucht sein
 verderben mit müßig gehen/ oder mit Spt-
 len/ vnnnd vermainet keiner nit/ daß er mit
 diser seligkeit (welche er ihme selbst erdicht
 vnd fürbildet) soll vnseelig werden vnnnd zu
 grundt gehen. Gleich als ob der/ so im
 Wein ertrincet/ weniger erträncke/ als
 der so im Wasser ersauft. Rechte vnd wol
 sagt der heilig Gregorius: Einem böß-
 hafftigen Gemüt gefält fast wol was es be-
 gert / daß ihme aber jetzt süß fürkomet/
 wirdt ihme sehr bitter werden in der ewi-
 gen Pein. O armseliger Mensch/ die ge-
 stalt vnd der lust betriegendich/ die böß be-
 gird verkehrt dir dein Herk / daß du dich
 nach disen betrieglichen vergifften Was-
 fern laßest dürsten. Vnd was köndte doch
 für ein Seligkeit der Mensch haben in der
 Gailheit? von welcher der H. Ambrosius
 sagt: Gailheit oder vnlauterkeit brennt vñ
 erhitzt vilmehr als das Fieber / entzündet
 auch das Herk vil hefftiger als ainigige
 sucht des Letos: ist also dem Menschen/
 a lib. 4. in 1. Reg. cap. 4.

den sie schandlich verderbt / vnnnd in die Höl stürzt / schädlicher als vil andere Laster. Nach demie einer aber von diser hitzigen Hölischen wütsucht / widerumb zu sinnen vnnnd zum verstande kommen / als dann gehn ihm die Augen auff / vnnnd das Gesicht des Bewissens kombt wider / da sieht er an mit äußerster schamröthe / den heßlichen wuest vnd vnluß / seiner schändlichen that. Da/da / fürchtet man Gott / vnnnd wolte sich der Sünder gern verbergen / kan aber nicht / der vnflätig Grewel ligt am tag / dann alle haimlichkeit ist Gott dem HErrn offenbar / vnnnd der ihme in seinem Gewissen vbel bewusste Sünder / scheubet sich / gang erschrocken vor dem Göttlichen Bericht.

Der Gelthunger aber ein starcker Sporn vnnnd antrieb zu allen Lastern wirdt mit dem gewin nicht ersättiget / sonder erst recht auffbracht / plagt also nicht weniger das Herz mit dem was er gesucht vnd erobert hat / als mit dem / das er noch sucht / vnd zu erhaschen begeret: Vnd da die andere

dere Laster zugleich mit sambt dem Menschen veralten / ist der Geiſt allein / der je lenger je jünger vnd frischer wirdt / je mehr das alter herzu rucket. Der Haß ferzner / vñ der Meyd / ſeind gar anhängige Kranckheiten / vnd nicht also leichtlich / wie andere anmutungen / zu hailen / ſie werden dann gleich anfangs im Neſt auffgehebt / oder in der Wiegen erſteckt.

Welche aber der Schlemmeren dienen / haben gewißlich ein loſe böſe Frau / dann diſe / je trewer vnd williger ihr Diener iſt / den ſie angenommen / je geſchäftiger vnd maiſterloſer ſie wirdt. Vnd die weil der Graß vnd Schlemmeren zur befreundtin haben die Unſchambarkeit oder Gailheit / ſeind ſie der Keuſchheit vmb ſo vil deſto ſchädlicher / je mehr ſie der ſchleebißlein haben / darmit ſie ſich nehren vñ auffenthaltten.

Wer iſt nun diſer / vnd wir wollen ihn loben / der mit Sara deß Tobiaë Hauſfrauen ſich rühmen / vñ ſagen dörfſe : Mein Seel hab ich ſauber von aller

vnrainen Begird verhütet: ^a Dañ
das ist vnnd haibt/ alle Saiten der Lauten
zusammenstimmen. ^a Tob. 3.

§. III.

König Saul / hette den König Agag
mit Gefängnuß gestrafft/ dene er auß Got-
tes befehl/ am Leben hett straffen sollen: ^b
Eben so sträfflicher gütte vnd miltigkeit ge-
brauchê wir vns auch mit vnserê affecten
oder anmutungen. Die wir solten tödten/
lassen wir leben/ nemmens allein gefangen/
in dem wir sie nit gänzlich wollen aufre-
uen/ sonder nur crucken/ vnd ein wenig in
halten/ daß sie nicht so schändtlich an das
Flecht herfür brechen/ vnd von andern ge-
sehen werden/ ob sie gleichwol innerlich to-
ben vnd wüthen. Vnd dergestalt/ weil wir
dem verborgnen Feind verschonen/ waff-
nen wir denselbê wider vns selbst/ damit
auß dem was anfangs nur ein strauchler
vnnd irthumb war / allgemach ein böser
brauch vnd sündige gewonheit werde/ dar-
auß endtlich ein ganz lasterhafte noht
entstehet. Also werden wir nach vnnd
^b 1. Reg. c. 15. nach/

nach/je lenger je mehr von dem haimische
 Feindt allersents eintriben vnnnd geseßlet/
 daß wir auff die leist klagen vnd schreyen:
 Ich kan mich da nit vberwinden: ich kan
 dessen/das ich gewohnet/nicht entrathen:
 Ich müßte sterben/wenn man mir dise er-
 gegligkeit auffhebe: das ding kan ich nie
 lassen: ich muß das haben. Also machen
 wir auß vnserem strauchlen vnnnd fehlen
 endlich ein brauch vnnnd gar ein handts-
 werck. Vnd dieweil wir die böse Anmu-
 zungen nicht beyzeit / vnnnd weil sie noch
 jung vnd schwach außreuten/sonder auff-
 wachsen lassen/befinden wir endlich/daß
 ein starks Dornstreuß/vnnnd ein gangher
 Heckwald darauß erwachsen/ den man
 kaum mehr ermatstern vnnnd außhauen
 kan. Nun muß man aber auch alßdann
 nicht gänglich verzagen/dieweil man auch
 die gewonheit mit besserer gewonheit vber-
 winden kan / vnd die Cron desto köstlicher
 sein wirdt/je schwerer der Kampff gewes-
 sen ist: Wer allein ihme GOTT will zum
 ghillffen nemen/ vnd sich in streit begeben/

dem ist der Sig gewiß. Wenn nur Moyses seinen Stab auffhebt/ vnnnd sein Hand außstrecket / a vber die Meerwellen/ wirdt der Herz das übrig schon sorgen vnd ver-
richten/ vnd Israel sicher hindurch gehen/
alle Egyptter aber darinn versincken vnnnd
ertrinken. Die Amortheer vnd Chana-
neer b werden wol auß vnsern Gränzen
vertriben werden / wann wir nur die faust
nicht von der wöhr lassen/ streitten lernen
mit den Feinden / vnnnd des Kriegs ge-
wohnen.

Des Menschen leben auf Erden
ist ein stetter Streit: c Keiner trawe
ihme selbst zu vil / dann niemands hat ein
gefährlicheren Außspäher vnd Feind/ we-
der sich selbst/ mit deme kein sicherer inn-
stand vnnnd Kriegsfrist jemalen kan ge-
macht werden: Vnd mag dises Zeughaus
oder Rüstkammer des Menschens / ohn
gfabr/ eher nit zugespörrt werden / biß ihm
das Grab eröffnet wirdt: Er muß allwe-
gen gewaffnet wachen / welcher so vilen
a Exod. 14. b Iudic. 3. c lob. 7.

Sein

Feinden den Sieg will aberhalten. Schön spricht der heilige Cyprianus: *a* Den Wollust überwunden haben / ist der größte Wollust / vnd ist kein Victori größer / noch ein Sieg herzlicher / als wann die Begirlichkeiten vbergwältiget vnd außgemustert sind. Dann / der ein sichtbaren Feind hat überwunden / ist stärker gewesen / als der / so überwunden worden: welcher aber die Gailheit hat vnder die Füß gebracht / ist stärker gewesen / als er selbst.

Ein Lautenist stimmt sein Lauten nach der Music gsaß vnd regel / so lang vnd vil / biß daß alle Saiten lieblich zusammen gehê. Der von Gott zur Seligkeit außertorne Mensch / richtet vnd vergleicht seine alge Anmutungen / so lang / biß daß sie dem Geistlichen Frid nit widersprechen. So mir dem Platon glauben geben / ist vnser Leib ein Laut oder Harpffen / der Lautenist vnd Harpffenschlager / ist das Gemüt / welches jekt dise / jekt andere Saiten brüeren muß: jekund den Augen / dann der Zung
a lib. de bono pudicit.

gen Gefaß vnnnd Regel fürschreiben / bald
 die Ohren / vber ein kleines die Händ ge-
 fangen nehmen ; heut der Gailheit / mor-
 gens der Ungedult einabbruch thun / heut
 der / morgen jener begier widersprechen /
 also / dann die / dann jene Saiten spannen.
 Ein erfahrner Lautenist vnnnd Harpffen-
 schlager ist fürwar gewesen / der da gesagt
 hat : Ich Casteye meinen Leib / vnd
 bring ihn in die Dienstbarkeit. •
 Der erwöhlte Mensch zur Seligkeit / laßet
 ihme die Lauten seiner Anmutungen / zum
 allermaisten angelegen sein / daß er diesel-
 big täglich probier / wie sie gstimbt : Vnnnd
 also hadert er jekund mit seiner gähen jor-
 ntigen weiß / dann straffet er seinen Nende
 vnd Haß / dann schilt er an ihme selbs das
 vbrig glächter vnnnd leichtfertigkeit / bald
 mundtert er auff sein hinlässige weiß vnd
 trägheit / gleich jämet er die vnordenliche
 lieb / dann milteret er die trawrigkeit / vnnnd
 also geht er immerzu mit disen seinen Sai-
 ten vmb / spanns vnnnd laßes nach so lang /
 biß sie in einen lieblichen thon zusammen

stimmen. Der außertorne Mensch zur
 Seligkeit / sieht seinen affecten oder an-
 mutungen nichts nach / keinem verschonet
 er weniger / als ihme selbst; erwischer er
 in ihme selber ein straffmässige Begir-
 licheit / so muß sie ihme ans Creutz / besser
 kombt sie nicht darvon. So ist dann dises
 auch ein gewises Zeichen der Außervöh-
 lung / vnd Fürsichung Gottes : Daß
 welche Christi seindt / die haben ihz
 Fleisch gecreuziget sambt den La-
 stern / vnd bösen Begir-
 den. ad Gal. 5.



Der Fluch wurde das Erdreich verzeh-
ren/und der vberbliebenen Leut wurde
ein kleine anzahl seyn.

MULTI SUNT VOCATI PAUCI VERÒ electi. Matth.

20. et 22.

MALEDICTIO VORABIT TERRAM
ET RELINQVENTVR HOMINES
PAUCI.



Hæc erunt in medio terra, in medio populòrum ;
quomodo si pauca oliuæ quæ remanserunt, excutian-
tur ex oleâ, et racemû cum fuerit finita vindemia.

Esaiæ. 24.

Vil seindt beruefen / Wenig
aber seind außgewöhlt.

Matth. 20. vnd 22.

Dann also wirdts auff
Erden vnder den Völcern
stehn / als so man die wenigen
Oliuen die am Baum bliben
seind / abschlägt: oder so man
nachsuchet / wann das Wein-
lesen auß ist. Isaia cap. 24.

D 7

Der

Obgesetzten Zeichen

von

Fürscheidung vnd Außers
wöhlung Gottes/

Auch von der Außerswöhlten
Kleinen anzahl

Endtlicher Schluß.

In dem/was bißhero gesagt wor-
den / wollen wir den heiligen hö-
nigstliessenden Lehrer Bernhar-
dum, den Beschluß machen lassen.
„Der H^Er weißt/ welche sein seind/ sage
„er / a vnd allein er weißt/ welche er er-
„wöhlet hat von anfang. Wer ist aber
„vnder den Menschen / der da wisse / ob
„er der Liebe oder des Haß würdig sey?
„Wann aber / wie gewiß ist / wir der ge-
„wißheit gang vnd gar entsezt/ solle uns
„Serm. 2. de Octau. Pasch.

Dann

„ daß nit das vmb so vil lustiger vnd lieber
 „ sein / wann wir diser auß erwöhlung vñ
 „ leicht etliche zaichē finden möchtē? Dañ
 „ was kan vnser Geist für ein ruhe haben/
 „ so lang er seiner Prædestination oder
 „ Erwöhlung noch kein zeugnuß hat?
 „ Ein gewiß vnd ganz werthes wort ist es
 „ dann/ vñnd hoch zuhalten/ dardurch die
 „ gezeugnussen deß hails / erkennt werden.
 „ Dann durch dises wort vnd erwölung/
 „ entspringt den Fromen ein grosser trost/
 „ vñnd wirdt den bösen / vñnd verworff-
 „ nen / alle entschuldigung benommen.
 „ Dann ein jeder / wer der immer sein
 „ mag / wann er die zaichen deß Lebens er-
 „ kennt/ vnd doch in windt schlägt. Der
 „ wirdt offentlich vberwisen / daß er sein
 „ Seel vergebens empfangen / vñnd das
 „ edle (ewige) Vaterlandt / für nichts
 „ halte. Zu fieg vñnd billigkeit/ kan der/
 „ welcher kein zaichen der Prædestination
 „ vnd erwöhlung in ihme befinde/ die schuld
 „ niemand zu messen als ihme selber. Nicht
 „ ohn gefahr/ oder durch ein blindes loß/ hat
 „ Gott

Gott diese und jene zum Himmel / oder Höll
fürsehen. Von anfang der Welt ist
dem H. Erzen sein Werck bekant. *a*
Und also hat er durch vorgehende erkant-
nuß der verdiensten aller Menschen / diesen
die belohnung / den anderen die straff ver-
ordnet: Daß der H. Prosper recht vnd
wol gesagt: *b* Daß sie haben verderben
müssen / ist gar nit daher kommen / daß sie
nicht weren zum Leben fürsehen oder er-
wöhlet worden: sonder seind darumb nit
fürsehen / noch erwöhlet worden / dieweil
Gott auß seiner vorgehenden wissen-
schaft erkannt hat / daß sie auß aigner mut-
williger vbertretung / also beschaffen sein
wurden. Eben der mainung ist auch der
H. Augustinus: *c* Gott hasset Esau den
Menschen nit / sonder / den Sünder Esau.
Dann Gott hasset anders nichts in dem
Menschen / weder allein die Sünd. *d*
Nichts / als die ainige Sünd / spricht er /
verlegt den weeg zum Himmel. Wir enlen

a Actor. 15. *b* respons. 3. ad capit.

object. Gallicar. *c* lib. 1. ad Simplic.

q. 2. *d* Epist. 105.

zwar

gwar alle einem zihl vnnd termin zu / was
 seind aber das / laider / für vnder schidliche
 Weeg / auff welchen wir gehen / lauffen /
 vnnd iherer vil verderben? Es schreyet die
 Warheit / vnnd ermahnet: Gehet ein
 durch die enge Porten. Dann ein
 weite Porten vnd braiter weeg ist/
 welcher da führt zum verderben/
 vnd VIL seind die dardurch gehen:
 wie eng aber ist die Porten / vnnd
 wie schmal der Weeg / welcher zu
 dem Leben führt / vnnd deren seind
 WENIG die ihn finden. a Solches
 widerholet er von newem: Ringet dar-
 nach / daß ihr eingehet durch die en-
 ge Porten. Dann ich sage euch / daß
 vil werden darnach trachten / wie
 sie hinein kommen / vnnd werdens
 nit vermögen.

Fürwar ist diser Weeg eng / auff wel-
 chem mehr nit / als nur einer allein / vnnd
 ohn ainigen Geferten gehen muß. Ein je-
 der auß vns / wirdt Gott für sich selber

a Matth. 7. v. 27. vnd Luc. 13. v. 23.

müssen

müssen rechenschaft geben : Ein jeder wirdt sein aigne Burden tragen müssen : Ein jeder wirdt/ nach deme sein arbeit ist/ seinen aigenen lohn empfangen. *a* Vnd eben das ist/ was Christus mit kläglichen seuffzen gesagt : Vil/ spricht er / seind berueffen / Wenig aber außgewöhlet. *b* Dis ainzig Wortlein Wenig / hat anderst nicht als ein erschrocklicher vnd vnerhörter Donnerschlag/ einen grossen theil der Welt auß der Schlaffsucht der Laster erweckt / vnd nicht ihrer wenig auß den Stätten / in enge Hölen / vnd schwerliche Wildenüssen hinauß getrieben : Vnd wie vil hundert tausent Märtyrer haben sich vmb des Wortleins willen / lassen blöcken / Strecken / Foltern / Redern / Spissen / Verbrennen / Creuzigen / für die Bestien vnd wilde Thier werffen / offte freywillig in der bewaffneten Peiniger Händ hinein gangen ? Ein stumm ihrer aller / war dise : Sterben ist vns ein leichtes ding / wann wir nur endlich so vil erhalten / daß wir

a Rom. 12. Gal. 6. 1. Cor. 3.

b Matth. 20. vnd 22.

vnder

vnder denen leben mögen / deren zwar an
der zahl Wenig / aber doch Außermöhl
t seind. Das Schwert scherke/vnd
spile mit vnseren Hälsen wie es wölle/mehr
begeren wir nicht/als allein/das wir vnder
die Wenige/aber Selige/gezehlet wer
den. Ja wer ist vnder disen gewesen / der
nicht hette sagen dörfen? Wann ich als
lein hundert Creuß mit meinem Leib bedes
cken vnd anfüllen köndte/ solte mir solches
nicht zuwider sein / noch mich schrecken.
Wan ich allein hundert Köpff hette/wolte
ich sie alle dem Schwert mit lust vnnnd
mit frewden darstrecken / keinen wolt ich
hinderhalten / noch entziehen. Ein scherck
vnd tuckweil soll es mir sein/ hundertmal
Sterben / Pein vnnnd Marter will ich für
miltetath/ vnd erquickung halten / allein
das ich im Paradenß zu der Gesellschaft
diser Wenigen/möge zugelassen werden.
Nirgents anderstwoher ist geflossen die
des heiligen Martyrers Ignatij hochhaffte
Stram / vnnnd daffere Rede: Feuer/
Creuß / wilde Thier/ alle Plag vnnnd Pein
des

deß Teuffels kommen vber mich/ allein daß ich Christo genieße.

Eben diser Donner/ so von dem Mund Christi außgangen/ Eben dißes Wörtlein Wenig hat gleicher massen ein vnzählbare menig deren Menschen / so in vnreinigkeit gelebt/ auß den grünen Wäsen deß Sittlichen wollusts/ in das Hauß der Buß getriben: Die es für besser angesehen / daß sie vnder den wenigen erhalten wurden/ als daß sie vnder vilen verderben solten: Dann einer darumb nit desto weniger verdirbt/ wann er vnder/ vnd mit vilen verdirbt. Vnd dise klaine zahl der Außergewählten zur Seligkeit / wirdt vns durch alle Zeiten vnd Alter der Welt / zu fürsichtiger behutsamkeit fürgehalten.

Von diser der wenigern anzahl / hat Moë ein Prediger der Gerechtigkeit (also wirdt er genannt von dem heiligen Petro ^a) lenger als hundert Jahr vor dem Sündfluß geprediget. Weil aber alle in ihren Sünden vnd Lastern verstockt/ so seind auß der zahl aller Menschen / mehr

nicht als nur acht Seelen in der Arch er-
 halten worden/vnnd vnder disen so weni-
 gen war auch der Gottlose Cham. *a* Dañ/
 gleich wie allwegen zu negst neben den
 wolriechenden Rosen/ auch stichende dör-
 ner gefunden werden/ also ist gar selten ein
 Gemein/ oder Gesellschaft der Frommen
 zu finden/ darunder nit etwann auch böse
 vermischet seind. Wann Gott/da er das
 Sodomitische Landt straffen vnnd veril-
 gen wolt/ mehr nicht/ als nur bloß zehen
 fromme Menschen erfunden hette/ so bet-
 te er auff Abrahams Fürbitt/ allen anderen
 verschonet. *b* Nun aber hat dasselbe gan-
 ze Landt/ vnder so vil hundert tausenten
 nit zehen Fromme gehabt/ die Gott we-
 ren angehangen. Das war gewißlich ein
 grosse vrsuchbarkeit/ vnnd sehr grosser
 mangel an frommen Leuten selbiger zeit.
 Darumb dem Loth vom Engel gebotten
 worden/daß er eylends fliehen/vnd sich
 retten soll. *c* Also seind auß diser so gros-
 sen Drunst/ in welcher die allerschönste-

a Gen. 7. *b* Gen. 18. *c* Gen. 19.

Stätt

Stätt/als Sodoma/ Gomorra/vnnd andere mehr verbrunnen/vñ zu Aschen worden / mehr nit als drey Menschen darvon kommen: Allda man die warzeichen des Göttlichen Zorns/noch auff den heutigen tag/selbiger orten zu sehen findet.

Nicht ein geringe vorbedeutung / daß ihrer wenig zur Seligkeit gelangen / war auch das/was wir im Buch Exodi lesen: a Dann als Moyses sechshundert tausent Mann zu Fuß/ neben Weib vnd Kindern auß Egypten führete / vnnd ein vnzalbare menig des gemainen Pöfels vnnd Troß hernach folget/ so seind doch auß einer solchen mächtig grossen menig/ mehr nit/ als nur zwo Personen/in das fruchtbare vnd gelobte Land kommen / vnnd eingangen: Den vbrigen allen ist die Wüste an statt eines weiten Grabs gewesen/ darein so vil hundert tausent der Todten seind gelegt vnd vergraben worden. Der Egyptische Tyrann Pharaos aber / welcher dem Volck nachgeset / vnnd dasselb von der Flucht widerumb zu ruck treiben wöllen/

a Exod. 12. b Exod. 14.

ib

ist mit seinem ganzen Heer/ in den wellen
 des rothen Meers ersoffen/ vnd vergraben
 worden. Siehe zu / wievil tausent der Leb-
 benden in dises vber die maß grosse vnnnd
 tieffe Grab seind geworffen vnnnd bedeckt
 worden? Wer ist / der dich nicht
 fürchtē soll/ O König der Völcker?
 Also auch / wegen der begangnen Abgöt-
 terey vnnnd anbetung des Kalbs / erhebt
 Moses sein Stimm vnnnd schrey: Wer es
 mit dem H. Erren helt/ der trette zu
 mir her. b Vnd desselbigen tags seind er-
 schlagen worden drey vnd zwainzig tau-
 sent. Fürwar ein grosse Niederlag/ welche
 ein ainziges guldenes Kalb gmacht hat:
 So hoch wirdt vor G. D. gerechnet/ auch
 nur ein ainige Sünd.

Als Josue die Statt Jericho mit he-
 rum gehen vnd schreyen bestritten / vnnnd
 auch erobert hette/ c mußte alles/ was von
 Menschen oder Vieh darinnen war/
 durchs Schwert vnnnd Feuer zugrunde
 gehn: Endlich die Statt selbst/ gleich als
 a Hierem. 10. b Exod. 32.

c Josua 2, & 6.

eines

314 Von kleiner anzahl

eines ainigen Leichnambs Grab / ist in die
 Flain gesteckt worden / vnnd zum Aschen
 verbrunnen. In der Brunst/vndergang/
 vnnd zerschlaiffung der Statt Hiericho/
 ist mehr nicht als ein ainiges Haus frey
 gebliben.

Da der FeldObriß Bedeon die Ma-
 dianiter wolte bekriegen/ seind auff Göt-
 tlichen Befelch auß zwey vnd dreissig tausent
 Kriegsknechten/ nit mehr dann drehun-
 dert zum Streitt erwöhlet/ die vbrigen alle
 außgemustert / vnd abgeschafft worden. **a**
 Daz der HErr fragt keiner zahl nach/
 dann nur der Frommen: So ist der weeg
 zur Hölle nicht ferz noch lang / in einem
 Athem vnnd Schnauser mag man dahin
 kommen : Durch ein ainige Todesünd
 werden wir an Gottes Mayestät mainat-
 di 3 vn schuldig des jmerwehrenden ewigē
 Schwrs. Also seind vorzeiten vmb einer
 ainigen vnkeuschen Schandthat wegen/
 vlerhigtausent der Israeliter vn der Ben-
 iaminiter fünffhig tausent / sechshundert er-
 schlagen worden, Iudic. 20.

a Iudic. 7,

Als

Als die Bethsamiter die Arch des H. Errens etwas fürwärtigers anschaweten/ haben sie dise gaffaren vnnnd frechheit der Augen / mit vndergang viler tausent Menschen büßen vnd bezahlen müssen. *a*

Nicht weniger hell vnd klar wirdt vns im andern Buch der König Geschichten/ dise geringe anzahl der Außervöhlten für Augen gestellt: Da Absalon das auffrührische Kriegsvolk wider seinen Herzvater/ König David außführte/ kombt ein Courier oder lauffender Bote zum König David/ vnd bringt dise böse Zeitung: Jedermans Hertz in Israel folget Absalon nach. *b* Vnnnd nach dem auch Seba die wütende menig wider ihren König angeheßt/ ist bald ein anders Geschran außkommen: Ganz Israel hat sich von David abgesondert/ vnnnd ist dem Seba angehangen. *c*

Man sehe jetzt nur ein wenig in die Welt hinauß/ so wirdt man sagen vnd bekennen müssen / daß es eben also zugehe.

a 1. Reg. 6. *b* 2. Reg. 15. *c* 2. Reg 20.

Christus/ der ander David / zeichnet vns
 den Weeg mit seinem Blut/vnd blutigen
 Fußritten: Ein Dörnne Cron trägt er
 auff seinem Haupt: Den schmählichen
 Bloß des Creuzes trägt er auff seinen
 Achßlen: Seine halbrochne Augen
 schwimmen im Blut vnnnd Zähern: In
 disem Schmuck steigt er auff den Berg
 Caluarizæ/ vnndermahnet vns/ daß wir
 ihme nachfolgen. Wie dinn aber/ ach lais-
 der / sein die gesäet/ welche mit ihme / als
 trewe geserten vnnnd nachfolger / auff ihr
 weiß vnd gutem vermögen nach / wollen
 gecreuziget werden? Dörfft ichs nit schier
 wagen/vnnnd mit dem Apostel Joanne sa-
 gen? Die ganze Welt steckt in der
 Bosheit/ a vnd folget von hercken/nicht
 dem Seba/sonder dem Sarhan. Wenig
 finden sich deren/ welche mit Christo auff
 den Berg Caluarizæ zusteigen lust haben.
 Ach/man will nicht/man müsse dann/ans
 Creuß. Hieher gehört auch dises: Als
 David zu seinem aigenen wolgefallen / vnd
 eytem rühm das Volck zuzehlen befohlen/
 a 1. Ioan. 5.

seind

seind siebenzig tausent Menschen durch die Pest hinweg genommen worden. ^a Einer sündigte/vil mußens büßen.

Diß/vnd alles/was bißhero auß heiliger Schrifft erzehlt / seind lautere Figuren/ vnd ein Schatten des zukünfftigen gewesen/ja gleichsamb ein vorred vnnnd eingang diser Predig/ welche Christus nach seiner ankunfft in die Welt/von der wenigen vñ kleinen zahl der Außgewählten gehabt hat.

Zehe mir seho einer die Juden von Abrahams zeit her / biß auß den letzten Tag des Ends der Welt: Vnnnd darnach die hundert vier vnnnd vierzig tausent in der Offenbarung Joannis / ^b so werden dise kaum der tausende theil sein/wenn die andere alle zuhauff solten gezehlt werden/also daß auß ihrer ganzen zahl / vnder tausent Juden kaum einer vnder die Außgewählten wurde mögen gerechnet werden. Vnd was von der Hebreer / eben dasselbige kan auch von der zahl aller anderen Men. sch. e/ seiner proportz nach / recht gesagt werden.

^a 2. Reg. 24. ^b Apoc. 7.

Dann / was Christus *a* vorgesagt / das trifft die Juden / vnd alle andere in gemain an / sintemal er nicht gesagt / daß allein auß den Juden etlich wenig sein werden / welche sich auff dem engen vnnnd schmalen weeg zum Leben wurden finden lassen / sonder hat ohn allen vnderschied disen außspruch gethon: Wenig finden ihn.

Diser warheit geben fast alle Propheeten zeugnuß: Isaias sagt: *b* Die Höll hat ihr Seel außgebrait / vnd ihren Schlund auffgethon ohne maß. *c* Dann ihr Gottloß wesen Brennet wie Feuer / welches hecken vnnnd dorn verzehren wirdt / vnnnd der Wald wirdt in seiner dick angezündt / vnd im Rauch der Hoffart zusammen gewalzet werden. *d* Dan im ganzen Landt werden Dorn vnd Hecken sein.

Sag mir einer / bitt ich / wa doch die Dörner der Vnlauterkeit vnd Vailheit nit auffwachsen? überall findt man ganze

a Matth. 7. & Luc. 13, *b* Isa. 5. *c* Isa. 9.

d Isa. 7.

Wald

Wäld diser Dornstauden. Warlich die Welt verwildet/vnnd ist vberschossen von Distlen der Gailheit. Vnd wa geht nicht auff das dickstechende gewächs der Gelsorgen? Fast vberal helt man mehr auff pare Thaler / als auff's künfftig Himmelsreich. Warlich / das Land ist verderbt worden von seinen Innwohnern / dann sie haben die Gesetz vbertretten / das Recht geändert/vnnd den ewigen Bundt zerbrochen. ^a Alle haben sich abgewendet/ein jedlicher seinem Geitz nach/vom grösten an biß zum kleinsten. ^b

Nicht weniger bewainet kläglich der Prophet Hieremias dise geringe zahl der Frommen/sprechend: Gehet durch die Gassen Jerusalems/vnnd sehet doch / erkündiget/vnnd frage auff ihrer Gassen/ob ihr doch einen findet/der recht thue / vnd dem Glauben vnnd Trew nachfrage? ^c Sie seind alle verdorbe/Erz vn Eisen. ^d

^a Isa. 24. ^b Isa. 56. ^c Hier. 5. ^d Hier. 6.

Nicht nur die Reichen/ sonder/ daß zuuerwunderen / eben so wol die Armen wissen Hoffart zutreiben / gail vnnd muchwillig zusein / vnnd hat jekundt auch die Armut gar fein gelernet mit den Lastern freundschaft zu machen. Alle samentlich feinde verdorben / Erß vnd Eisen / Silber vnnd Zin. Vnd damit der Prophet auff den vrsprung des vbelß kommen möchte / sagter: Ich hab darauff gemerckt/ vnd zugeloßet / niemands ist/ der da rede/ was gut ist. ^a (Gar zu war ist das bey disen vnseren zeiten) Keiner ist der Bußthüer vber seine Sünd / sprechendt/ was hab ich gethon? Alle haben sich nach ihrem lauff gewendt / als wie ein Roß/ das mit vngestüme dem Krieg zulaufft. Wehe der Erden / wehe den Menschen/ der Erdboden ist mit Ehebrechern erfüllt. ^b

Michas beklagt eben so wol/ daß die Jugend auff Erden ist wie ein arms verlaßnes Weißlin : Wehe mir / sagter/

^a Hier. 8. ^b Hier. 23. Kein

Kein Traub ist da zu essen: Kein heiliger man ist mehr im Land/ noch ein aufrichtiger vnder den Menschē. **a**

Als der heilig Dauid diß alles erwegte/ schossen ihm die Zähne in die Augen/ vñ drossen gleich als Brunnlein/ er aber sagte: Gott hat von Himmel herunder geschawet auff die Kinder der Menschen/ damit er sehe ob doch einer zu finden/ der verständig were/ vñ nach Gott fragte. Alle seind abgewichen/ mit einander seind sie vnrichtig worden/ Keiner ist der guthue/ nicht ein ainziger. **b**

Bedencke nun einer den kläglichen Stand diser vnserer zeiten/ vñ vilfaltige zerstückung vñ verkehrung der Sitten/ so wirdt er mit dem Königlichem Propheten empfinden/ vñ sagen/ daß die ellende zeiten Noë/ oder denselbigen nit vngleich/wider kommen. Dann/ wie sie waren vor dem Sündfluß: Sie assen vñ tranken/ griffen zu der Ehe/ vñ ließen sich zu der Ehe nehmen/ biß auff **a** Michæ. 7. **b** Ps. 13. vñ 15. **P** 4 den

den tag da Noë in die Arch giengē/
vnnnd sie wußtens nicht / biß der
Sündfluß kam / vnnnd sie alle hin-
weck nam. 4

Also muß jeko auch die Tugend an allen
orten deß Erdebodens gleichsamb verstoß-
sen / alntweder im Elend vmbziehen / oder
wa man sie einlaßt / wirdt sie nicht / als ein
warhaffter Haußgenosß / sonder allein als
ein armer Frembdling zu Herberg aufge-
nommen / mit dem geding / daß sie sich nie
lang auffhalte / sonder bald fort ziehe / das
ort raume / vnnnd ihren Psenning weiter
zehre.

Die Laster aber / haben ein so weite Ju-
risdiction vnnnd Herrschafft / daß sie ihre
Reichthumb / posses, Vnderthonen / vnd
Landeschafften nicht mehr zehlen / sonder
glat vberal herrschen / vnnnd das Regiment
führen wollen: Laster regieren allenthal-
ben. Die bemäntelte Gerechtigkeit / vnnnd
der augenreiche Mendthart / die handeln
ihre sachen allhie ohn allen scheuch: Mehr
dann freuentlich laßt sich da sehen / das
Matth. 24. schendt.

schendliche/vnd von allen Heyligen Goe-
tes verfluchte Laster der Schlemmerey vñ
vnteuschen Gailheit. Da findet sich dan/
wie gar die zahl der Fromen einschnurpf-
fe/das wann sie mit der vnzahlbaren me-
nig der bösen solte verglichen werden/ der
Spruch Biantis an der Prob bestunde:
Wenig Fromme / Böse vollauff.
Mit welchem auch der H. Ambrosius zu-
stimmt: In verglichung (spricht er) der
verworffnen/ist der Außewöhlten ein klei-
ne Schar. Dann allenthalben ist ein me-
nig deren die Sündigen / allenthalben ein
grosser hauff deren die verderben. Ge-
wißlich traworē die Strassen Sion.
Es lachen aber die Fußsteig Babylon. In
der warheit / so einer die Augen des Ge-
müts wendet auff den weeg zur Höllen/
wirdt er sehen/das er sehr wol gebant/ ge-
triben/vnnd der Wanderer so vil sich dar-
auff befinden / auch ein solches holdseligs
gedreng vnder ihnen ist / das man einan-
der truckt vnd stoßt/vnnd je einer dem an-
deren/durch Wort vnd Exempel sein fore
Thren. 1. Ps hilfft.

324 Von kleiner Anzahl

hilfft. Also geht man dahin/ vnnnd eylt der Höllen zu / als wann man auff dem weeg were zu einer frölichen Hochzeit.

Der Weeg zu den Lastern ist nicht allein ableg/ vnd gehet Berg ab / sonder ist auch gäch vnnnd fürschüssig: Zur Eugene ist er hoch vnnnd arbeitsam / befinden sich aber wenig deren/ die ihn wandern/ vnnnd die seind auch schier vnbetannt. Mit kläglichem Weissagen ermahnet Isaias/ sprechende : Also wirdts auff Erden vnder den Völckern stehen/ als so man die wenigen Oliuen/ die am Baum bliben seindt / abschlaget : oder so man nachsuchet/ wann das Weinlösen auß ist. ^a Mit diser Weissagung kan das klein häufflein der Frommen mit den wenigen Weinerdäulen / vnnnd Delbören / so nach reichem Wimmel/ vnnnd lesen / den Armen zum Raub vbergelassen werden: Die menig aber der bösen/ dem vberflüssigem Schnitt oder Einsamblung der Trauben / vnnnd Oliuen / verglichen werden. Dann/ es

^a Isa. 24. ist

ist kein Warheit (spricht der Propheet
Oseas *a*) kein Barmhertzigkeit / vñ
keinerkandnuß Gottes im Land/
sonder Fluchen/ Liegen/ Mörden/
Stehlen/ vnd Ehebrechen/ haben
vberhand genommen/ vnd trifft je
ein Blut das ander. Mehr dann hell
vñnd klar haben die Propheten die kleine
gshmeidigzahl der Frommen/klagt vñnd
bewainet.

Nach der Propheten kläglichen zeugnus-
sen/lassen sich in dem Newen Testament/
von eben diser so wenigen/vberauß kleinen
zahl der Außerröhlten/ mit gleicher kum-
mernuß vnd klag/die heiligen Apostel auch
vernehmen.

Joannes bezeugt: Die ganze Welt
stecke in der Bosheit. *b*

Petrus fragt: Wann der Gerechte
kaum selig wird/wa will der Gott-
loß vñnd der Sünder bleiben *c*

Paulus klagt: *d* Alle suchen was ir-
ist/vñ mit das/was Jesu Christi ist.

a Os.c.4. *b* Epist. 1.c 5. *c* Epist. 1.c.4.

d ad Philip. 2.

¶ 6

Eben

Eben diß erholet offtermals Christus selbst: Das Reich der Himlen / spricht er/leydet gewalt vnd die da gewalt thun/reissen es zu sich. *a* So laßt er auch nit ab zu tröwen: Wehe euch Reichen / die ihr eweren Trost habt: Wehe euch / die ihr seyt ersättiget/ Dann ihr werdet Hunger leyden: Wehe euch/ die ihr jertzo lachet/ danñ ihr werdet heulen vnd wainen. *b* Nicht allein aber hat er den Ohren / was sie hören sollen / sonder auch den Augen/ was sie sehen sollen/ entgegen gesetzt: *c* Ein thail deß guten Samens/ sagt er/ stellt auff den Felsen/der dorret auß: Ein anderer thail stellt vnder die Dörner/ der muß ersticken: wider ein thail auff den Weeg/ der wirdt mit Füßen zertreten: Allein der vierdee thail trifft ein gute Erden an.

Also/vnder den zehen Auffätzigen/so gereiniget worden / lehret nur ein ainziger wider hinder sich / preiset Gott/ vnd sage dem Herzen danck. Luc. 17.

a Matth. 11. *b* Luc. 6. *c* Luc. 8.

Die / welche zu dem köstlichen Abend-
mal geladen worden / haben angefangen
sich alle zuentschuldigen. *a*

Inn bewögun^g des Hierosolimitischen
Fischreichs / seind auß einer grossen menig
der Kranken / nit mehr / als nur einer ge-
sund worden. *b*

Der ainige Nicodemus vnder allen
Jüdischen Rathsherren / redet Christo
zum besten / etwas freyers. *c*

Auß so vilen Reichen vnn^d geistigen
Burgern zu Jericho / welche / als rechte
Camel vberladen / hat der ainige Zachæus /
nach ablegung der Burde vom Buckel /
(also redet Beda *d*) das ist / nach verlas-
sung des Lasts seiner Güter / durch die en-
ge Porten getrun^gen / vnn^d das / was er mit
vnrecht erobert / restituiert, vnn^d wider
geben. *e*

Von dem ainigen Mattheo / vnn^d der
ainigen Magdalena wirdt erzehlt / daß ie-
ner vom Zölltisch; dise von ihrer Bübe-

a Luc. 14. *b* Ioan. 5. *c* Ioan. 7.

d lib. 5. cap. 77, in Lucam.

e Luc. 19.

ren / sich in ein frommes vnschuldiges Leben begeben haben. *a*

Der H. Paulus Prediget inn der Hauptstadt Philippi in Macedonia: Da waren vil Zuhörer des Wortes / aber wenig / vnnnd schier keine / die nach dem Wort thun wolten : Das ainzig Weib Lydia liesse ihr das Christliche Gesaß gefallen. *b*
 Erstbemelter H. Paulus Prediget auch zu Athen auff öffentlichem Markt von Christo / allda nicht allein vil / sonder auch gelehrte Zuhörer / nit wenig auch der spöter waren / jedoch war niemands der dem H. Paulo glaubte / als allein Dionysius vnd Damaris. *c*

In dem stattlichen ansehlichen Concilio oder Raht der zwen vnnnd sibenzig Männer zu Hierusalem / ist kaum einer oder zween gefunden worden / die nach Christi Blut nit gedürst hette. *d*

Also auch vor dem Creuß des Herzens waren vil zuschawer / aber wenig Freund / Liebhaber vnnnd Nachfolger des Creuges.

a Matth. 9. Luc. 7. *b* Actor. 16.

c Actor. 17. *d* Luc. 23.

Also

Also auch heutiges tags sein Predigen
vollauff/aber schlechte oder schier gar kein
besserung der Sitten: Die Laster werden
getroffen/aber nicht außgetilget: Endens
nicht gern daß mans anrühre / will ge-
schweigen außreute. Vil seind beruest/
Wenig außervöhlte / laider **Wenig**.
Zum Glauben/sagt der heilig Gregorius,
a kommen vil / wenig aber in das Him-
melreich. Ursach/dann im Traidtennen
seind mehr Spreyer als Waizenkörnlein/
mehr ist deß Laubs an Bäumen / als der
Frucht: mehr an den Rosenstöcken Dör-
ner/ als Rosen: vil allenthalben der Riß-
lingstein/ wenig der Diemant vnd Edel-
stein: Also auch die anzahl deren/welche
die Göttliche Fürsichung zur Seligkeit
wirdt führen gerechnet gegen der Gottlos-
en menig/ist klein vnd wenig. Wie wahr
hat Hieremias vorgesagt: b Das Land
ist jämmerlich verwüßt worden/
dann keiner ist der es zu Herzen
nemme. Der es zu Herzen/sagter/zu
a Hom. 19. in Euang. b Hier. c. 12.

Hertzen fasse. Gar zu außschwaiffig
seind vnser Gedanc̃en/ vnd daß man sie
an das so gut vnnd erbar ist/ binden wölle/
das leyden sie in die lenge nicht/ sonder spa-
zieren vnnd schwaiffen jetzt hin/ dann her/
nach ihrem freyen lust: Da findet sich dañ
ein kleine / oder gar kein forcht vor der
Höllischen verdammnuß: Also/ vnnd eben
so wol ein kalte/ oder vnbeständige Begird
vnd verlangen nach dem Himmelreich.

Vnd werden die Christen eben so wol
als die Juden mit diser anlag getroffen:
Pro nihilo habuerunt terram deside-
rabilem: *a* Sie haben veracht das
gelobte Landt/ vnd für nichts gehalten.
Was ist lustigers dañ der Himmel? Die-
weil sich aber vnser Gedanc̃en selten da-
hinauff erheben/ so haben wir auch an di-
sem Reich der Außewöhlethen/ als an einem
vnbekanten ding/ einen vnlust/ oder ist doch
vnser Begird gar zu schwach vnnd kalt.
Vnd eben daher wachsen dem Höllischen
Risen Behemoth hoffnung vnnd stärke/
wie Job von ihm redet: *b* Sihe/ sagt er/
a Psal. 105. *b* Iob. 40. er

er wirdt den Fluß in sich verschlus-
sen/ vnd ihme solches nicht selzam
sein lassen/ vnnnd hat hoffnung der
Jordan soll ihme in sein Rachen
hineinfließen. Daher spricht diser ge-
dultigiste vnder allen Männern / *a* Ich
stunde in sorgen aller meiner werck
halber/ wissendt/ daß du dem Vber-
treter nicht verschonest. Alle meine
Wort vnnnd Werck/ ja alle meine Gedan-
cken/ werden mir verdächtig / wann ich
an die vnerbittliche Gerechtigkeit Gottes
gedencke. Daher kombt auch / daß der
wolbekandte Hilarion (von welchem der
H. Hieronymus in dessen Lebē schreibt *b*)
in seiner Sterbstund erzittert/ vnnnd weil er
jetzt für den Richterstul Christi solt fūrge-
stellt werden/ sich entsetzet. Noch ein klein
wärm spüret man am Leib/ also daß außser
der ainigen empfindlichkeit / nichts mehr
eines lebhaften Menschens vbrig war :
Vnnnd dannoch redet er mit offnen Augen
also : Gehe herauß/ was fürchtest du dir ?
Gehe herauß mein Seel / was zweiffelst

du? Beynähem sibenzig Jahr lang hast du Christo gedienet/ vnnnd fürchtest noch den Todt? Den Todt aber/ hat er so hefftig nicht gefürchtet / als das herzu nahende Gericht vnd Urtheil Gottes.

So gehet nun jeko hin / meine liebe Christen/ vnnnd weil ihr sehet / wie so heilige Männer / ihrer Seligkeit halber in solcher Furcht vnnnd Zittern stehen/ mögt ihr derweil sicher schleimen/ demmen/ dem wol lust abwarten/ guts muths sein/ Gold vnd Silber zusamen rasplen / einer dem andern gute haß vnd neydlich geben / reißen vnd beißen/ biß ihr einander gar auftreibet. Ihr mögt / sag ich/ derweilen nach dem kunft grossen Ehren streben/ dem ruhm/ titeln/namen/ precedenz vnnnd vorzug nachjagen/ vnd in allen dingen ewers Willens leben: Stehet doch geschriben : Der Himmel ist des Herzens: das Erdrich aber hat er den Menschenkindern geben: a Da seht wol an Burger: Da mögen die Augen/die Gedancken/vnd alle Begirden / ihren freyen offnen Paß haben/
 a Psal. 113.

haben/ vnnd wa sie nur hin sinnen/ ihren außschwaiß nehmen nach gefallen: Da lasset alle Anmurnungen walten wie sie wöllen: Lust vnnd Freyheit stehen wol beyssamen: Da lasset gehen wie es gehet: Versagt ewerem Leib keinen Wollust nit/ vnnd dem gailen Fleisch schlägt nichts ab: Lasset euch hie feinsanfft/ gütlich vnd wol geschehen: Wandlet in den Weegen ewres Herzens/ vnd in dem Anblick ewerer Augen/ vnd wisset daß euch Gott vmb dises alles wirdt für Gericht führen. *a* Vnnd ob schon der Mensch vil Jahr gelebt hat/ vnd sich in allen disen dingen erfrewet / so soll er doch ingedenck sein der dunckelen zeit/ die so vil tag hat. Dann wann sie kōmen/ werden alle vergangne ding / als eytel bewisen werden. *b* Darumb liebe Brüder/ spricht der H. Petrus / *c* wendet desto mehr fleiß an/ eweren Beruef vnd erwöhlung durch gute Werck gewiß zumachē.

a Eccles. 11. v. 9. *b* Ibid. v. 8.

c 2. Petri c. 1.

Was

Was aber für kennzeichen der Göttlichen
Fürsorge oder Außerwölung seyen/ habe
ihr angehört.

1. Vilmehr soll man auf das innerlich/
als auff das eusserlich gehen: auff Gottes
einsprechen/ vnd auff das inwendig liecht
so GOTT in vns hat angezündt/ gwaltig
acht geben.

2. Der Todt ist nicht zu fürchten/sonder
die Sünd/erste vrsach des Todts. Vmb
so vil weniger aber / wirdt der Todt den
Menschen schrecken können/je mehr vnnnd
öfter er in seinen Betrachtungen mit ihme
kundtschafft macht. So wirdt auch der
nicht vnwillig vnnnd gezwungen sterben/
welcher täglich vnnnd mit ernst bedenckt/
daß er ainmal sterben werde.

3. Niemand soll sich selber bereden/
noch glauben/ daß er Christum den HErrn
lieb habe/ wann er Christi gegenwertig-
keit in seiner Seel vnd Leib nicht gern hat.
Selten Beichten vnd Communiciern ist
nicht ein guts anzaigen. Wem sein hail
angelegen ist / der reiniget sein Gwissen
durch

durch Beicht vnd Buß so offte er kan: vnderlaßt auch nit das hochwürdig Sacrament des Altars zu seiner zeit zu empfangen. Merckt derothalben auff alle gelegenheit/ baider heiltger Sacrament sich theilhaftig zu machen.

4. Alles zeitlichs glück vnd gut/ ist gegen dem Himmel rimzuschätzen/ vnd für nichts zuhalten. Alles verlohren / ist nichts verlohren/ wa man den Himmel kan gewinnen. Ist also tausentmal besser/ alle zeitliche Güter auff ein hauffen dahinden lassen/ als den wenigsten schaden glitten am ewigen gut.

5. Alle widerwertigkeiten soll man also vbertragen/ daß zugleich der will Gottes/ auch hierinn gelobt werde/ vnd die gedult/ sich ganz verharzlich erzeige. Mit leyden macht nicht selig/ sonder vil leyden / mit Christlicher Gedult. Vnd je grösser die gedult ist im leyden / je herzlicher wirdt sein die Cron im belohnen.

6. Wer Gott liebt/ der liebt auch Gottes Wort, vnnnd ist aller embfig im Predig hören.

hören. Wen solchem Menschen ist nit ein schlechtes ding nachlässig vnd freuwillig ein ainzig Predig versäumen. Es gilt aber wenig/ vnd so vil als nichts/ Gotteswort/ Predig/ vnd ermahnungen nur bloß. eusserlich anhören/vñ nit halten. Das hören ist recht vñnd muß sein/ das behalten aber/ vñnd im werck erzaigen/ soll drauff folgen. Da muß beim hör/ auch Nachmuß vnd werck sich finden lassen.

7. Den Armen soll man nit allein mit der Hand/ mit dem stück Brot vnd Pfenning/ mit Belt/ Klaider/ Geldeswerth zu hilff kommen/ sonder auch in disem helfen etwas von dem Herzen einbrocken/ vñnd gegen ihnen auch ein herzkliche vñnd mitleidige anmutung erzaigen. Wa man auß einer tugend Almosen gibt/ da gibt man nicht allein auß dem Seckel/ sonder auch auß dem Herzen/ vnd das gar gern/ mit liebe.

8. Niemand soll darsür halten/ daß er Gott gefalle/ so lang er zuuor ihme selber nicht mißfelle. Wer sich selber nicht versachren

achten kan/der kennt Gott nicht/noch sich
selbs / dann je besser sich der Mensch selbs
kennt / je weniger auch helt er auff sich
selbs; klein vnnnd nichtig in seinen aignen
Augen/groß vor den Augen Gottes. Ein
seltsame/aber ein hohe/werthe/vnnnd noht-
wendige tugent ist/verachtung sein selbs.

9. Nach Christi gsag vnnnd befehl/muß
man nit allein Freund vnd Guttäter lieb-
haben/sonder auch Feind vnd Versolger.
Die Freund vnnnd Wohlthäter lieben/könn-
den auch die Haiden vnd Gottlofiste Leut;
Feind vnd Mißgönner lieben/vnnnd ihnen
guts thun / kan niemand als ein rechter
wahrer Christ / welcher auff die ewig / vnd
nicht auff die zeitlich vergeltung sieht.

10. Ab deß vorigen vergangnen Lebens
Sünden soll man ein widerwillen vnd ab-
schewen tragen/darnit man nit immer fore
in alten hauffen hinein sündige / vnnnd den
alten wueß mit newem vermehre. Es ist
aber kein gnugsame Buß/bloß sagen: Es
reue mich. Der Sünder muß auch
Gott dem HErrn / wie ein Kind dem
Vatter/

338 Von kleiner anzahl

Batter/angloben vnnnd versprechen: Ich wilß nimmer thun.

11. Nichts bessers / nichts sicherers / nichts seligers ist auff Erden / als seinen willen in allen dingen mit dem Göttlichen willen verainigen. Also wirdt deß Menschen will im guten steiff vnd fest gemacht / da er sonst jtmmer hin vnnnd her wancken müßte. Kein besserer will auff Erden ist / dann der in all sein wöllen / dahin allein zihlt / wie Gott will.

12. Ein stille / aber gar ein gute music ist es / wann deß Menschens affect vnd begir den mit der Vernunfft vbereinstimmen. Den lasterhafftigen Anmutungen soll man sonderlich im anfang starcken widerstand thun. Wer beyzeit wöhrt / kan vil erwöhren: auß kleiner saumseligkeit / entstehe oft der größte schaden. Fromb sein / laß sich ohn schaden nie auffsetzen.

Das seind / fürklich / die zwölff Zeichen Göttlicher Fürscheidung vnnnd Wahl zum ewigen Leben / von denen bißher gehandelt ist worden.

Befrage

Befrage nun ein jedlicher sein Gewiſſen / ob er ſolche kennzeichen Göttlicher Fürſehung oder Außewöhlung an ihm ſelbſten ſpüre/daher er hoffen könne/daß er vom weeg der Frommen/welcher gen Himmel führet/nit irz gehe? Der Weeg der Sünder iſt mit Stainen pflaſtert: Ihr End aber / ſeind gruben der Höllen/ Finſternuß/ vñnd Peyn. ¶ Vñnd doch / weil diſer Weeg anfangs leicht/ eben/ vñnd ſchön anzusehen/ſo iſt ein ſolche macht/ menig/ vñnd hauffen/ die diſen Weeg rennen vñnd lauffen/ biß in den vñnfürſehnen tieffen abgrund der Höllen/ daß auch der augenſchein ſelber zeugnuß gibt/wie recht vñnd warhafftig Chriſtus geſagt: Ein weite Porten vñnd breiter Weeg iſt / der zum verderben führt/ vñnd VIL ſeind die dardurch wandern: 6 Vil ſeind deren / Q du mein Gott/ es ſeind vil.

¶ Eccli. 21, 6 Matth. 7.

Ben mehrern Scribenten *a* wirdt ge-
lesen/daß etwan ein Eremit oder Einsid-
ler in veruckung des Geists gesehen habe/
die Seelen gleich wie einen dicken Schnee
oder Regen/in die Höll hinab fahren: Als
so / daß die Verdambten (wie solches ein
Prediger in Lusitania erzehlet) nicht vn-
billich fragen können : Stehet die Welt
noch/ wie zuuor? oder ist sie allberait gar
außgestorben vnd zugrund gangen? Dañ
es fährt ohn vnderlaß ein solche menig
der Seelen an disen ort der Pein hinun-
der/ daß kaum glaublich/ daß so vil Mens-
schen in der Welt sein könden.

Von Bertoldo Franciscaner Ordens/
einem/ seiner zeit/ wolberedten / namhafft-
ten Prediger in Teutschland / wirdt ge-
schriben: Als er ainsten ein gewisses Laster
auff der Sankel mit ganz ernsthefften ey-
ferigen Worten gestrafft/seye ein Weibsperson/
die ihr solches Lasters auch bewußt/

a Philip. Diez to. 5. conc. 2. die B.

Virg. ad Niues. S. Antonin. 3. par.

lutt. tit. 24. c. 9. §. 2. Hier, Plat. l. 1. de

bono stat, rel, c. 15,

mit

mit so schmerzlicher reu deß Herzens
 vbergangen worden/das sie mitten vnder
 dem vmbstehenden Volck/gleich als Tode
 zu boden gesunken / doch auff bemelten
 andächtigen Volcks allgemaines Gebett/
 endlich widerumb zu ihr selbst kommen/
 vnnd was sie in wehrender ihrer verzuck-
 ung / vor dem Gerichte Gottes gesehen/
 erzehlet habe/vnd fürnemblich dises: Das
 zumal miteinander/sechzig tausent See-
 len/deren in der Welt/vnder Christen vnd
 Handen/auff mancherley weiß vnd weeg/
 selbenmals verstorbenen Menschen / für
 Gottes Richterstul seyen gebracht wor-
 den / auß welcher grosser anzahl mehrer
 nicht/dann nur drey/zur zeitlichen straff in
 das Fegfeuer; die vbrigen alle zur ewig
 wehrenden Höllischen flammen seind ver-
 urthailt worden. O warhafftig seind vil
 deren/die nemlich durch die weite Por-
 ren gehen / vnnd auff dem bratten Weeg
 deß verderbens wandern! Auff disen
 verstand vnnd mainung Christi/ist der H.
 Chrylostomus so tieff hinein gangen/das

ers hat wagen / reden / vnd schreiben dörf-
 fen: a Deren / spricht er / so der Höllen zu-
 fahren / seind vil mehr / doch aber ist Got-
 tes Reich / ob es schon wenig hat / grösser.
 Vnd / wie vil mainet ihr / daß in vnser bles-
 sigen Statt selig werden? Erschröcklich ist
 das / was ich sagen will: dannoch will ichs
 sagen: Auß so vil tausenden / können nicht
 hundert erfunden werden / denen wir die
 Seligkeit versprechen möchten: Dann
 ich auch eben von denen zweifle. Was ist
 doch / vmb Gottes willen / in der Jugend
 nicht für ein Bosheit / vnd Vübereyen / was
 für ein fauler verdruß in den Alten / &c.
 Diß schreibt Chrysostomus, in fürsich-
 rigkeit / vnd heiligkeit / ein außerlesener
 Mann / ein Lehrer der Kirchen / ein Liecht
 der Welt / vnd hat solches von Antiochia /
 der vberauß Volkreichen Statt / sagen
 dörfen; vnnnd zu der zeit / da der Geist der
 ersten Kirchen noch nit erkaltet.

a Tom. 3. pag. 522. hom. 24. &

Tom. 5. pag. 248. hom. 40. in Act.

a Apost. tit. de pœnitent.

Wer

Wer ist aber / der dises recht saß / oder
 recht glaube? Es erzehlt der Geistreiche
 Mann Ludouicus Granata in der drit-
 ten Predig / am anderen Sontag des
 Aduengs / a wie dise Blindheit vnd Un-
 glauben der Menschen / ein guter Freund
 dem andern wunderbarlich nach dem
 Todt offenbaret. Ihrer zween / sagt er /
 hielten einander auffrecht vnd von herken
 lieb. Endlich / hat der Todt / seinem brauch
 nach / dise lieb zertrennt / vnd den ainem
 auß disen zweyen / weck verzußt in die an-
 der Welt. Steht aber nicht lang an / so
 erscheint in gang trawriger gestalt / der
 verstorben dem so noch bey leben war.
 Diser saß ein herß vñ fragt / in was stand
 er sey? der verstorben thut ein tieffen
 schweren seuffzer darauff / vnd sagt drey-
 mal vnder schidlich auffeinander / Nemo
 credit, nemo credit, nemo credit:
 Niemandt glaubts / niemandt glaubts /
 niemandt glaubts. Der ander frage wi-
 a ex Iacobo de Parad. Carthus. l.
 de peccat. mental. criminal.

derumb / was es doch were / daß niemand glaubte. Der verstorben antwortet: Niemand glaubts / wie Gott so gnach rechne / vñnd so streng straffe. Auff dise wort ist er verschwunden.

Ach freynlich glaubts niemand / wie Gottes vrthel vñnd straff so scharpff. Man Prediget jahr vñd tag / man ermahnht zur Buß heur vñd ferth / vñ niemand glaubts / & nemo credit. Man redt vñd schreibe vil von der Ewigkeit / vñ niemand glaubts. Was wirdt nit gsagt vñd gschriben vom ewigen Wolleben / vom Himlischen Paradenß / von immerwehrenden vnaussprechlichen Grewden inn der Seligkeit? vñd niemand glaubts. Wie oft / wie vil / wie ernstlich wirdt gehandelt vom ewigen vnauflöschlichen Gewr / von vnauffhörlicher / vnbegreifflcher Pein vñd Qual der Verdampften / vom immerwehrenden schmercken vñd wehtag in der Höll / vñnd niemand glaubts / ach laider niemand glaubts / oder aber so wenig / daß sie wol gegen der menig deß verlornen hauffens schwer.

schwerlich zu finden vnd zu zehlen sein. Man hat wol ein Glauben / aber lieber Gott / gemainlich ein faulen vnd schläfrigen Glauben / der die sache nur obenhin faßt / vnd laßt darben bleiben. Wann man recht glaubte ein ewigen wollust im Himmel / ein ewige Marter in der Verdammnuß / so wurde man warlich weit anderst leben / deß zeitlichen lusts weniger begieren / ab zeitlicher plag vnd straff weniger erschrecken / die zeitlich furß arbeit weniger scheuen. Aber noch ist es wahr / vnd niemand glaubts / & nemo credit, oder wenig / gar wenig ; ach wenig die sich der sache recht enfrig vnd ernstlich annemen / vnd in wahrer Gottsforcht nach ewigem hail stellen.

Wer will sich dann jeko verwunderen ab der so sorgfältigen vermahnung deß H. Apostels Pauli / da er sagt : Wir sollen vnser Hail würcken mit forcht vnd zitteren a Weil auch Christus selber mit seiner so ernstlichen vermahnung vns zuspricht : Ringet darnach / daß ihr

a ad Philip. 2. 4 ein

eingehet durch die enge Porten. *a* Ringet darnach / schreyet die Warheit / Ringet darnach / bemühet euch / besarbairet euch / lehret allen fleiß an / spanne alle kräfte daran / daß ihr durch dise enge Porten / mit würdigen Früchten der Buß mögt eingehen. *b* Mit wancken vnnnd schimpfferitten kombt man da nicht hinein / es wirdt erfordert ein wachbarer / gang ernsthafter fleiß / der alles was im weeg steht / vnnnd ver hinderlich ist / durchtringen will. Dann / wann der will nicht enserig / die vernunft nicht aller wachbar / auch der Mensch ihme selbstenn nit rechtgeschaffnen gwalt anlegt (sagt auß dem H. Gregorio Bedac) laufft er gar leicht widerumb zuruck / vnd mag durch die enge diser Porten nicht hinein kommen / wegen daß sich seine ungezämbte Begirden zu weit auffheben vnd außbreiten: Daß ich geschweige der Ansechtungen / vnnnd Verfolgungen / welche der Teuffel / vnnnd die Welt auffwigen vnd anrichten wider die

a Luc. 13. *b* Matth. 3. *c* lib. 11. moral.
c. 26. in nou. exempl. ienis

ienigen/ die sich bearbeiten durch diese enge
 Porten hinein zutringen. Vnd gleich
 wie die Ruder knecht / welche das Schiff
 gegen dem Fluß auffweres treiben/ mit al-
 ler macht sich auff die Ruder legen / vnd
 wol anziehen; also ist vonnöthen/ daß auch
 die/ welche wider so manchen anlauff der
 Feind/ ihren Geist gen Himmel laiten/ mit
 aller macht sich auff die Tugend begeben/
 vnd des Feinds gewalt/ mit noch grösserem
 gewalt widerstehen/ vnd vberwinden. Wa-
 sie das nicht thun/ wirdt die Seel von bö-
 ser gwonheit/ gleich wie das Schiff/ vom
 reissenden Wasser/ zuruck geworffen / da-
 her ein vnwiderbringlicher schaden ent-
 stehet. Wachet derohalben auff ihr
 Gerechten/ seyt fromb/ vnd Sün-
 diget nicht. a Der aber/ ist für wacht-
 bar zuhalten / welcher allezeit / vnd an al-
 len orten also lebt / daß er einen jeden tag
 also zubringe vnd anlege/ als wann es sein
 leetster tag were / der nicht mehr könne wi-
 derbracht werden: Welcher in allen sei-
 nen Gedanken vnd Wercken/ also auff
 a 1. Cor. c. 15. sein

348 Von kleiner Anzahl Zußer:

sein Gewissen acht gibt / als wann er noch
heut sterben wurde. Lasset vns derohalben
thun/weil wir können/ daß wir wolten/wir
bettens gethon/ wann wir nicht mehr wer-
den können. Was der Mensch auß-
säet, / das wirdt er auch einschney-
den. a Wer inn seinem Fleisch außsäet/
der wirdt vom Fleisch auch eimerndten
das verderben. Wer aber außsäet im
Geist/der wirdt vom Geist auch ein-
schneiden das ewige
Leben.

Ad Gal. c. 6.

E N D E.

In verlegung Raphael Sa:
delers/ Churfürstl: Durchl:
Kupfferstecher.




Cum licentia Superiorum.

Getruckt zu München / durch
Nicolaum Henricum.

1623.

Handwritten text in a script, likely Indic, at the top of the page.

Second line of handwritten text in a script, likely Indic.



Handwritten text in a script, likely Indic, located below the dark smudge.

Handwritten text in a script, likely Indic, located below the dark smudge.

Handwritten text in a script, likely Indic, located below the dark smudge.

Handwritten text in a script, likely Indic, located below the dark smudge.

SPECIAL

93-B

8336

STATE OF TEXAS

Am

Am

Handwritten text, likely a list or inventory, written in a cursive script. The text is heavily obscured by large, irregular stains and water damage, particularly in the upper half of the page. The visible fragments of text include:

...
...
...
...
...
...
...
...
...
...



225